

С.Р. Мутаева

ЛАККУ МАЗ

**3- мур классрал учебный пособиялұңғынса
методикийсса маслихатту**

Махіачкъала – 2019

С.Р. Мутаева

**3- мур классрал учебный пособиялудынса
методикйсса маслихатту (учебный пособие
«Лакку маз» 3 класс, автор – И.Х.Абдуллаев,
К.Р.Рахимов, С.Р.Мутаева, М.«Просвещение»,
2018)**

Мах1ачкъала– 2019

Вив бүмур

Хъьич1махъ-----	4
I.Глава. З-мур классраву «Лакку маз» т1исса предмет лахъхъаврил элмийсса ва методикийсса гъанурду	
1.1. «Лакку маз» т1исса предмет лахъхъаврил элмийсса ва методикийсса гъанурду -----	5
1.2. Федерал паччах1лугърал ц1усса стандартиртайн бувну, сакин дурсса лакку мазрал программалул т1алавшиннарду -----	10
1.3. Лакку мазрал учебный пособиялул сакиншинна-----	13
1.4. «Лакку мазрал» дарсирал сакиншинна ва хасшиннарду -----	15
1.5. Шамилчинмур класс къуртал буллалисса дуклаки оърч1ал ккаккан дан аркинсса результатру -----	16
II.Глава. З-мур классраву лакку маз лахъхъаврил методика	
2.1. Тематикийсса планирование-----	19
2.2. Программалуву дуллусса материал лахъхъаву -----	25
2.3. Шамилчинмур классравусса дуклаки оърч1ал гъалгъа баврил компетенция хъун баву -----	47
2.4. «Лакку мазрал» дарсирдал махъ дуллан ккаккан дурсса даву -----	94
2.5. Мисалдарансса дарсирдал планну-----	97
Хъиривмахъ -----	124
Ишла дурсса литература -----	125

Хъхьич1махъ

Ц1усса Федерал паччах1лугърал байбихъулул классирттансса стандартирттал хъунмур мурад оърч1ру гъарца чулуха итххяххан бансса гъану бизаву, ц1анасса ч1умул т1алавшиннардац1ун бавкъуну ялун нанисса ник тарбия даву, лич1и-лич1исса миллатирттал оърч1ру куннащал кув бавкъуну, куннал х1урмат кув буллай, ялапар хъун лахъхин баву хъанахъискар. Гиву хъуннасса къулагъас оърч1ан цала ниттил маз ва ниттил мазрайсса литература лахъхин даврих дурну дур.

Ва пособие лакрал школарттай шамилчинмур классраву зузисса учительтуран кумагран сакин бувну буссар. Ванил мурад учительнал даву бигъа даву хъанахъискар. Пособиялуvu 3-мур классраву зузисса учительтурансса методикалул маслих1атру буллуну буссар. Хъуннасса къулагъас дак1них ва чичрулийну дуклаки оърч1ан лакку мазрай т1айлану, к1анийн бувтун, гъалгъа буллан лахъхин баврих дурну дуссар. Мукунма х1исавравун лавсун буссар лакку маз ишла баврил сферагу.

Шиву мисалдараңсса дарсирдал планну дуллуну дуссар. Учительнаща вай щаллуну цала давриву ишла дуллан ягу вайннул цуми – бунугу бут1ри цала дарсирдал планнавун бичин бюхъант1искар.

Вай 3-мур классрансса дарсирдал планну, Ц1усса Федерал паччах1лугърал аымсса байбихъулул классирттансса стандартирттал т1алавшиннардайн бувну, сакин дурну дуссар. Шиву шамилчинмур класс къуртал буллалисса дуклаки оърч1ал хъун дан ккаккан дурсса резултатру ккаккан дурну дуссар.

I- мур глава. З-мур классраву «Лакку маз» т1исса предмет лахъхъаврил элмийсса гъанурду

1.1. «Лакку маз» т1исса предмет лахъхъаврил элмийсса ва методикийсса гъанурду

Лакрал школарттай байбихъулул классирттаву оърч1ан к1улшиву дулаврил ишираву ца агъамсса к1ану лакку мазрал бугълагъискар. Миву хъхъич1ра - хъхъич1сса к1улшиву лакку мазрайри ласайсса, мунихлуну лакку маз ххуйну к1улну бик1ан аъркинссар.

Байбихъулул классирттаву оърч1ал грамматикалуя ласайссар лавайми классирттаву лахълахъисса содержаниялуц1ун ц1акъну дарх1усса ца балжисса к1улшиву. Грамматика ва чичруулул къайдарду лахълахъисса байбихъулул курсиравун лавайми классирттаву грамматикалул ва чичруулул къайдардал курс ххуйну лахъхъиншиврул чара бакъа аъркинсса материал дуртуну дур.

Байбихъулул школалий лахълахъисса предметирттаву «Лакку мазрал» к1ива агъамсса мурад щаллу буллалиссыр:

1. дуклаки оърч1ру мазрал элмулущал к1ул баву ва гайннал пикри баву х1асул хъун даву;
2. дуклаки оърч1ал гъалгъа баврил компетенция х1асул хъун баву: дак1нихсса ва чичрулийнусса гъалгъа магъир баву, монолограл ва диалограл формалийсса гъалгъа магъир баву ва мукунма инсаннал аымсса культуралул ккаккияну хъанахъисса грамотныйисса, гъалат1ру бакъасса чичруулул вардишру хъун даву.

Ц1анасса ч1умал лакку маз лахъхъаву – му дуклаки оърч1ру мазрал системалущал ва ганивусса правиларттащал к1ул баврийну, гъалгъалул бюхъурду ва вардишру хъун баврийну щаллу къашайссар. Ва предметрал хъинну хъуннасса агъамшиву дуссар дуклаки оърч1ал мировоззрения хъун давтиву, гайннан дуклан лахъхъин баврил гъану бизавтиву, аъкълу - к1улши хъун давтиву ва оърч1ру адаб - инсапрал чулуха тарбия бавтиву.

Ва предметрал лялич1ишиву хъанахъиссыр ганил ц1акъну

литературийсса буккаврищалсса дах1аву, вай к1иннилагу «Ниттил маз ва ниттил мазрайсса литература» т1исса предметный областъравун бухлахисса агъанми масъалартту щаллу буллалиссар.

3 классраву лахъхайсса лакку мазрал курсирал аымсса характеристика

Лакку мазрал курсирал лялич1ишивуну хъанахъискар аымсса литературийсса буккаврищал арх1ал гъалгъа баврил ва за к1ул баврил гъану бушиву. Гивун лакку маз лахъхъаврил шанна аспект духлахискар: мазрал система, гъалгъа баву ва литературийсса текст.

Курсирал программалул байбихъулул школалий аымну лакку маз лахъхъаву шанна принципайн чул бивщуну дайссар:

- 1) гъалгъа баврил;
- 2) за к1ул баврил;
- 3) дуклаки оърч1ал дарсирахсса гъира багъан баву ва гъарца оърч1айн хъарсса дуккаву.

Гъалгъа баврил принципиал бувч1ин буллалиссар мазрал яла агъанмур функция гъалгъа баврил ярагъну бик1аву хъанахъишиву:

гъалгъалул тагъар x1исавравун ларсун, гъалгъа буллан лахъхъаву x1асул дан (гъалгъалул мурад бувч1ин, гъалгъалул тагъарданух урувгун, цала гъалгъа баххана ва бакъин бан, ганил ялув къулагъас дан);

гъалгъа баврил лич1и-лич1исса системарттащал к1ул баву (дак1нихсса ва чичрулийнусса);

текст – му гъалгъа буллай хъумур, ганил дузрайн дуркесса ахир душиврущал к1ул баву;

дуклаки оърч1ан цанма лич1и - лич1исса журалул текстру (иширал чагъарду, магъир литературалувун дууххайсса назмурду, хаварду, магъри ляхъан буллан, научно - популярныйсса текстру) сакин дуллансса гъира багъан баву;

учительнал дуклаки оърч1аштал ягу дуклаки оърч1ал куннал куннаштал диалограл формалий, гъалгъалуву ишла байсса махъругу ишла бувну,

куннащал кув х1урмат буну, куннан кув бувч1лай, адав - инсапрай гъалгъа баву ва куннащал кув арх1ал зунса, гъалгъа т1унса гъира бик1аву.

За к1ул баврил принципрал ккаккан байссар мазрайх1ин, мукъуйх1ин инсаннал дуллалимур, дуниял к1ул дайшиву.

Дуклаки оърч1ал дарсирахсса гъира лавай баврил ва гъарца оърч1айн хъарсса дуккаврил принципрал оърч1ан дуккаврихсса ва за лахъхъаврихсса гъира багъан байссар.

Гайннан к1улшиву ласун лахъхъин баву.

Жула культуралул аъдатирттайн чул бивщену, дуклаки оърч1ал адав - инсапрайсса т1ул - т1абиафт хъун даву ва ч1унарх1ал оърч1ашал ва бугъарасса инсантуращал гъалгъа буллан лахъхъаву.

З- мур классиртал дуклаки оърч1ру дус шайссар: гъалгъалул бут1ращал ва гъануми формардащал; предложениялул жуардащал; предложениялул члентращал. Ца агъамсса к1ану оърч1ру мукъул лексикийсса мяъналущал, ч1яру мяънарду ду мукъуртищацал ва синонимикалущал иширайну дус баврил бугълагъискар.

Байбихъулул классиртал грамматикалул ва чичрулул къайдардал курсирал гъанусса раздельну хъанахъискар: «Ч1урду ва х1арпру», «Махъ», «Предложение», «Махъру кунниц1ун кув бавх1усса гъалгъа», «Марц1ну чичаву».

«Махъ». Программалий махъ лексикалул ва грамматикалул чулуха бувч1ин буллай буссар. Ганил хъуннасса къулагъас мукъуртищацса давурттах дуллалиссар. Грамматика ва чичрулул къайдарду лахълахъийни, произведенияртту ккалаккийни, оърч1ан х1исав шайссар мукъуртиил затру ягу хъанахъисса ишру ккаккан байшиву, гайннул мяъна душиву. Лич1и-лич1исса предложениярттаву, гъалгъалуву, мукъуртиил мяънарду даххана шайшиву, махъру мяъналул чулуха гъансса ягу къаршилла бик1айшиву.

Мукъул грамматикийсса мяъна к1ул шайссар мукъул бут1ри (мархха, суффикс, дайлит1у) лахълахъийни. «Мукъул бут1ри» т1исса тема 3 классраву лахъхъайссар. Мукъул бут1ри лахъхъаврил гъанулий, гъансса (ца мархлуя

хъусса) махъру лич1и буллалисса даврил мадарасса к1ану бугълагъиссер. Микку дуклаки оърч1ан к1ул шайссар мукъурттил дянив дах1аву душиву, гай кунния кув сакин шайшиву, гъалгъалул бут1рал дянивсса лашаву ва лич1ишишиву дурч1ин кумаг байшиву. Мархха, суффикс, дайлит1у лич1и даврил, мархри цач1у бишаврил гай чичайсса куц дак1ний лич1ан кумаг бант1иссер.

З классраву дуклаки оърч1ру мадара гъартану баххана шайми гъалгъалул бут1рал формардал цаппара хасиятирттащал дус байссар. Существительнирал затру ккаккан дайссар, аьдадирттайх, падежирттайх баххана шайссар; прилагательнирал затрал хасият ккаккан дайссар, существительниращал бусса ч1умал аьдадирттайх ва падежирттайх баххана къашайссар; глаголданул даву ккаккан дайссар ва ч1уннайх баххана шайссар ва м.ц.

Гъалгъалул бут1ри лахълахъийни шамилчинмур классраву мукъурттищалсса давуртту дайссар (мяньна дурч1ин даврил, махъ т1айлану ишла баврил чулухуннай).

Лакрал школарттай байбихъулул школа къуртал буллалисса оърч1ан синтаксисраясса к1улшиву дуллай бур «Предложение» т1исса раздел лахълахъийни мукъвагу классраву, му к1улшивугу дур:

- 1)предложениярттал журадду (бусай, ц1уххай, буюр бай ва оъвчай), мукунна простойсса предложение;
- 2)предложениялул члентру (цалчинмур даражалул - подлежащее, сказуемое; к1илчинмур даражалул - ц1а къакуну);
- 3)предложениялувусса мукъурттил дянивсса дах1аву, предложениялувусса бавх1умукъурттия.
- 4)сложный предложениялия аймесса к1улшиву дулайссар. Укунсса к1улшиву дуклаки оърч1ал чан-чанну т1ий, мукърагу шинал мутталий ласайссар.

З классраву 2 классраву лавхъхумур курт1 ва гъарта байссар. Му бакъассагу дуклаки оърч1ан к1улну бик1ан аьркинссар подлежащее,

сказуемое, предложениялул цалчинмур даражалул члентру, предложениялул к1илчинмур даражалул члентру (гайннун ц1арду къакуну).

Байбихъулул классиртаву лахъхайсса цинярдагу морфологиялул темарду лахъхайссар синтаксисрал гъанулий, яни синтаксис ва морфология цанниц1ун ца дарх1уну, цанил-ца дурч1ин дуллай, цанчирча жула гъалгъа предложениярттая ва бавх1умукъурттия сакин хъусса буну т1ий.

3- мур классраву предложениялувусса мукъурттил дах1аву ххал дуллалисса давуртту дачин дайссар. Оърч1ан синтаксисраясса к1улшиву гъартану ва ххуйну лахъхаврил иширан хъунмасса кумаг байссар махъру кунниц1ун кув бавх1усса гъалгъа ишла буллалийни, цала пикри дак1нихгу, чичрулийгу бусан лахъхин булларча.

Дарсирдал гъанусса принципирдал цану гъалгъа магъир баву хъанахъиссар. Грамматика к1улшиврун, мазрал ва орфографиялул вардишру душиврун ккалли дан бюхъайссар, так гайннаща гай к1улшивуртту мукъурттиву, предложениярттаву, цала бусласимуниву дакъассагу, цала сакин дуллалисса текстирдаву, хавардаву, изложениярттаву ва сочинениярттаву ккаккан дан бюхъарча.

Программалуву хъунмурч1ин изложенияртту ва сочиненияртту дан ккаккан дуллалисса. Дак1нихсса ва чичруулул давуртту кунниц1ун кув дарх1уну дуссар.

Чичрулийнусса гъалгъалул чулухунмайсса бюхъурду дак1нихсса гъалгъа магъир баврил гъанулий щаллу шайссар. Чичруулул давуртту даннин хъхъич1, учитель ялав авц1уну, дак1нихсса давуртту дайссар. Чичру дулланнин хъхъич1, дак1нихсса давуртту дуллалийни, учительнаща бюхъайссар мазрал, стильданул, мурадрал чулухуннайсса замечанияртту дан, дуклаки оърч1ашагу цала гъалат1ру бигъану бакын бан бюхъайссар.

Марц1ну чичаву. Марц1ну чичаврил дарсру грамматикалул материал ва чичруулул къайдарду лахъхин дуллалисса дарсирдац1ун дарх1уну дишайссар.

Марц1ну чичаврил дарсирдай чичлансса махъру, предложенияртту ва текстру лич1и дуллалийни, чичруулул къайдардугу дак1ний дик1ан айкинссар. Масала, хъуни x1арпру чичин лахълахъийни инсантурал, x1айвантрал, шагъурдал, неххардил ц1арду чичлан айкинссар, лич1и-лич1исса x1арпру чичин лахълахъийни программалий цала-циала классирттан лахъхыин ккаккан бувсса махъру ласун айкинссар.

Марц1ну чичаврил дарсирдай дуллалисса т1алавшиннарду цинярдагу чичруулул дарсирдайгу даван айкинссар.

З классраву лахъхайсса фонетикалул, грамматикалул, чичруулул къайдардал, гъалгъа магъир баврил программалул курсирал щаллу бан айкинссар ойрч1ан к1улшиву дулаврил, гай тарбия баврил ва итххяххан баврил цасса масъала.

1.2.Федерал паччаx1лугърал ц1усса стандартирттайн бувну, сакин дурсса лакку мазрал программалул т1алавшиннарду

Хъхьич1ми классиртаву лавхъхъумур тикрал баву

Гъалгъа. Предложение. Ч1урду ва x1арпру. Слогирттал, ч1урдал ва x1арпирдал анализ даврил вардишру тихуннайгу магъир даву.

Махъру, предложенияртту чичаврил вардишру ц1акъ даву.

Гъалгъа. Текст.

Гъалгъа. Текст, ганил жуарарду. Текст бут1райх дач1аву, гайннун ц1арду дизаву.

Предложение

Предложение.

Бусай, ц1уххай, буюр бай предложенияртту. Оъвчай предложение.

Предложениялул цалчинмур даражалул члентру: подлежащее ва сказуемое. Предложениялул грамматикийсса гъану.

Предложениялул к1илчинмур даражалул члентру (ц1арду къакуну). Лархъхъусса грамматический формардащал предложенияртту сакин даву, гай лахъи даву.

Простойсса ва сложныйсса предложениярттая аймсса к1улшиву дулаву.

Бавх1умахъру. Бавх1умукъурттил сакиншинна: гъанулулми ва гъанулул бакъами махъру. Бавх1умукъурттил ва предложениялувусса мукъурттил дянивсса дах1аву.

Махъ

Мукъул бут1ри. Мукъул мархлуя, суффиксрая ва дайлит1улия аымсса к1улшиву дулаву.

Мархха ва дайлит1у. Ца мархлуя хъусса махъру. Ца мархлуя хъусса махъру лякъин бюхъаву.

Мукъул гъану. Мукъул гъану лякъин бюхъаву.

Суффикс. Мукъурттиву суффикс лич1и бан к1улшиву.

Гъансса мяънарду дусса махъру.

Ца мархлуя хъусса махъру ва мукъурттил формарду. (цач1у дирхъуну, ххал даву)

Лексика¹

Мукъул лексикийсса мяъна. Ца мяъна дусса ва ч1яру мяънарду дусса махъру. Мукъул т1айланнасса ва зунххисса мяънарду. Синонимру. Антонимру.

Гъалгъалул бут1ри.

Гъалгъалул бут1рая (существительнирая, прилагательнирая, глаголдания, числительнирая, ц1анинк1анаймуния) аымсса к1улшиву дулаву.

Существительное. Существительнирал мяъна, суаллу. К1улиши думи ва к1улши дакъами существительнирду. Хасъсса ва аымсса существительнирду. Существительнирал аьдад. Существительнирду аьдадирттайх баххана шаву. Существительнирду падежирттайх баххана шаву (иширайну к1ул баву).

¹ Лексика лахъхынн ккаккан буллалиссар существительнирду, прилагательнирду, глаголлу лахълахъисса дарсирдай, литературийсса буккаврил дарсирдай щалагу дуккаврил шинай.

Прилагательное. Прилагательное, ганил мяъна. Прилагательниран бишайсса суаллу. Прилагательнирал существительнирашалсса дах1аву. Прилагательнирду гъалгъалуву ишла баву.

Числительное. Числительное, ганил мяъна. Числительнирал жуарарду. Числительнирду группарттайх баххана шаву. Числительнирал существительнирашалсса дах1аву.

Числительнирду чичаву.

Глагол. Глагол, мяъна, суаллу. Глаголданул мяълум дакъа форма. Глаголданул ч1унну: ц1анасса, ларгсса, дуч1ант1исса. Глагол ч1уннайх баххана шаву. Глаголданул лицорду. Глаголлу аьдадирттайх баххана шаву.

Тикрал баву. З-мур классраву лавхъхъумур тикрал баву.

Махъру кунниц1ун кув бавх1усса гъалгъа

Мукъуртишалсса даву. Лич1и - лич1исса гъалгъалул бут1равун багъайсса ца мархлюя хъусса махъру цач1ун баву.

Мяъналул чулуха гъансса ва цаннин-ца къаршисса мяъна дусса махъру. Ца пикри бусласийни яла дурусну бакъаймур махъ лякъаву. Лархъхъусса правилардавун багъайсса махъру ва предложенияртту диктовкалий чичаву.

Текст. Текстрал жуарарду, текст бут1райх дач1аву, гайннун ц1арду дизаву.

Хъун бакъасса статьялул ц1уххай ва бусай предложениярттай чирчусса план даву, текстрал гъанумур мяъна к1ул даву.

Циняннан цач1уну дурсса пландалийн бувну, 50 - 60 мукъую сакин хъусса текстрал изложение чичаву.

Т1абиаьтраву хъанахъисса иширттай, х1айвантрай, лич1и - лич1исса суратирттай дуклаки оyrч1ан к1ул хъумунил гъанулий, предложенияртту ва хъуни бакъасса хаварду ляхъан баву. Цала иширттай ч1ивисса чагъар чичаву.

Марц1ну чичаву

Чичруул гигиена дуруччаврил вардишру хъиннурा ц1акь даву. Бигъаминнуя зах1матминнуйн бүк1лай, хъуними ва мюрщими х1арпру чичлачи даву. Махъру, предложениярту ва текст анаварну чичаврийн буч1аву.

Правилардал кумаграйну чичин зах1матсса махъру:

лелуххант, айкъусса, помидор, портрет, ттериххин, хьюмушиву, цинцилу, бит1икъукъу, буххуулу, дус, дуснакъ, иссиявт, лунттубак1, ккуручай, рашхант, оълуркъусса, ряжк1и, кюрнут1ай, гамуш, маслих1ат, ца - цасса, арх1алчу, лаккучу, физкультура, лух1иц1ансса.

1.3. З-мур классрансса «Лакку мазрал» учебный пособиялул сакиншинна

Лакку мазрал учебный пособие, Федерал паччах1лугърал ц1усса аымсса байбихъулул классирттансса стандартирттайн бувну, сакин дурсса программалийн бувну, сакин бувну бур. Га ишла буллан ккаккан бувну бур щала дуккаврил шинай. Гивун духтай дур лув ккаккан дурсса разделлу:

- 1.Хъхьич1ми классиртаву лавхъхъумур тикрал даву
- 2.Гъалгъа. Текст
3. Предложение. Бавх1умахъру
- 4.Мукъул бутIри
- 5.Гъалгъалул бутIри. Существительное
- 6.Прилагательное
- 7.Числительное
- 8.Глагол
- 9.Шинай лавхъхъумур тикрал даву

Ц1усса З-мур классрансса лакку мазрал луттирай гъарца раздел лахълахъийни дуклаки оърч1ал хъхьич1 бивхъусса масъалартту ккаккан бувсса шмуцтиуллу дуллуну дуссар. Шмуцтиуллал дуклаки оърч1ан лахъхъин аркинмур бувч1ин кумаг байссар. Гайннущалсса даврил мурад ниттил маз лахъхъаврихсса гъира лавай даву хъанахъиссар, дуклаки оърч1ан ккаккан дурсса тема лахълахъийни дуллалисса давурттал агъамшиву дурч1ин дайссар.

«Хъхьич1ми классирттаву лавхъхъумур тикрал баву» т1исса раздел лахълахъийни, «Гъалгъа, текст, предложение, махъ», «Чурду ва хIарпру» т1исса темарду тикрал дан ккаккан дурну дур.

«Гъалгъа. Текст» т1исса раздел лахълахъийни, «Текст гъалгъалул гъану х1исаврай» ва «Текст. Текстирдал жуардуду» т1исса темарду лахъхъин ккаккан дурну дур.

«Предложение. Бавх1умахъру» т1исса раздел лахълахъийни, «Предложение», «Предложениярттал жуардуду», «Овчай предложенияртту», «Предложениялул цалчинмур даражалул члентру (подлежащее ва сказуемое)», «Предложениялул кIилчинмур даражалул члентру», «Простойсса ва сложныйсса предложенияртту», «БавхIумахъру» т1исса темарду лахъхъин ккаккан дурну дур.

«Мукъул бутIри» т1исса раздел лахълахъийни, «Мархха. Гъансса махъру», «Мукъул дайлитIу», «Суффикс», « Мукъул гъану» т1исса темарду лахъхъин ккаккан дурну дур.

«Гъалгъалул бутIри. Существительное» т1исса раздел лахълахъийни, «Гъалгъалул бутIри», «Существительное», «Хасъсса ва аымсса существительнирду», «Существительнирдал группартту», «Существительнирдал аьдад», «Существительнирду падежирттайх баххана шаву» т1исса темарду лахъхъин ккаккан дурну дур.

«Прилагательное» т1исса раздел лахълахъийни, «Прилагательнирая лавхъхъумур тикрал баву», «Къаршиssa мянарду дусса прилагательнирду», «Прилагательнирду группарттайх ва аьдадирттайх баххана шаву» т1исса темарду лахъхъин ккаккан дурну дур.

«Числительное» т1исса раздел лахълахъийни, «Числительнирая аымсса к1улшиву дулаву», «Числительнирду группарттайх ва аьдадирттайх баххана шаву», «Числительнирду чичаву» т1исса темарду лахъхъин ккаккан дурну дур.

«Глагол» т1исса раздел лахълахъийни, «Глаголдануя лавхъхъумур тикрал баву», «Глаголданул мялум дақъа форма», «Глаголлу группарттайх

баххана шаву», «Глаголлал чIунну», «Глаголлал лицорду», «Глаголлу аьдадирттайх баххана шаву» т1исса темарду лахъхин ккаккан дурну дур.

«Шинай лавхъхъумур тикрал баву» т1исса разделдануву шинай лархъхъусса материал тикрал дансса давуртту дуллуну дуссар.

З-мур классрансса лакку мазрал луттираву «Инава лавхъхъумур ххал ба» т1исса рубрика дуллуну дур. Ганил дуклаки оьрч1ал хъун дан аьркинсса результатру ххал дуллай дур. Учебный пособиялову мукунна ххуйну дуклакисса оьрч1ансса, зах1матсса давурттугудуллуну дуссар.

Учебный пособиялову хъуннассу къулагъас текстрашалсса даврин дурну дур. Лахълахъисса грамматикалул материал текстраву лахъхин ккаккан дурну дур.

Учебный пособиялову ч1яруссса давуртту дуклаки оьрч1ал чичрулийнусса ва дак1нихсса гъалгъа магъир бан кумагрансса дуллуну дур.

Луттираву мукунна давуртту биттур дуллан кумагрансса памяткарду дуллуну дур.

1.4. «Лакку мазрал» дарсиral сакиншинна ва хасшиннарду

Дарс дуклаки оьрч1ан к1улшиву дулаврил яла агъанмур журо хъанахъиссар. Мунияту Федерал паччах1лугърал к1улшиву дулаврил стандартирттай хъуннассу къулагъас дарсру дишаврил даража лавай баврин дурну дур. Ц1усса Федерал паччах1лугърал стандартирттай ккаккан бувну бур дуклаки оьрч1ан цайнура цала к1улшиву ласун лахъхин бан аьркиншиву. Учительнал бурж дуклаки оьрч1ал ц1усса материал лахъхин, къак1улмур к1ул буллан лахъхин баву хъанахъиссар.

Лакку мазрал дасирдал, цайми предметирттал қунна, ч1яруссса жуарарду дуссар.

Дарсиral сакиншинардувун буссар чара бакъа буххан аьркинсса бут1ри:

1. Дарсиral тема
2. Дарсиral мурад

3. Дарсиран айкинмур
4. Дарсидал жура (Цусса материал лахъхин дуллалисса дарс, лавхъхъумур жам буллалисса дарс, лавхъхъумур тикрал буллалисса дарс, дуклаки ойрч1ал к1улшиву ххал дуллалисса дарс ва м.п.)

Дарс нанаву т1исса бут1уву дарсидал план диялну ккаккан дурну дик1ан айкинссар. Гиву бик1ан бюхъайссар лув ккаккан бувсса бут1ри:

- 1.Дуклаки ойрч1ру дарсирайн х1адур баву.
- 2.Дуклаки ойрч1ру ц1усса материал лахъхъаврийн х1адур баву.

Шикку дуклаки ойрч1ру х1адур байссар ц1усса материал лахъхъаврийн. Гай, хъхьич1 лархъхъусса материалдануйн чул бившуну, цивппа дарсирай ци лахълан т1ий буссарив, дарсидал тема бусан байссар.

- 3.Учебникращалсса даву.

- 4.Физкультминутка.

5.Рефлексия

- 1.Дарсирай лавхъхъумунил жямру даву:

– Цуманал бусанну х1акыну жува ци лавхъхъуссарив?

– дуклаки ойрч1ал бусан айкинссар дарсирай лавхъхъумур, к1ул хъумур.

2. – Дарсирай зура дурсса даврин кымат бишара. Бусияра зунна ци ххуй дирзссарив дарсирай, цукунсса зах1матшивуртту хъуна даркъуссарив.

- 6.Дарсидал жямру даву (дарсидал жямру даву, кыматту бишаву).

- 7.Шардайнсса даву (шардайнсса даву дурч1ин даву).

1.5.III класс къуртал буллалисса дуклаки ойрч1ал ккаккан дан айкинсса результатру:

ФГОС - район бувну, шамилчинмур класс къуртал буллалисса дуклаки ойрч1ан к1улну бик1ан айкинссар:

Гъарца дуклаки ойрч1ан хасъсса (личностьныссса) результатру

- 1.Цува Айрасатнал х1укуматрал инсан ушиву к1улну бик1ан, цала Ватандалуя, Айрасатнал ва Дагъусттаннал халкъунная, тарихрая пахру бан

күлшиву хасул даву. Дуклаки орчру чыву миллатру бусса Айрасатнал обществалул яла ххиймнийн чул бившуну, инсантал ххирану ва адав-инсапрай тарбия даву.

2.Цува дуклаки орч1 ушиву бувч1уну ик1аву, дуккаврихсса гъира багъаву, ганил агъамшиву бувч1аву.

3.Цама инсаннал пикрилух, чил миллатрал тарихрах ва маданиятрах х1урмат буну ургаву хасул даву.

4.Цала дуллалисса даврил, цала т1уллан жаваб дулун бюхъаву.

5.Анаварну даххана хъанахъисса ва орму хъхич1унмай нанисса дуниялий ялапар хун лахъхын бюхъаву.

6.Цайминнан хъинбала хуну чисса, мярипат, инсаншиву дусса, куннан кув бувч1айсса, цайми инсантуран дак1ниймур бувч1ин бюхъайсса инсантал шаву.

7.Цаярва хъуниминнащал ва ч1унарх1ал орч1аштал ч1умух, тагъарданух ва к1анттух бурувгун, ихтилат бан, маз лякъин к1улну бик1ан, бяс - чаллу къабуллай, ормуулул лич1и-лич1исса тагъарданух бурувгун, ххуллурду ляхълан.

8.Чурххан зарал бакъа, дуллалисса давриву цукунсса - дунугу ккаккияртту хъунну зузаву.

Метапредметныйсса результатру

1. Цайнурца гихуннайсса күлшиву ласун бюхъаву, дуккаврихсса, за күл баврихсса мотивация дик1аву.

2. Лич1и-лич1исса стильлайн дагълагъисса текстру мяни бувч1инсса күццуй дуккин бюхъаврил вардишру хун даву. Буллалисса гъалгъалул мурадрах бурувгун, дак1них ва чичрулий текстру сакин дан бюхъаву.

3.Лув ккаккан дурсса давуртту дан лахъхыаву: лахълахъимур цач1у дирхуну, ххал дуллан, лахълахъимунил анализ ва синтез дуллан, жуардайх бач1лан ва жям буллан, лавхъхьуми к1антту лич1и буллан ва м.ц.

4.Гъалгъат1иманах вич1и дишин күлну бик1аву, щищал - дунугу гъалгъа буллан күлну бик1аву. Гъарца инсаннал ссал - дунугу ялув цала - цала

пикри бик1айшиву к1улну бик1аву. Цала пикри буслан, га бувч1ин буллан бюхъаву. Щищал - бунугу гъалгъа т1исса ч1умал диалограл ва монолограл журалийсса гъалгъа ишла буллан бюхъаву.

5.Бяс бусса к1анттурдаву, циняннал мурадирттах бурувгун, т1айласса сант, ххуллу лякъин х1адурну ик1аву.

Предмет к1улшиврул результатру

1. Т1айласса хат1лий диктовкалий, мукунма доскалия ягу луттирая 40- 50 махъ бусса текст чичаву;
- 2.Грамматический разбор дан: а) мукъурттил бут1рал (мархха, суффикс, дайлит1у); б) гъалгъалул бут1рал (существительнирал, прилагательнирал ва глаголданул); в) предложениялул члентрал (цалчинмур даражалул члентру); предложениялул члентру кунниц1ун кув бавх1уну бушиву ккаккан баву.
3. Циняннал цач1у дурсса пландалийн бувну, 50- 60 махъ бусса изложение чичаву.
4. Гъалгъалул бут1рал ц1арду (существительное, прилагательное, глагол, ц1анинк1анаймур) ва гайннул хасиятру.
4. Предложениялул члентрал ц1арду - цалчинмур даражалулми (подлежащее ва сказуемое), к1илчинмур даражалулми (жуардан ц1арду къакуну).
- 5.Мукъул бут1ран ц1арду: мархха, дайлит1у, суффикс ва мукъуву гай лич1и баву.

II-мур глава. З-мур классраву лакку маз лахъхъаврил методика

2.1. Тематикийсса планирование

(68 ссят)

Хъхъич1ми классиртаву лавхъхъумур тикрал баву (5 ссят)

Тематикийсса планирование	Дуклаки оърч1ал дуллалимур
Лакку мазраясса аымсса бусаву. Гъалгъа. Текст. Предложение. Махъ. Ч1урду ва х1арпру. Слогирттал, ч1урдал ва х1арпирдал анализ даврил вардишру тихуннайгу магъир даву.	Махъ, предложение ва текст гъалгъалул единицарду бушиву к1улну бик1ан. Текстрал ва предложениярттал лич1ишиву к1ул дан бюхъян.
Гъалгъа магъир баву. Суратрайн бувну, текст сакин даву.	Лакрал чичултрал лакку мазран хас дурсса назмурду дуккин.
Гъалгъа. Текст. (3 ссят)	
Гъалгъа. Текст. Гъалгъа. Текст, ганил жуарарду: текст-бусаву, текст- ссал-дунугу	Текст гъалгъалул яла хъунмур единица бушиву к1улну бик1ан. Текстрал жуарарду лич1и дан к1улну

<p>сурат даву, текст- ссал- бунугу ялув цала пикри бусаву. Текст бут1райх дач1аву, гайннун ц1арду дулаву.</p> <p>Дуллусса темалийн бувну, дак1них ва чичрулий текстру сакин даву.</p>	<p>дик1ан.</p> <p>Текст бут1райх дач1ин к1улну дик1ан, гайннун ц1арду дулуун бюхъан. Текстрал тема ва гъанусса пикри к1ул бан бюхъан.</p> <p>Дуллусса темалийн бувну, текстру сакин дан бюхъан.</p>
<p>Гъалгъя магъир баву. Изложение чичаву.²</p>	

Предложение(12 ссят)

<p>Предложение.</p> <p>Бусай, ц1уххай, буюр бай предложенияртту. Овчай предложение.</p> <p>Предложениялул цалчинмур даражалул члентру: подлежащее ва сказуемое. Предложениялул грамматикийсса гъану.</p> <p>Предложениялул к1илчинмур даражалул члентру (ц1арду къакуну). Кут1а предложенияртту. Лахъи предложенияртту.</p> <p>Простойсса ва сложныйсса предложениярттай аымсса к1улшиву дулаву.</p> <p>Бавх1умахъру. Бавх1умукъуртил сакиншинна: гъанулулмива гъанулул бакъами махъру. Бавх1умукъуртил</p>	<p>Предложение бавх1умукъуртия лич1и дан к1улну дик1ан.</p> <p>Предложениялуву бусасимуних бурувгун, предложениялул жуарду лич1и дан к1улну дик1ан. Лич1и-лич1исса жуардал предложенияртту сакин дан бюхъан.</p> <p>Предложениялуву цалчинмур даражалул члентру лич1и бан бюхъан. Предложениялуву грамматикийсса гъану лякъин бюхъан.</p> <p>Предложениялуву к1илчинмур даражалул члентру лич1и бан к1улну бик1ан.</p> <p>Кут1а предложенияртту лахъи предложениярттай к1ура даен дан</p>
---	---

² Гъарца четвертьрай чара бакъа 2-3 чичруул даву дурну дик1ан айкинссар.

ва предложениялувусса мукъуртиил дянивсса дах1аву.	бюхъан.
	Простой предложение сложныйссаня лич1и дан к1улну дик1ан. Сложный предложениялуву ичруул лишанну дишин к1улну дик1ан. Простой предложенияртту сложный предложениярттайн к1ура даен дан бюхъан.
Гъалгъа магъир баву. Сочинение чичаву.	Бавх1умукъуртиву гъанулуми ва гъанулул бакъами махъру лич1и бан бюхъан. Предложениялуга бавх1умахъру лич1и буллан бюхъан. Подлежащее ва сказуемое бавх1умахъру къахъанахъишиву к1улну бик1ан. Предложение бавх1умукъуртия лич1и дан к1улну дик1ан. Суаллал кумаграйну бавх1умукъуртившусса мукъуртиил дах1аву ккаккан дан к1улну дик1ан.
Контрольный диктант.	

Махъ. Мукъул бут1ри (8 ссят)

Мукъул бут1ри. Мукъул мархлюя, суффиксрая ва дайлит1улия аымсса к1улшиву дулаву.	Мукъул бут1ри лич1и бан к1улну бик1ан.
Мархха ва дайлит1у. Ца мархлюя хъусса махъру. Ца мархлюя хъусса махъру лякъин бюхъаву.	Ца мархлюя хъусса махъру лякъин бюхъан.
Мукъул гъану. Мукъул гъану	Гъансса мяньарду дусса махъру дак1нихсса ва чичрулийнусса гъалгъалуву к1ул бан бюхъан.

<p>лякъин бюхъаву.</p> <p>Суффикс. Мукъурттиву суффикс лич1и бан к1улшиву.</p> <p>Гъансса мянарду дусса махъру.</p> <p>Ца мархлую хъусса махъру ва мукъурттил формарду кунния кув лич1и дуллан к1улну дик1ан.</p> <p>Ца мархлую хъусса махъру ва мукъурттил формарду. (цач1у дирхъуну, ххал даву)</p> <p>Контрольный диктант.</p>	
---	--

Лексика³

<p>Лексика</p> <p>Мукъул лексикийсса мяна. Ца мяна дусса ва ч1яру мянарду дусса махъру. Мукъул т1айланнасса ва зунххисса мянарду. Синонимру. Антонимру.</p>	<p>Мукъул лексикийсса мяна к1ул дан бюхъан. Мукъурттил т1айланнасса ва зунххисса мянарду к1ул дуллан бюхъан. Лич1и-лич1исса гъалгъалул бут1ран синонимру ва антонимру буцлан бюхъан.</p>
--	--

Гъалгъалул бут1ри(1 ссят)

<p>Гъалгъалул бут1рая (существительнирая, прилагательнирая, числительнирая, ц1анинк1анаймуния) к1улшиву дулаву.</p>	<p>Гъалгъалул существительнирду, прилагательнирду, ц1анинк1анайми чичурулийнусса буллан бюхъан.</p>
---	---

³ Лексика лахъхыин ккаккан буллаиссар существительнирду, прилагательнирду, глаголлу лахълахъисса дарсирдай, литературийсса буккаврил дарсирдай щалагу дуккаврил шинал.

Существительное (10 ссят)

<p>Существительное.</p> <p>Существительнирал мяъна ва суаллу к1улну бик1ан. К1улши думи ва дақъами существительнирду кунния кув лич1и буллан бюхъан.</p> <p>Дак1нихсса ва чичрулийнусса гъалгъалуву хасъсса ва аымсса существительнирду лич1и буллан к1улну бик1ан.</p> <p>Существительнирал айдадру.</p> <p>Существительнирду айдадирттайх баххана шаву. Ца айдадрай бакъя ишла къабайсса существительнирду.</p> <p>Существительнирду падежирттайх баххана шаву (иширайну к1ул баву).</p> <p>Контрольный диктант.</p>	<p>Существительнирал мяъна ва суаллу к1улну бик1ан. К1улши думи ва дақъами существительнирду кунния кув лич1и буллан бюхъан.</p> <p>Дак1нихсса ва чичрулийнусса гъалгъалуву хасъсса ва аымсса существительнирду лич1и буллан к1улну бик1ан.</p> <p>Существительнирду айдадирттайх баххана буллан бюхъан.</p> <p>Дак1нихсса ва чичрулийнусса гъалгъалуву существительнирдал айдад к1ул дуллан бюхъан.</p>
--	--

Прилагательное(5 ссят)

<p>Прилагательное, ганил мяъна.</p> <p>Прилагательниран бишайсса суаллу.</p> <p>Прилагательнирал существительнирашалсса даҳ1аву.</p> <p>Прилагательнирду гъалгъалуву ишла баву. Гъансса мяънарду дусса ва къаршисса мяънарду дусса прилагательнирду.</p> <p>Гъалгъа магъир баву. Сочинение чичаву.</p>	<p>Прилагательнирал мяъна ва суаллу к1улну бик1ан. Дак1нихсса ва чичрулийнусса гъалгъалуву прилагательнирду лич1и буллан бюхъан.</p> <p>Прилагательнирду гъалгъалуву ишла буллан бюхъан.</p> <p>Предложениярттава прилагательнирдашалсса бавх1умахъру лич1и буллан бюхъан.</p> <p>Прилагательнирду существительнирдашал бах1лан бюхъан.</p>
---	---

Числительное (3 ссят)

Числительное, ганил мяъна.	Числительнирал мяъна ва суаллу
----------------------------	--------------------------------

Числительнирал	жуарарду.	к1улну бик1ан. Числительнирдал
Числительнирду	группарттайх	жуарарду(аьдадрал ва яргул) лич1и
баххана шаву.	Числительнирал	буллан к1улну
	существительниращалсса дах1аву.	бик1ан. Числительнирдашал бах1ин
	Числительнирду чичаву.	к1улну бик1ан.
		Числительнирду чичин к1улну
		бик1ан. Дак1нихсса ва
		чичрулийнусса гъалгъалуву
Контрольный диктант.		числительнирду ишла буллан
		бюхъян.

Глагол (8 ссяят)

Глагол, мяъна, суаллу. Глаголлу сакин шаву. Глаголлу группарттайх баххана шаву. Глаголлал ч1унну: ц1анасса, ларгсса, дуч1ант1исса. Глаголлу ч1уннайх баххана шаву. Глаголданул лицорду. Глаголлу аьдадирттайх баххана шаву. Глаголданул мяълум дакъа форма.	Суалайн бувну, глагол цайми гъалгъалул бут1рая лич1и буллан бюхъян. Предложениялуву глаголданул ч1ун к1ул дуллан бюхъян. Глаголлу ч1уннайх баххана буллан бюхъян. Глаголлу лицордайх баххана буллан бюхъян. Глаголлу аьдадирттайх баххана буллан бюхъян. Глаголданул мяълум дакъа форма к1ул дуллан бюхъян.
---	---

Тикрал баву (5 ссяят)

З-мур классраву лавхъхумур тикрал баву.	Текстирдал жуарарду лич1и дуллан к1улну дик1ан. Лич1и-лич1исса жуарардал текстру сакин дуллан бюхъян.
Гъалгъа. Текст.	
Предложение.	
Махъ. Мукъул бут1ри.	Дак1нихсса ва чичрулийнусса

Гъалгъалул бут1ри: существительное, прилагательное, числительное.	глагол,	гъалгъалуву жуарарду дик1ан.	предложениярттал лич1и дуллан к1улну
Гъалгъа магъир баву. Ссал- бунугу ялув цала пикри бусласисса текст сакин даву.		Мукъул бут1ри лич1и буллан к1улну бик1ан.	
Гъалгъа магъир баву. Изложение (щаллусса) чичаву.		Гъалгъалул бут1рал мъяна ва лишанну к1улну дик1ан.	
Контрольный диктант.		Ссал- бунугу ялув цала пикри бусласисса текст сакин дан бюхъан.	Текстраву буллумур биялну (щаллуну) бувсьесса изложение чичин бюхъан.

2.2.Программалуву дуллусса материал лахъхъаву

Лакку мазрал дарсирдай текстрашалсса даву

Махъесса ч1умал текстрашалсса даврин хъуннасса агъамшиву дуллалиссар. Текстрал лингвистика лахъхъаву хъинну анаварсса бушилий хъхъич1уннай хъунни, мугу мазрал ахтар буллалисса чуллу гъарза шавришал дарх1уну дур.

Текст т1исса понятие лингвистикалуву хъхъич1рагу дирк1ссар, амма ганихсса бургаву лич1и-лич1исса мазрал единицарду ишла баврих ва гай ишла байсса формалух куннасса дирк1ссар. Ц1анасса ч1умал текст маз лахъхъаврил объект х1исаврай ххал дигълагъиссар, га лахъхъаврих, лич1и-лич1исса журалул текстирдал аымсса к1антту лич1и баврих, сакин шайсса күц ва ц. ххал бигъаврих къулагъас дайссар.

Лич1и-лич1исса автортурал текстран жура-журасса определенияртту дуллуну дур.

Л. Г.Саяхова чичлай бур «текст – му пикри гъарта, магъир буллалисса, куннишал кув дарх1усса предложениярттур». [16,л.2]

Ганил агъанми лишанну темалул цашиву, логикалул ва мазрал чулуха дах1аву, ссая-бунугу бусаву, сакиншиннарал чулуха дах1аву ва ахир дуч1ан даву (къуртал шаву) хъанахъискар.

Языкоznаниялуу текст учин ккаккан бувну бур лексикалул, грамматикалул, логикалул чулуха куннищал кув дарх1усса, цил кумаграйну ссая-бунугу бусласисса предложениярттайн. Текст мазрал ва мукунма гъалгъалул единица хъанахъискар, текстраву маз лахъхъаву – му маз лахъхъаврил яла лахъмур даража хъанахъискар. Текстрал характеристика дуллалисса яла агъанми лишанну хъанахъискар:

- аымсса темалийн бувну, кунниц1ун кув дарх1усса цаппара предложениярттая сакин шаву;
- текстравусса предложенияртту сакиншиннарал чулуха кунниц1ун кув дах1аву (махъру кунниц1ун кув баx1аву ишла дуллай);
- текстраву яла агъанмур бут1а лич1и бан бюхъаву (текст бут1райх дарч1ун).

Текст мяъналул, сакиншиннарал ва мазрал чулухасса цашиву хъанахъискар. Ганил цашиву авторнал пикрилия, къастройя ва темалия хъар шайссар ва мукурттил кумаграйну щаллу дайссар.

Ц1анасса лингвистикалуву текст гъалгъалул яла хъунмамур единицану ххал дигълагъискар.

Текст аымсса мяъна ва сакиншинна дусса предложениярттайн учайссар. Ганил к1ива кунниц1ун кув баx1усса чул буссар: темалул цашиву ва сакиншиннарал чулуха дах1аву.

Текст мукунна балжисса мазрал материал х1исаврайгу ххал дигълагъискар. Текст цукунсса-дунугу дарсирай ишла дайсса дидактикийсса материалданийнгу учайссар, масала, мукурттил диктантрал текст, лархъхъусса грамматикалул материал ц1акъ дуллалисса текст.

Текстрал лишанну хъанахъискар: га бут1райх дач1ин бюхъаву, текстрал темалул цашиву, сакиншиннарал чулуха дах1аву.

Текст темалул (мяъналул) чулуха цашиву

Текстравусса циняв предложенияртту куннищал кув, аымсса темалийн бувну, дарх1уну дик1ан айкинссар. Тема – му текстрал мяънар. Ххал данну лув ккаккан дурсса текст.

Бюрххул оърч1

Цал на хъув ниттич1ан лавгссияв. Марыайх най уна, урттуву цирив сукку хъусса х1исав хъуна. На къяна бивицуссия. Къяна т1айланма ца затрайн багъуна. Ххал барча – бюрххул оърч1. Га бюрххул оърч1 на шаттай лавсъссия. Яла школалий ящикравун бавкъуссия. Гиву ябуллай буссияв. Ганил махъми чанну лахъисса дия. Цуппа лап нигъа бусайсса бия. Цаппара х1аллава га сивсуга.

Иннту бюрххул оърч1 бизар хъанан бивк1уна. Жу га къуруппай итабавкъуссия.

Ва текстравусса циняв махъру бусласимуцищал бавх1усса бур. Текстраву 60 махъ бур, шиву бюрххул оърч1 т1исса махъ 3 тикрал хъуну бур, га т1исса ц1анинк1анаймур 5 тикрал хънай бур. Гайми махъругу текстрал темалущал бавх1усса бур. Предложенияртту кунниц1ун кув дарх1уну дур, агар гайннул низам зия дарча, текстрал мяъналийнусса цашиву зия хънай дур. Темалул цашиву заголовокралгу ккаккан дурну дур. Ганил авторнал бусласимур ккаккан бувну бур. Ц1адуркесса лингвист И.Р.Гальпериннүүл ккаккан дурну дур текстрал ц1а – му текстрал ца яла агъанмур лишан душиву[5, л.25]. Ва лишандалущал текстрал цамур лишангу – текстрал ахир дуч1ан даву дарх1уну дур. Гай куннищал кув дарх1уну душиву текстрал заголовокрайн, ахирданийн ва ганил мурадрайн бувну, ч1алан дик1айссар. Текстрал мурад ганил ц1анищал бавх1уну бик1айссар. Махъра-махъмур предложениялүл къуртал хъушиву ккаккан байссар. Цалчинмур предложениялуву ягу хъхич1ми предложениярттаву текстрал тема ккаккан дурну дик1айссар. Га гайми предложениярттащал дарх1уну къадик1айссар, хъиривми предложениярттавусса махъру язи бугъаву цалчинмур предложениялую хъар шайссар ва гивусса пикри бусаву магъир байссар. Хъиривсса

предложениярттуу пикри бусаву, ссая-бунугу бусаву гихунмай къуртал байссар.

Текст – му цаппара цукун-дунугу дарх1усса предложенияртту дақъарча, мяңалул ва сакиншиндарал чулуха цасса, къуртал хъусса пикри бусласисса гъалгъалул бут1ар.

Хъуннасса лагру дусса текстрраву тема подтемардайх, гайгу микротемардайх дарч1уну дик1айссар.

Микротема гъалгъалул мяңалул яла ч1ивимур бут1а хъанахъиссер. Текстрраву ч1явуну ганин абзац багъайссар. Абзац мяңалул чулуха гихунмай къабач1айссар.

Текстрал мяңалул цашиврущал мукунна бусласимур къуртал баву т1исса понятиегу дарх1уну дуссар И.Р.Гальпериннүүл чичлачаврийн бувну, бусласимур къуртал баву т1исса понятие так хъуннасса лагру дусса текстрашал, хъунмасса гъалгъалул произведениялүүл чулухуннай ишла дан буюхъайссар. Агар текстрраву авторнан бусан чимур биялну ккаккан бувну бухъурча, гиву бусласимур къуртал бувсса хъанахъиссер. Агар укунсса текст дагъайкун х1адур дурну духъурча, гиву дайдихъу ва ахир дик1айссар. Щаллусса текстрал ца бут1уя, масала, абзацрая гъалгъа т1ий бухъурча, гиву так микротема аьч шайссар ва ганил къуртал хъусса мяңна ккаккан дайссар.

Агар абзац цаппара предложениярттая сакин хъуну бухъурча, ганилгу дайдихъу ва ахир дик1айссар. Дайдихъу – му тематикийсса предложенияр ягу абзацral фразар, ахир т1урча мяңалийну ва сакиншиннарай куннищал кув дарх1усса предложенияртту кунния кув дуцан давур. Ахир дақ1нихсса гъалгъалуву къуртал хъусса интонациялийну ва цахъий лахъину бац1аву даврийну ккаккан дайссар.

Текст къуртал хъушиву ккаккан дайссар, агар ганил мурад ккаккан буллалисса ц1а дизан буюхълай бухъурча. Заголовокраву (текстрал ц1анивү) бусласимунил тема ва гъанусса мурад ккаккан бувну бик1айссар.

Мяңалул цашиву ххал дигълагъийни, текстрал лув ккаккан дурсса лишанну лич1и дан буюхъайссар:

- текст – му цумур-дунугу Ѹа балжисса темалийн бувну, бусавур;
- текстраву бусласиманал пикри ккаккан бан бюхъайссар;
- цукунсса-дунугу текст – му къуртал хъусса, ахир дуч1ан дурсса бусавур;
- текстрал тема ва гъанумур пикри ккаккан буллалисса ц1а дизан бюхълай бур;
- т1айлану сакин дурсса текстрал дайдихъу ва ахир дик1айссар.

Саргъунсса гъалгъа бан лахъхыин буллалийни, хъунмур къулагъас ганил темалух ва гъанумур пикрилух дан аркинссар. Дуклаки орч1ан текстрал тема ва гъанумур пикри лич1и бан, темалуву подтемарду ва микротемарду лич1и дан, план дан, ганин ц1а дизан лахъхыин бан аркинссар. Текстрал дайдихъу чичин, ахир дуч1ан дан лахъхыин сочиненияртту чичин лахъхыин буллалийнигу байссар.

Текстраву бут1ри лич1и баву

Текст цаппара предложениярттай сакин хъуну дик1айссар. Лагрулуп хъуннасса текстраву лич1и дан бюхъайссар: бак1ру, разделлу, бут1ри, аымсса мяньна дусса бут1ри, абзацру. Чичрулий текстрал бут1ри лич1и бувну бик1айссар. Дак1нихсса гъалгъалуву текстрал бут1ри паузалийну лич1и байссар. Текстрал циняв бут1рал дуссар так га бут1ун хасъсса тема ва гиву контекстрава лич1и бувну махъгу «мяньналул хъар дакъашиву ва къуртал хъусса пикри ккаккан баву» яхъуну дуссар.

Ч1ириssa цаппара предложениярттай сакин хъусса текст хъанахъиссар гъалгъалул яла ч1ивимур бут1а. Гиву ч1явуна шанма сакиншиннарал ва мяньналул чулуха лич1и хъанахъисса бут1ри лич1и бан бюхъайссар: дайдихъу, дянивсса бут1а (даврил гъанумур мурад ккаккан байсса) ва ахир. Текстрал циняв бут1ри куннищал кув бавх1уну бик1айссар, гайннуву темалул Ѹа бут1а, подтема ягу микротема ачь дурну дик1айссар. Ганил бут1ри куннил хъирив кув ккаккан баврил цила низам дуссар. Гайннул к1антту баххана бан къабюхъайссар. Текстрал бут1раву мукунма к1ану ккаккан буллалисса махъругу бик1айссар. Гайннул ва цаймигу текстрал бут1ул лишаннайну ганил к1ану бигъану к1ул бан бюхъайссар

Хъуннасса агъамшиву текстрал дайдихъулул дуссар.

Текст бут1райх дач1аву бусласимунил ягу чичлачимунил хасиятрай хъар шайссар, масала, кказитрайн макъала ягу доклад чичлачийни. Гай бут1райх чичаврил хасиятрах, лялич1ишиврух бурувгун, дач1айссар. Шикку композициялул ва жанрданул лялич1ишивуртту х1исавравун ласун айркинссар.

Текст сакиншиндарал чулуха дах1аву

Текстрал ца хасшиннану га сакиншиндарал чулуха дах1аву хъанахъиссар. Текст сакиншиндарал чулуха дах1аву га бут1райх дач1аврищал дарх1уну дуссар.

Текст – му сложныйсса объектри. Га мяъналийну куннищал кув дарх1усса предложениярттая сакин шайссар. Гай предложенияртту хасъесса группарттавун дуухайссар. Текст сакиншиннарал чулуха дах1аврил гъану предложениярттаву «пикрирду цанил хъирив ца бусаву хъанахъиссар. Гъарца хъиривсса предложениялул гъану хъхыич1мур предложениялуга ганил ца бут1а лавсун, бизлазиссар. Предложениялуга к1ива бут1а лич1и бан буюхъайссар: жунма к1улмур бут1а – тема ва ц1умур бут1а – рема.

Темалуву хъхыич1сса предложениялуга бусласимунил кумаграйну предложениялул бут1ри кунниц1ун кув бах1айссар. Ремалуву ц1усса информация бик1айссар, ганил кумаграйну бусласимунил мяъна авадан, магъир ва хъхыич1уннай дайссар. Тема ва рема дах1аврих бурувгун, текстру журо-журасса дик1айссар.

1. Яла ч1яруну хъуна дакъайсса журо предложенияртту кунниц1ун кув куннил хъирив кув дарх1усса текст хъанай дур. Укунсса журалул текстирдаву цалчинмур предложениялул рема к1илчинмур предложениялул теману дик1айссар, к1илчинмур предложениялул рема – шамилчинмур предложениялул теману ва м.ц.

2. К1илчинмур текстирдал журо цалчинмур предложениялущал хъиривми предложенияртту арх1ал дачин дурну дарх1усса текстру хъанахъиссар.

3.Шамилчинмур текстирдал жура предложенияртту аымса темалий куннищал кув дарх1усса текст хъанахъиссар. Укунса журалул текстирдаву предложенияртту кунниц1ун кув аымса темалийн бувну дарх1уну дик1айссар. Ч1яруну укунса текстру т1абиаътрапл сурат ккаккан дан ишла дайссар. Гивун духлахисса предложениярттаву тема ва рема лич1и къадайссар.

Сакиншиннарал чулуха текстрал гъану бизаву бусласимур цанил хъирив ца бусаву хъанахъиссар. Текстрал даҳ1аву ккаккан даншиврул предложенияртту бусласимур логикалул чулуха авадан, магъир ва хъхьич1унмай хъунса низамрай дишайссар. Текстравусса предложенияртту куннищал кув даҳ1ин мукунма ц1анинк1анайминнул, синонимру, антонимру ва ц. ишла баврил кумаг байссар. Хъуннасса агъамшиву мукъурттил низамралгу дуссар.

Хъуннасса текст ягу произведение параграфирттайх, абзацирттайх бач1айссар. Ганил бут1ри куннил хъирив кув бишаву бусласимунил темалия ва га авадан, магъир ва хъхьич1уннай шаврия хъар шайссар.

Ххал данну шанна журалул текстру.

Чиясса интнил ч1ун дия. На ниттищал най уссияв. Баргъ баҳълаган бувая. Лелуххант лехлай, макъанну дуцлай бия. Барзу, зунттуя гъаз хъуну, гъава буллан бивк1уна. Яла му ялавай бивгъуну лавгунा.

Ца къунттуй бавц1уна. Барзун бюрх бугъан чай бия. Ганища бюрх бугъан къавхъуна. Барзун жу ххал хъунав. Га жух буруглай бия.

Ва текстравусса предложенияртту кунниц1ун кув ссинжирданий куна дарх1уну дур, цалчинмур предложениялул рема к1илчинмур предложениялул тема хъанай дур.

Вац1луву хъхъувай

Баргъ зунттухун баҳълавгунан. Ссав ц1ан ларгунан. Цуртти бувккуна. Гъарзат шанан дирк1уна. Цаппара вац1лул жанаварт ва лелуххант ч1урду буллай бия. Барц1 ав т1ий бия. Ису бугъ т1ий бия.

Ва текстраву предложенияртту кунници1ун кув, так аймса темалийн бувну, дарх1уну дур.

Аслан, бары1 ва цулч1а

Ца ххуллухъ аслангу, бары1гу, цулч1агу дустал хъуну бур. Ца кыни ми арх1ал авли лавгун бур. Миннал бувтун бур бюрни, ттукку ва бюрх.

Ва текстравусса предложенияртту цалчинмур предложениялущал хъиривми дачин дурну дарх1уну дур.

Хъуннасса къулагъас дуклаки ойрч1ан мяньалийну текст бут1райх дач1ин лахъхын даврих дан айркинссар. Агар ойрч1ан текст бут1райх дач1ин лахъхырча, гайннан текстру сакин дуллангу лахъхайссар. Предложение мяньалийну дач1аврил текстраву пикри магъир буллансса бюхъурду хъун баврил яловсса даврил гъану бизайссар. Дуклаки ойрч1ан текстраву бусласимур магъир хъанан айркиншиву ва гъарца предложениялуву ци-бунугу ц1усса зат бувсуну бик1айшиву бувч1ин бан айркинссар.

Байбихъулул классирттавусса ойрч1ан предложенияртту т1айлану сакин дуллан, гай т1айласса интонациялущал, гиву гъанумур пикри бусласисса к1ану лич1и буллай, зумух ласун лахъхын дан айркинссар.

Дуклаки ойрч1ан гъарца предложениялуву ц1усса информация бик1ан айркиншиву, предложение дик1у, текст дик1у сакин хъанай душиву к1улмунияту к1ул бакъамунийн, ц1умунийн бук1лай, гиву к1улмургу ябувну бушиву бувч1ин бан айркинссар.

Текстрашалсса давриву шанна журагул давуртту лич1и дайссар: текст дуккин хъхьич1 дайssa, текстрашалсса ва га дурккуну маҳъ дайssa.

Байбихъулул классирттаву текстрал гъанулий материал лахъхаврин хъуннасса агъамшиву дуссар.

Текстрашалсса давриву лич1и-лич1исса бут1ри ккаккан бан буюхъанссар:

- 1) текст дуккаврийн х1адур баву;
- 2) га учительнал дуккаву;
- 3) текст бут1райх дарч1ун дуккаву ва ганил мяньна ххал дигъаву;

- 4) га, ца-цаних т1ий, дуклаки оърч1ал дуккаву;
- 5) жям буллаисса ихтилат баву;
- 6) текстрал кут1асса мурад бусаву.

Текст дуккаврийн х1адур баву

Дуклаки оърч1ран текстрал ва ганил бут1рал мяньна бувч1иншиврул, гай текст дуккаврийн х1адур байссар. Оърч1ан ккалаккимуних гъира бутансса ихтилат байссар.

Учительнал оърч1ан циняв ц1усса, калимарттаву бувч1ин зах1матсса махъру лич1и бувну, гай бувч1ин бансса күц язи бувгъуну, доскалий чичайссар. Доскалий мукунма зумух ласун зах1матсса махъругу чичайссар.

Оърч1ру текст дуккаврийн х1адур буллаийни байssa ихтилат ва тема байссар, ц1усса махъру бувч1ин байссар.

Учительнал мисалдарансса буккаву

Дуклаки оърч1ан учительнал буккаврил кумаграйну т1айлану, пасих1ну ккалан лахъхын айкинссар. Учительнал буккаврил оърч1ан текстрал мурад бувч1ин, лаласун кумаг байссар, гайннан буклакимуних гъира багъан байссар. Учительнал цалчин текст дуклакийни, оърч1ал ганал буккаврих вич1и дишайссар. Текст дуклаки оърч1ал дуккин байссар.

Текст бут1райх дарч1уну дуккаву ва ганил разбор даву

Щала текст дурккуну махъ, текст бут1райх дарч1уну, дуккайссар. Дуклаки оърч1ру ца-цаннал ца-ца бут1а буккин байссар, гайннал буккавривусса гъалат1ру бакъин байссар. Шикку ялагу мукъурттищалсса даву дайссар: зах1матсса макъуртил мяньнарду айч дайссар. Гъарца бут1а бувккуну махъ, ганил мурад бувч1аву ххал дайссар, суаллан жавабру дулайссар.

Текст бут1райх дарч1уну дурккун, разбор дурну махъ, текст ккалакки байссар. Агар га хъуннасса духъурча, бут1райх дарч1уну дуккайссар. Га шайссаксса ч1явусса дуклаки оърч1ру дуккин баш айкинссар. Агар

гъалат1ру итабакълай бухъурча, гайннущалсса даву дайссар. Текст дурккуну махъ, ганил мурад бувч1аву ххал дайссар, бувккумуния гъалгъа байссар.

Жям буллалисса ихтилат оърч1ан дурккусса текстрал мурад, ганил гъанумур пикри бувч1аву ххал дан байссар. Ганил дуклаки оърч1ал дак1нихсса гъалгъа магъир бан кумаг байссар. Ихтилат ч1явуну, учебникрай текстрал махъ буллусса суаллайн бувну, байссар.

Дуклаки оърч1ал гъалгъа магъир баншиврул, суаллан жавабру дуллали байссар.

Текстрал мурад бусан лавхъхъуну махъ, текст гивусса ч1ун, лицо даххана дурнугу, бусан байссар.

Яларай ккаккан данну цаппара текстращал дарх1усса давуртту:

- 1) щала текст дуккаву;
- 2)текстрал план даву;
- 3)текстрал тема аьч дан лахъхъин баву;
- 4)пландалийн бувну, текст дуккаву;
- 5)текстран ц1а дизаву;
- 6)суаллан жавабру дулаву;
- 7)ххуй бивзсса бут1а буккаву;
- 8)текстраву учительнал ккаккан бувсса бут1ри лякъаву;
- 9)текстрал бут1ри куннищал кув бах1аву ккаккан буллалисса махъру лякъаву;
- 10)текст цепочкиний дуккаву;
- 11)ц1усса махъру бусса предложенияртту лякъаву ва гай дуккаву;
- 12)текст бут1райх дач1аву: дайдихъу, гъанумур бут1а, ахир лич1и даву ва гайннун ц1арду дизаву;
- 13) текстрал жура к1ул даву (хавар бусласисса, ссал-дунугу сурат дуллалисса ва цаламур пикри бусласисса);
- 14) текст, ролъллайх дарч1уну, дуккаву;
- 15) текст цавура цала дуккаву;
- 16)текстрал мурад бусаву ва ц.

Учительнан дуклаки оърч1ан текст сакин дуллан лахъхын бан аркинссар. Дуклаки оърч1ан текстрал ва цаппара предложениярттал лич1ишиву, гивусса предложенияртту аымсса темалийн бувну, куннищал қув дарх1уну дик1айшиву бувч1ин бан аркинссар. Гай текст цаппара предложениярттай лич1и дан лахъхын буллалисса давуртту дуллали байссар. Учительнал текстравусса предложениярттал низам зия дан къабуч1ишиву, гиву синонимру, антонимру ишла буллалийни, ганил мурад ххуйну, биялну қкаккан бан шайшиву бувч1ин бан аркинссар.

Текстращалсса даврил хъунмасса к1ану бугъан аркинссар лакку мазрал дарсирдай, гания хъунмасса мюнпат дуклаки оърч1ан ниттил маз лахъхъавриву ва га магъир бавриву буссар.

Предложение лахъхъаву

Шамилчинмур классраву «Предложение» т1исса раздел лахъхъаврил даву лархъхъумунил гъанулий дачин дайссар ва хъхьич1ра лархъхъумур материал ц1акъ ва курт1 дайссар. Дуклаки оърч1ан хавар буссар: предложениялул къуртал хъусса пикри бусайшивруя, бусай, ц1уххай ва оъвчай предложениярттай, предложениялул ахирданий чичруул лишанну дишаврия ва бак1рай хъунмур х1арп чичаврия.

«Предложение» т1исса тема лахълай байбишайссар мунил аымсса тема к1ул даврия: Предложениялул къуртал хъусса пикри бувч1ин байссар. Предложение – му гъалгъалул ца агъамсса бут1ар.

Мунияр махъ предложениярттал жуардаятусса к1улшиву курт1 дайссар ва миннул чичруул лишанну дишаву ххуйну тикрал дайссар.

Дуклаки оърч1ал лич1и – лич1исса журалул предложенияртту т1айлану зумух ласаврил бюхъурду магъир башиврул, гай интонациялийну предложениярттал жуардуду лич1и дуллали байссар.

Учительнал хъуннасса къулагъас дуклаки оърч1ал цала пикри т1айлану ва бувч1инну бусаврих дайссар, мунияту предложенияртту цил багъайкун т1айлану сакин дурну дик1ан аркинссар.

Предложение сакин шаврил хах, гъануми махъру, подлежащее ва сказуемое хъанахъиссар. Миннуйн цалчинмур даражалул члентру учайссар. Ми бакъасса предложение къадик1айссар. Предложение ххал дигълагъийни хъхьич1ва— хъхьич1 подлежащее ва сказуемое лякъин айкинссар. Вай махъру кунниц1ун кув бавх1уну буссар: сказуемилия подлежащилухъхъун ва подлежащилия сказуемилухъхъун суаллу булун айкинссар. Суаллу к1ива журагасса бик1айссар: а) мяъналул чулухасса ва б) грамматикалул чулухасса.

«Подлежащее ва сказуемое» т1исса тема лахълахъийни хъхьич1 кут1а предложенияртту ласун буч1иссар. Гай предложенияртту мяъналул ва формалул чулуха ххал дигъайссар. Бак1рай цалчинмур даражалул члентрахъхъун: подлежащилухъхъун ва сказуемилухъхъун мяъналул чулухасса суал буляйссар .Ми суаллал предложениялуву щияту/ссаяту/ ва ци буслай буссарив ккаккан байссар. Мунияр махъ грамматикалул формалул чулухасса суаллу буляйссар: цу? ци?— подлежащилухъхъун ва ци дуллай ур? – сказуемилухъхъун. Предложенияртту к1укун ххал диргъукун, аымсса жямгу дан бюхъант1иссар: подлежащилул предложениялуву щия ягу ссая гъалгъа т1ий буссарив ккаккан байссар ва цу? ци? т1исса суаллахъхъун жаваб дулайссар, сказуемилул подлежащилул дуллалимур ккаккан дайссар ва ци дуллай ур? т1исса суалданун жаваб дулайссар

Лакку мазраву подлежащилул мукъра падежрал суаллахъхъун жаваб дулайссар: ц1анил, гъаншиврул, дулаврил ва шаврил. Дуклаки оърч1ру цал цу?ци? т1исса суаллахъхъун жаваб дуллайми подлежащирдащал к1ул байссар. Мунияр махъ дуклакими гъаншиврул падежрай ккаккан бувми подлежащирдащал к1ул байссар.

Предложенияртту так цавай цалчинмур даражалул члентрая дакъассагу, вайннущала арх1ал вайннун хъарсса цайми мукъурттиягу сакин хъуну дик1ан бюхъайссар. Ми к1илчинмур даражалул члентру хъанахъиссар. Дуклаки оърч1ру к1илчинмур даражалул члентращал к1ул байссар, амма миннул жуардал ц1арду къабусайссар. Ми лахълахъийни предложениялуву миннул бувгъусса к1ану ккаккан байссар. Мунияту кут1а предложенияртту

лахъи дурну, ми к1ирайрагу цанниха—ца лащен дуллай ххал дигъайссар. К1ай предложениярту ххал дигълагъийни, дуклаки оърч1ан цалчинмур предложение подлежащилуя ва сказуемилуя сакин хъусса душиву бувч1ин байссар. К1илчинмур предложениялуву, лахъи дурсса предложениялуву, цалчинмур предложениялуву бувсумур курт1 байссар ва., лич1и–лич1исса чулухаллурду х1исавравун лавсун, бувч1ин бувну бушиву ккаккан байссар. К1илчинмур даражалул члентрал цалчинмур даражалул члентру бувч1ин бувну бушиву ккаккан байссар.

К1укунssa предложениярту, цач1у дирхъуну, ххал дуллалиssa ч1умал ххибувсса махъру, яъни к1илчинмур даражалул члентру, цалчинмур даражалул члентру бувч1ин байссса махъруну бушиву ккаккан бан айкинссар. Дуклаки оърч1ан предложениялуву мяъналул чулуха кунниц1ун кув бавх1уми махъру, цумур махъ цумуниийн хъарну буссарив лякъин лахъхыин байссар. Предложениялуву кунниц1ун кув бавх1усса мукъурттиву мукъуя мукъухъхун суал булун бюхъаву предложение ххал дигълагъисса даврил гъанури. Суаллу булаврийхч1ин дуклаки оърч1аша мукъурттил дянивсса дах1аву ккаккан дан бюхъант1иссер, предложениялуву лях къабивтсса махъру биял бан. Оърч1ан предложениялуву махъру низамрай ва къайдардай кунниц1ун кув бавх1уну бушиву ва мукун бусса ч1умал бакъа гивусса мукъурттил мяъна дурч1лай къадик1айшиву бувч1ин бан айкинссар.

Дуклаки оърч1ан кут1а ва лахъи предложениярту дурч1ин дайссар. Гайннан кут1а предложениярту лахъи дуллан лахъхыин байссар. Мукунма оърч1ан так к1илчинмур даражалул члентрая сакин хъусса предложениярту къадик1айшиву бувч1ин байссар, гиву чара бакъа цания— ца цалчинмур даражалул член бик1ан айкинссар.

Оърч1ан к1улну бик1ан айкинссар:

- предложениялул къуртал хъусса пикри бувч1ин байшиву;
- гиву махъру куннищал кув мяъналийну бавх1уну бик1айшиву;
- предложениялул журадру;

- предложениялул бак1рай хъунмур х1арп чичайшиву;
- дак1нихсса ва чичрулийнусса гъалгъалуву предложениярттал жуарарду к1ул дуллан;
- предложениярттал ахирданий дагъайсса чичруул лишанну дишин;
- предложениялул цалчинмур даражалул члентру;
- подлежащее, ганил ккаккан даймур ва суаллу;
- сказуемое, ганил мяньна ва суаллу;
- подлежащее ва сказуемое предложениялул гъану бушиву;
- предложениялул к1илчинмур даражалул члентру (ц1арду къакуну) ва гайннул предложениялувусса бияла;
- кут1а ва лахъи предложенияртту;
- кут1а предложенияртту лахъи предложениярттайн к1ура даен дуллан;
- лич1и– лич1исса журалул предложенияртту дак1нихсса ва чичрулийнусса гъалгъалуву ишла дуллан;
- предложениялул разбор дуллалийни, цалчинмур ва к1илчинмур даражалул члентру лич1и буллан: подлежащилул луртту ца аыш, сказуемилул луртту к1ира аыш ва к1илчинмур даражалул члентирттал луртту – щат1ари аыш дурккун;
- предложение – гъалгъалул ца агъамсса бут1а бушиву.

«Предложение» т1исса раздел хъанахъиссар ца яла зах1матсса ва дуклаки оърч1ал гъалгъа баврил компетенция хъун ва магъир бавриву хъуннасса агъамшиву думурну. Агар дуклаки оърч1аша предложенияртту дак1нихсса ва чичрулийнусса гъалгъалуву ишла дуллан бюхълай бухъурча, гайннаща цала пикри мукъурттийну бусан, гъалгъалуву предложенияртту лич1и дуллан, мукъурттия предложенияртту сакин дуллан бюхъайссар.

Бавх1умахъру

Бавх1умахъру – ми синтаксисрал яла ч1ивимур единица хъанахъиссар. Бавх1умахъру – цаниишал–ца мяъналийну бавх1усса к1ива ягу цаппара махъур. Дуклаки оърч1ан бавх1умахъру цукунсса махъру буссарив, гай

куннищал кув цукун бавх1уну бик1айссарив бувч1ин байссар. Гайннан предложениялува бавх1умахъру лич1и буллан лахъхъин байссар. Оърч1ан подлежащее ва сказуемое бавх1умахъру бакъашиву бувч1ин байссар.

Дуклаки оърч1ан к1улну бик1ан айкинссар:

- бавх1умахъру – ми синтаксисрал яла ч1ивимур единица бушиву;
- подлежащее ва сказуемое бавх1умахъру бакъашиву.

Махъру х1асул баву лахъхъаву

З-мур классраву дуклаки оърч1ру мукъул бут1раштал к1ул байссар. Гайннан мукъул бут1рал ц1арду лахъхъайссар.

Ва раздел лахълахъийни дуклаки оърч1ан к1улну бик1ан айкинссар:

- мукъурттиву бут1ри: мархха, суффикс, дайлит1у, гъану лич1и буллан;
- мукъул бут1рал ц1арду;
- мукъул бут1райхсса разбор дуллан.

Ца мархлюя хъусса махъру ва мукъурттил формарду кунния кув лич1и дуллан к1улну дик1ан.

Ц1усса луттираву ккаккан бувну буссар мукъул бут1райхсса разбор дуллалийни лич1и бан айкинssa бут1ри: мархха, гъану, дайлит1у, махъру сакин байсса ва мукъурттил формарду сакин дайссса суффиксру.

Лакку мазрал луттирадаву уттинин «мукъурттил формарду сакин дайссса суффиксру» т1исса термин ккаккан дурну дақъар. Мукъурттивусса дайлит1улул хъхьич1сса бут1ри лавайми классирттал учебниирттай лях бут1ри т1ий ккаккан бувну бур, байбихъулул классирттал луттирадай гай дайлит1улуву ккаккан бувну бур. Мукъурттил формарду сакин дай суффиксру т1исса термин цайми дагъусттаннал мазурдил луттирадавугу ккаккан дурну дур. Мунияту ва термин жула луттирадавугу ишла дурну дуссар, ванилгу «Мукъул бут1ри» т1исса раздел лахъхъаврил масъала ца системалуйн бутлай бур.

Гъалгъалул бут1ри лахъхъаву

Шамилчинмур классраву яла хъунмур ва агъанмур к1ану гъалгъалул бут1ри лахъхъаврил бугълай бур. Ва тема лахъхъинssa х1адуршинна,

цалчинмур классрава байбивхъуну, дуллан ккаккан дурну дур. Га ч1умал дуклаки оърч1ан к1ул хъуссар цу? ци? цукунсса? ци дуллай ур? т1исса суаллахъхъун жаваб дуллайсса махъру ва миннул мяъналуясса аымсса дурч1ала, яни цалчинмур классраву дуклаки оърч1ан лахъхыин бан айкинссар существительнирду, прилагательнирду, глаголлу кунния кув лич1и буллан, гай дак1нихсса ва чичрулийнусса гъалгъалуву ишла буллан.

Шамилчинмур классраву гъалгъалул бут1ри лахъхъаву к1илчинмур классраву дуклаки оърч1ан лавхъхъумунийн чул бившуну дан айкинссар.

Шамилчинмур классраву, ц1усса программалийн бувну, лахъхыин ккаккан бувну бур:

Гъалгъалул бут1рая (существительнирая, прилагательнирая, глаголдания, числительнирая, ц1анинк1анаймуния) аымсса к1улшиву дулаву.

Существительное. Существительнирал мяъна, суаллу. К1улши думи ва к1улши дакъами существительнирду. Хасъсса ва аымсса существительнирду. Существительнирал айдад. Существительнирду айдадирттайх баххана шаву. Существительнирду падежирттайх баххана шаву (иширайну к1ул баву).

Прилагательное. Прилагательное, ганил мяъна. Прилагательниран бишайсса суаллу. Прилагательнирал существительниращалсса дах1аву. Прилагательнирду гъалгъалуву ишла баву.

Числительное. Числительное, ганил мяъна. Числительнирал жуарарду. Числительнирду группарттайх баххана шаву. Числительнирал существительниращалсса дах1аву.

Числительнирду чичаву.

Глагол. Глагол, мяъна, суаллу. Глаголданул ч1унну: ц1анасса, ларгсса, дуч1ант1исса. Глагол ч1уннайх баххана шаву.

Шамилчинмур классраву гъалгъалул бут1раясса аымсса к1улшиву курт1 ва магъир дайссар.

Существительное лахъхъаву

Жунма к1улли существительное ца яла агъанмур гъалгъалул бут1а бушиву.

Шамилчинмур классраву лахъхин ккаккан бувну бур: Существительное. Существительнирал мяньна, суаллу. К1улши думи ва к1улши дакъами существительнирду. Хасъсса ва аымсса существительнирду. Существительнирал айдад. Существительнирду айдадирттайх баххана шаву. Существительнирду падежирттайх баххана шаву (иширайну к1ул баву).

Шамилчинмур классраву существительное лахъхаву к1илчинмур классраву дуклаки ойрч1ан гания лавхъхъумунийн чул бившуну дан айркинссар. Дуклаки ойрч1ан к1улссар существительнирдал аымсса мяньна, суаллу, существительнирдал жуарарду ва м.ц.

Лакку мазрал грамматикалуу ца агъамсса масъалану цу? ци? т1исса суаллу бишин лахъхин баву хъанахъиссар. Дуклаки ойрч1ан лахъхин бан айркинссар существительнирдан суаллу буллан, цу? т1исса суал так к1улши дусса затирттал ц1ардайн бакъа къабулайссар, ци? т1исса суал булайссар рух1 дакъасса затирттал ц1ардайн ва рух1 дусса, амма к1улши дакъасса затирттал ц1ардайн. Учитель дуклаки ойрч1ан укунсса к1антту лахъхъаврил ялув ац1ан айркинссар.

Лакку мазрал грамматикалул ца яргсса хасшинна существительнирдал группартту (классру) бушиву хъанахъиссар. Лакку мазрал щала низам вай группартташал дарх1уну дуссар. Мунияту вай группарттаистусса дурч1ала дулаврил ниттил маз лахъхъавриву ца агъамсса к1ану бугълагъиссар. Дуклаки ойрч1ан бувч1ин бан айркинссар: лакку мазраву махъру группарттайх бач1лач1ийни, гъануну ларсун душиву мукъул мяньна. Ва тема лахълахъийни учительнал бувч1ин бан айркинссар ойрус мазравусса родрал ва лакку мазравусса группарттал лич1ишиву, гай куннищал кув х1ала дакълан къабуч1ишиву.

Существительнирдал группартту лахълахъийни яла къамулсса давуну хъанахъиссар существительнирду цац1унма «ур», «дур», «бур» бакъайсса бик1айшиву. «ур» бакъайми существительнирду адиминал группалувун,

«дур» бакъайми существительнирду щарссанил группалувун ва «бур» бакъайми – душнил группалувун багъайссар. Мукунма дуклаки оърч1ан бувч1ин байссар адиминал группалувун арамтуннал ц1арду ккаккан дуллалисса существительнирду, щарссанил группалувун хъаниил ц1арду ва цаппара затру ккаккан дуллалисса существительнирду, душнил группалувун душварал ц1арду ва затирттал ц1арду ккаккан дуллалисса существительнирду багъайшиву.

Шамилчинмур классраву аймасса группалувун багъайсса существительнирдая ягу к1ай группартту сакин баврил гъануну ларсъесса къайдардая оърч1ан бувч1ин буллан лич1исса айкиншиву дакъассар.

Существительнирдал айдад т1исса тема лахълахъийни дуклаки оърч1ан лахъхыин бан айкинссар:

- 1.ца айдадрайсса ва ч1яру айдадрайсса существительнирду, мяъналух бурувгун, дак1нихсса ва чичрулийнусса гъалгъалуву лич1и буллан;
2. ца айдадрайсса существительнирду ч1яру айдадрай бишн;
3. ч1яру айдадрайсса существительнирду ца айдадрай бишн.

Существительнирал ч1яру айдадрал дайлит1уртту, шамилчинмур классравура лич1и дурну, ккаккан дарча къулайну бик1ант1иссар ва лавайми классирттаву существительнирал ч1яру айдадрал категория лахъхъавринсса х1адуршинна дайссар. Существительнирдал ч1яру айдадрал дайлит1уртту (суффиксру) ч1яруссса дуссар, амма ми дак1них лахъхыин дуллансса айкиншиву дакъассар. Дуклаки оърч1ан существительнирдал ч1яру айдадру цанма хасъесса суффиксиртал кумаграйну сакин шайшиву бувч1ин байссар.

Шамилчинмур классраву мукунма существительнирду падежирттайх баҳхана шаврия аймасса к1улшиву, падежру, миннул ц1арду ва суаллу лахъхыин бан ккаккан бувну бур.

Ва тема лахъхъаву дуклаки оърч1ал хъхьич1ра лархъхъусса материалданийн чул бившуну дайссар. Дуклаки оърч1ан к1улссар существительное цирив, мунил цукунсса суаллахъхъун жаваб дуайссарив, существительнирду айдадирттайх баҳхана шайшиву, ми шанма группалийх

бавч1уну бушиву. Мукунна ва тема лахъхавринсса х1адуршинна мукъул дайлит1уртту лархъхууну душиврул ва миннуйну махъру предложениялууу цанниц1ун-ца бах1айшиву дуклаки оърч1ан к1улну бушиврул бугълагъискар. Оърч1ан лахъхыин бан айкинссар существительнирду цайми мукъурттийн хъарну буний баххана хъанахъаву ва ми падежирттайх баххана шаву.

Существительнирал падежрал ккаккан дурну дуссар му мукъул предложениялуусса гайми мукъурттищалсса дах1аву. Мукун бухъувкун, падежру лахъхъаву чул бивщуну дуссар предложениялуусса мукъурттил цанниц1ун – ца бах1аву оърч1ан дурч1уну ва к1улну душиврийн.

Глагол лахъхъаву

Лакку мазраву глагол грамматикалул формардал ва мянардал хъинну авадансса ва лахъхыингу зах1матсса гъалгъалул бут1а хъанахъискар.

Шамилчинмур классраву лахъхыин ккаккан бувну бур:

Глагол, мяна, суаллу. Глаголданул ч1унну: ц1анасса, ларгса, дуч1ант1исса. Глагол ч1уннайх баххана шаву.

Шамилчинмур классраву глагол лахъхъаву к1илчинмур классраву лархъхъумунийн чул бивщуну дан айкинссар. К1илчинмур классраву дуклаки оърч1ал глаголданул аымсса мяна, суаллу ва га иширайну дак1нихсса ва чичрулийнусса гъалгъалуву ишла буллан лахъхайссар.

Лакку мазрал грамматикалул ца яргса хасшинна группартту (классру) бушиву хъанай дур. Дуклаки оърч1ан глаголлу существительнирдащал ва цаймигу мукъурттищал бах1ин лахъхыин айкинссар. Глаголлу группартту х1исавну существительнирдащал бавх1уну бик1айссар. Масала:

Оърч1 дарс чичлай ур. Нину чагъар чичлай дур. Душ дарс чичлай бур.

Глаголлу дак1нихсса ва чичрулийнусса гъалгъалуву группа х1исаврай т1айлану ишла дуллан лахъхыиншиврул ч1ярусса давуртту дан айкинссар. Дуклаки оърч1ан бувч1ин бан айкинссар ц1анасса ч1умул глаголлу цукун баххана хъанай буссарив.

Ларгса ч1умул глаголлащал существительнирду группартту х1исавну бавх1уну бик1айссар. Масала: *Мямма даврия увк1унни.*

Дада даврия дурк1унни.

Ссу даврия бувк1унни.

Дуч1ант1и ч1умул глаголлашалгу существительнирду группартту х1исавну бавх1уну бик1айссар. Масала:

Гъунтти уссу шагърулия уч1ант1иссар.

Гъунтти амудада шагърулия дуч1ант1иссар.

Гъунтти ссу шагърулия буч1ант1иссар.

Глагол зах1матсса гъалгъалул бут1а бухъувкун, му лахъхаву вайми классиртавугу дант1иссар. Глаголданул ца яргса лишанну му мудан цумур-бунугу ч1умуц1ун бавх1уну бушиву хъанахъиссар. Шамилчинмур классраву дуклаки оърч1ан «Глаголданул ч1унну» т1исса тема лахъхыин дан айкинссар. Глаголлу лич1и-лич1исса ч1уннайх баххана баву лахъхыин дайссар гайннул мисаллу буцлай. Дуклаки оърч1ан бувч1ин бан айкинссар дак1нихсса ва чичрулийнусса гъалгъалуву т1айлану глаголданул ч1ун ишла даврил хъуннасса агъамшиву душиву гъалгъа бувч1аврин. Мукунна дуклаки оърч1ан глаголданул ч1ун ккаккан дуллалисса терминнугу к1улну дик1ан айкинссар: ц1анасса ч1ун, ларгсса ч1ун ва дуч1ант1исса ч1ун. Глаголданул шаннагу ч1умун лич1и-лич1исса дарсру ккаккан дурну дуссар.

Глаголданул ц1анасса ч1умул ц1ана дуллалисса даву, хъанахъиссса ишру ккаккан байссар. Дуклаки оърч1ру мисаллу буцлаци байссар оърч1ал цала оърмулюясса, лагма-ялттусса иширттац1ун, т1абиаътрац1ун бавх1усса.

Масала: *Аъли доскалуч1а авц1ун ур. Марч бишлай бур. Мах1аммад лу ккалай ур.*

Дуклаки оърч1ру глаголлахъхун суаллу буллали байссар. Гайннан к1улну бик1ан айкинссар ц1анасса ч1умул глаголлал *ци дуллай ур (бур, дур)?, ци хъанай бур?* т1исса суаллан жаваб дулайшиву ва ц1анасса ч1умул глаголлал ц1ана дуллалисса даву, хъанахъиссса иш ккаккан байшиву.

Глаголданул ларгсса ч1ун лахъхыин давугу дайссар ванихара лархъхуну. Ларгсса ч1умул глаголданул ккаккан дайссар дурну къуртал хъусса даву, хъусса иш ва *ци буври? цивхъур?* т1исса суаллахъхун жаваб дулайссар.

Дуч1ант1исса ч1умул глаголданул хъунт1исса иш, дант1исса даву ккаккан дайссар ва *ци дант1иссар?* *ци хъунт1иссар?* т1исса суаллахъхъун жаваб дулайссар. Масала: *Гъунтти Пат1имат жуч1ан буч1ант1иссар. Жу ганиц1ал зоопаркравун гъант1иссару.*

Шамилчинмур классраву глаголданул ч1унну лахъхъаврил мурад дуклаки орч1ал глаголлу дак1нихсса ва чичрулийнусса гъалгъалуву т1айлану ишла буллан лахъхъин баву хъанахъиссар.

Дуклаки орч1ан к1улну бик1ан аркинссар:

- Суалайн бувну, глагол цайми гъалгъалул бут1рая лич1и буллан бюхъян.
- Глаголлу группарттайх баххана буллан.
- Предложениялюву глаголданул ч1ун к1ул дуллан бюхъян.
- Глаголлу ч1уннайх баххана буллан бюхъян.
- Глаголлу лицордайх баххана буллан бюхъян.
- Глаголлу аьдадирттайх баххана буллан бюхъян.
- Глаголданул мяълум дакъа форма к1ул дуллан бюхъян.

Прилагательное лахъхъаву

Гъалгъалул бут1раясса дурч1ала дуклаки орч1ач1а х1асул шайссар махъ лич1и-лич1исса чулуха ххал бигълай бухъурча: мяъналул чулуха, грамматикалул лишаннал чулуха ва м.ц. Вайва к1анттурду х1исавравун ласун аркинссар прилагательное лахълахъийнигу. Тема лахълан байбишайни предложениялюву прилагательнирдал мяъналул агъамшиву ва миннул жула гъалгъа авадан ва пасих1 буллалаву ккаккан буллалисса мисаллу буцин аркинссар. Учительнаща дуклакиминнач1а укунсса бюхъурду х1асул бан бюхъант1иссар, агарда орч1ал мисаллан буцлацисса прилагательнирду затурттил лишанну лич1и- лич1исса чулуха ккаккан дуллалисса бухъурча. Дуклаки орч1ан мукунсса махъру лякъин ва ми т1айлану цала гъалгъалуву ишла буллан лахъхъин баврил ялув учитель мудан авц1уну ик1ан аркинссар.

Прилагательнирду лахълахъийни ми существительнирдац1ун бах1аврил чулухунмайсса бюхъурду ва вардишру орч1ач1а х1асул хъун аркинссар.

Миннан существительнирая прилагательнирахъун сувал т1айлану булун лахъхыин бан айркинссар.

Прилагательнираясса к1улшиву курт1 дан къулайсса давуну хъунт1иссар мяъналул чулуха къаршилла прилагательнирду цашаласса существительнирдащал арх1ал дуклаки оърч1ру лякъин булларча. Прилагательнирду мисаллан буцлацийни мудан миккун хасъсса сувалгу /цукунсса?/ буцайссар.

Лакку мазрал прилагательнирдал - *сса* дақъассагу, цайми дайлит1урттугу дуссар: - *ма*, - *мур*, - *ми*, укунсса прилагательнирдал цанмасса суваллу гүбсар: цукунма? цукунмур? цукунми? Ва журагул прилагательнирду оърч1ан бувч1ин байссар – *сса* бусса прилагательнирдая аымасса к1улшиву ларсун махъ. Укунсса прилагательнирдащал оърч1ру к1ул буллалийни вай группарттайх баххана хъанахъишивугу бувч1ин байссар.

Числительное лахъхаву

Числительное лахъхаву существительнирдац1ун ва прилагательнирдац1ун дарх1уну дуссар. Ми ч1явуну существительнирдащал арх1ал ишла бувну бик1айссар ва цала цаппара агъамсса лишаннал чулуха прилагательнирдаха лавхъхъусса буссар. Мунияту прилагательное лахълахъийни лавхъхъумур шикку ххуйну айркин байссар.

Числительнирду дуклаки оърч1ал гъалгъалуву ишла байссар, амма числительнираясса к1улшиву дулаву 3- мур классраву дайдишайссар. Ва тема лахълахъаву айдад ва яржа ккаккан буллалисса мукъурттища дуклакими к1ул баврия дайдишайссар.

Цал лахъхыин байссар айдадрал числительнирду (ххюва душ, к1ива лу) ва миннул суваллу, яла яргул числительнирду ва миннул суваллу цимилчинма? цимилчинмур? цимилчинсса? Числительнирду лахълахъийни дуклаки оърч1ан лахъхыин бан айркинссар айдадрал числительнирду яргулминнуйн к1ура баен буллан. Учебный пособияту числительнирду текстрраву лякъин, гайннул жура к1ул дуллансса давуртту дуллуну дуссар.

Программалул числительнирду чичаврил къядардугу лахъхаву т1алав дуллай бур. Дуклаки оърч1ан числительнирду чичаврил къядарду дак1нихсса ва чичрулийнусса давуртту дуллай лахъхин дайссар. Гайннал дан байссар вывод: цаварду хъхич1сса мукъуртищал лич1ину чичайссар (*къунция ххюва, ац1ния майва*),ац1варду, ттуршварду ва азарварду ккаккан буллаисса цаварду лавч1ун чичайссар (*ххюц1алва, к1имтуриша, шаназара*).

«Числительное» т1исса раздел лахълахъийни дуклаки оърч1ан к1улну бик1ан айкинссар:

- Числительнирал мяньна ва суаллу;
- Числительнирдал жуарарду (аьдадрал ва яргул) лич1и буллан;
- Числительнирду существительнирдащал бах1ин;
- Числительнирду т1айллану чичлан;
- Дак1нихсса ва чичрулийнусса гъалгъалуву числительнирду ишла буллан буюхъан.

2.3. Шамилчинмур классравусса дуклаки оърч1ал гъалгъа баврил компетенция хъун баву

Маз инсаннал аымсса культуралул дуцин хъанахъискар. Мазрал мукунма хъунмасса бияла инсан тарбия авривугу бур. Пасих1сса мазрал, инсаннал буллаисса магъирсса гъалгъалул ганал аькълу-к1улшилул даражা ккаккан байссар. Маз лахъхаврил мурад гивусса къядарду ва правилартту лахъхаву дакъарча, цуппа га мазрай т1айллану, пасих1ну, буюханну гъалгъа баву хъанахъискар. Ц1анасса ч1умал хъуннасса агъамшиву дуклаки оърч1ан цаярва оърмулул хъуниминнащал ва ч1унарх1ал оърч1аштал гъалгъа бан к1улшиврун дуллай дур. Ххуйну маз к1улсса дуклаки оърч1ал аькълу-к1улшигу ларайсса дур, гайннан лахъхин айкинмур лаласун, лахъхингу бигъану бик1айссар. Ххуйну гъалгъа бан, цала пикри мукъуртийну ккаккан бан к1улшиврух хъуннасса къулагъас дурну дур Федерал паччах1лугърал к1улшиву дулаврил стандартттайгу.

Инсаннал гъалгъа щала оърмулий магъир хъанан бик1айссар. Дуклаки оърч1ал гъалгъа магъир шавриву агъамсса ч1унну байбихъулул школалий

дуклакисса ч1ун хъанахъиссар. Мюрщисса оърч1ал гъалгъа магъир буллалийни, ганал айкылу-к1улшигу магъир шайссар. Мазрал кумаграйну оърч1ал инсантуращалсса х1ала-гъурттушиву дайссар ва мукунма ц1усса затру, дунияллий хъанахъимур к1ул байссар. Байбихъулул классирттава байбивхъуну, учительнан дуклаки оърч1ан бувч1инну, пасих1ну гъалгъа т1ун лахъхъин бан айкинссар. Т1айлану, бувч1инну гъалгъа т1ун лахъхъиншиврул, дуклаки оърч1ан ниттил маз лахъхъаврихсса гъира багъан бансса давуртту дуллан айкинссар.

Гъалгъа баврил компетенция хъун буллалийни, яни дуклаки оърч1ан т1айлану, бувч1инну, бюохханну гъалгъа буллан лахъхъин буллалийни к1ива масъала щаллу бан айкинссар:

- 1) дуклаки оърч1ал гъалгъалувусса диялдакъашивуртту духлаган даву;
- 2) дарсирай гъалгъа баврил компетенция хъун бансса давуртту даву.

Дуклаки оърч1ал гъалгъалувусса диялдакъашивуртту духлаган дуллалийни, айкинссар:

- ч1урду т1айлану зумух ласун лахъхъин бан;
- дуклаки оърч1ал мукъурттил луртандалул даражада лавай бан.

Федерал паччах1лугърал к1улшигу дулаврил стандартирттай хъуннасса къулагъас дуклаки оърч1ал гъалгъа баврил компетенция хъун баврих дан ккаккан дурну дур. Цуксса дуклакиманан ххуйну гъалгъа т1ун к1улну бурив, муксса мунаща дарсирай учительнал бусласимур ххуйну бувч1айссар ва лаласайссар, цала бусласимургу ххуйну бусан бюохъайссар.

Гъалгъа баврил компетенциялул (компетенция – латиннал *competentia* т1исса мукъуя хъусса махъ хъанай бур, куннищал кув дах1аву, кунниц1ун кув дақъаву т1исса мяъна дусса) инсантал куннащал кув гъалгъа баврил даражада гъалгъа бавриясса мюннат ккаккан буллай бур. Гъалгъа баврил компетенция т1исса понятиялувун духлахиссар инсантурал куннал куннащал буллалисса гъалгъалуйнсса т1алавшиннарду: логикалул чулуха т1айласса гъалгъа, гъалгъа т1унсса куц к1улшигу, гъалгъат1иманнах урувгун гъалгъа баву ва м.ц.Ххуйну гъалгъа бан бюохъаву яъни гъалгъа баврил компетенция –

му хъанахъискар инсаннал дуллалисса цумур-дунугу даврил гъану. Ц1анасса ч1умал дак1них ва чичрулийнусса гъалгъа бан лахъхыин баврил хъинну хъуннасса агъамшиву душиву ккаккан дурну дур. Гъалгъа баврил компетенция хъун буллалисса ч1умал дуклаки оърч1ан гъалгъалул циняв жуарарду к1улну бик1ан аркинссар: вич1и дишаву, буккаву, чичру ва гъалгъа баву. Вай циняв гъалгъалул жуарарду лахъхишишврол дуклаки оърч1ру ч1яруssa иширайнусса давуртту дуллали байссар. Так дуллалисса давурттайнур оърч1ал мукъурттил луртан авадан шайссса, мазраясса к1улшиву авадан ва курт1 шайссса, гъалгъа баврил бюхъурду магъир шайссса. Гъалгъа буллан лахъхайссар, ц1уну лархъхъусса материал ишла дуллай, жура-журасса давурттайну гъалгъа баврил бюхъурду магъир буллай.

Гъалгъа баврил компетенциялувун духлахискар гъалгъа баврийнssса т1алавшиннарду, гъалгъа баврил компетентность т1урча гъалгъат1иманаща гай т1алавшиннарду дуруччин бюхъаврил даражалийн лайкъесса ик1аву. Гъалгъа баврил компетенциялувун духлахискар:

- мазрал мукъурттил луртан к1улшиву;
- дак1нихсса гъалгъалул магъиршиву (т1айлану, дурусну гъалгъа баву);
- чичрулийнусса гъалгъалул магъиршиву;
- гъалгъалул этикет дуруччин бюхъаву.

Магъирсса, т1айлану буллалисса гъалгъалух вич1и дишин хъинну т1ааинну бик1ай, гукун гъалгъа т1ун к1улсса инсаннан оърмулеву ч1явусса инсантуращал маз лякъин, дуллалисса даву ххуйну дан бигъану бик1ай.

Жунма к1улсса куццуй, гъалгъалул буссар к1ива жур: дак1нихсса ва чичрулийнусса гъалгъа. Методикалул элмулул ккаккан буллай бур хъхъич1 дуклаки оърч1ан дак1нихсса гъалгъа баврил компетенция хъун бан аркиншиву. Так дак1нихсса гъалгъа бан лавхъхъуну махъри лахъхыин байссса оърч1ан цала пикри чичрулийну ккаккан бан.

К.Ф.Седовлул давриву чивчууну бур «ххуйну гъалгъа бан лахъхиншиврол га мазрай гъалгъа т1исса миллатрал инсантураал куннал

куннащал гъалгъа баврил къайдарду күулну дик1ан айркинссар» т1ий. [15, л.52]

Гъалгъа баврил компетенция хүн баврил давурттал чулухуннайсса агъамсса т1алавшиннану гайннул ца балжисса система хъанахъискар. Ца балжисса система душиву щаллу дуллалиссар мукъра шарт1ирал:

- 1) жура-журасса давуртту куннил хъирив кув дачин даву;
- 2) гайннул хайр бушиву;
- 3) жура-журасса давуртту даву;
- 4) к1ай ца мурадрайн т1айла дан буюхъаву.

Гъарца ц1усса даву хъхьич1ра дурмунищал дарх1уну духьурчагу, гиву ч1ивисса бухьурчагу ц1усса пикри, хъхьич1унмай хүн буллалисса ци-бунугу ца зат бик1ан айркинссар.

Ц1анасса ч1умал гъалгъа баврил компетенция хүн баву ниттил маз лахъхыин баврил яла агъанмур масъалану хъанахъискар. Гъалгъа баврил компетенция хүн баврин хас дурсса давуртту гъарца дарсирай дик1ан айркинссар.

Гъалгъа баврил компетенция хүн баву – му хъинну зах1матсса, хъуннасса магъиршиву ва х1араачат т1алав буллалисса давур. Хъуннасса агъамшиву дуссар ва даврил байбихъулул школалий, цанчирча гиву дуклаки орч1ал күулшиву ласаврил ва тарбия баврил гъану бизайну т1ий.

Мукъуртищалсса даву яла агъанмур ва хъуннасса къулагъас дан айркинмур давуну хъанахъискар. Махъру лахъхыин баврищал арх1ал гай гъалгъалуву ишла буллангу лахъхыин бан айркинссар: гайннущал бавх1умахъру, предложенияртту сакин дуллан лахъхыин бан, гай гъалгъалул единицарду х1исаврай саргъунсса гъалгъалуву ишла бан буюхъаншиврул.

Гъалгъа магъир баврил даву к1ива бут1уйх дарч1уну дуссар:

- 1) дак1нихсса гъалгъа баврил компетенция хүн баву ва 2) чичрулийсса гъалгъа баврил компетенция хүн баву. Вай к1ивагу журалул цинна хасъсса лялич1ишивуртту дуссар. Гай духьурчагу дак1нихсса ва чичрулийсса гъалгъа магъир баврин хас дурсса даву арх1ал дачин дан айркинссар. Ккалаккийни

чичруулул маз жува дак1нихсса гъалгъалийн к1ура баен буллай буру ва чичлачийни дак1нихсса гъалгъа чичрулийн к1ура баен буллай буру.

Дак1нихсса ва чичрулийнусса гъалгъа магьир буллалийни, лич1и-лич1ину дайссагу давуртту дуссар. Амма гъалгъалул к1ивагу журал арх1ал ххал буллалисса ч1умал, гай магьир баврил вардишру ц1акъсса дик1айссар, гъалгъагу магьир шайссар.

Диалограл формалийсса (куннал куннащалсса) гъалгъа баврил компетенция хъун баву

Жунма к1улсса куццуй, дак1нихсса гъалгъа к1ива журалул бик1айссар: куннал куннащалсса гъалгъа (диалог) ва ца инсаннал буллалисса гъалгъа (монолог). Вайннуву яла ч1явуну хъуна бакъайссса журал куннащалсса гъалгъа хъанахъиссар, буллалисса гъалгъалуву ца инсаннал буллалисса гъалгъа чанну хъуна бакъайссар. Гъалгъа т1ун лахъхын буллалийни, куннал куннащалсса гъалгъа агъанмур ва хъхыич1 нанимур гъалгъалул журанду хъанахъиссар. Вай к1ивагу гъалгъалул журардаву лич1ишивурттугу дуссар.

Куннал куннащал буллалисса гъалгъа хъанахъиссар ч1умух, к1анттух бурувгун буллалисса гъалгъа. Т.Г.Винокурдул ккаккан бувну бур «диалог ва монолог инсантураг лахълахъисса мазрай гъалгъа баш ишил байссада журарду буругу, гъалгъа баврил функция диалограву ххуйну ч1алан бик1айшиву. Гиву бусласимур муданма куннащал кув гъалгъа т1ут1аву кунма, куннах кув вич1и дишаву ва гъалгъа т1ут1аву кунма ккаккан бувну бик1айшиву»[3, М., 1955]

З-мур классраву гъалгъа магьир баврил, гъалгъа баврил компетенция хъун баврил ялувсса даву куннал куннащал буллалисса гъалгъа баш лахъхын баврия т1айла хъуну (диалограя) дайдишин аркинссар. Диалограл формалий буллалисса гъалгъа ч1явуну хъуна бакъайссар. Ва формалий буллалисса гъалгъалул сакиншинна бигъасса дик1айссар, гиву ч1явусса мудан ишил байссада, дак1ний битан бигъасса махъру, кут1а предложенияртту дик1айссар. Диалограл формалий буллалисса гъалгъа к1анттух, ч1умух, тагъарданух

бурувгун буллалисса гъалгъа хъанай бур. Шикку дуклаки оърч1ан бусанмур дак1ний битан аъркиншиву дакъар. Гъалгъа буллалисса к1анттух, тагъарданух бурувгун, оърч1ан гъалгъа бан бигъану бик1айссар, цанчирча гайннан ссая гъалгъа т1ун, цукун гъалгъа бан аъркинссарив к1улну т1ий.

Дуклаки оърч1ан суаллу буллан ва гайннун жавабру дуллан бигъану бик1айссар. Гайннан най бунува хъунисса хаварду, кунниц1ун кув дарх1усса предложенияртту сакин дуллан зах1матссар.

Диалограл формалий буллалисса гъалгъалул цинна хасъесса лялич1ишишвуртту дуссар. Миннуву яла агъанми хъанай дур: гивусса предложениялул сакиншинна бигъасса душиву, к1ия инсаннал гъалгъа бушиву, ч1явусса маз ч1юлу бай махъру, калимаррту, междометияртту ишла даву, ч1умух, к1анттух, тагъарданух бурувгун, ч1у лагъ-лахъ баву, каруннил, бак1рал кумаграйну бувч1ин баву.

Диалограл формалий буллалисса гъалгъа так суаллу булун ва гайннун жавабру дулун к1улшиву къахъанахъискарча, дуклаки оърч1ан мукунма гъалгъалуву ишла байсса, мазраву х1адурнувасса махъру, калимаррту, яхши-хашрал махъру (хъунабавкъусса ч1умал, ссашал-бунугу барча буллалисса ч1умал ва м.ц. ишла байсса махъру) ишла буллан лахъхыин аъркинссар. Диалограл журалийсса гъалгъа бан лахъхыин буллалийни, оърч1ан гъалгъа байбишин лахъхыин бан аъркинссар, масала, ивзрав-урав куну, суаллу буллан ва гайннун кут1ану ва диялну жавабру дуллан, буллалисса гъалгъа бачин бан, къуртал бан ва ц. Диалограл формалий дуллалисса циняр давуртту цил багъайкун лакку мазрай гъалгъа бан лахъхыин буллалисса дик1ан аъркинссар. Оърч1ан гивусса предложенияртту, суаллу зумух ласун, интонация дуруччин лахъхыин дан аъркинссар. Дуклаки оърч1ан ва формалий гъалгъа бан лахъхыин буллалийни, яла зах1матмурну, предложенияртту кунниц1ун кув дарх1уну, т1айлану гъалгъа бан лахъхыин баву хъанай дур. Куннащал кув гъалгъа т1ут1ийни, гиву лич1и-лич1исса аарду ккаккан дуллалисса к1ира ягу ххишаласса калимаррту (предложенияртту) дусса репликартту х1асул хъанай дур.

Диалограл формалий буллалисса гъалгъалуйнсса т1алавшиннарду ца классрава гамунивун бияннин хъуни хъанахъискар. Агар байбихъулий гайннан так суаллан жавабру дулун лахъхин барчагу, гихунмай дуклаки оърч1ан ихтилат бан, гъалгъат1иманахь ци-бунугу ц1уххин, ихтилат къуртал бан лахъхин буллан аркинссар. Оърч1ан куннал куннащал ягу цайми инсантуращал ихтилат бан лахъхин бан аркинссар.

Методикийсса литературулуву ккаккан бувну бур диалограл формалий ихтилат бан лахъхин бавризу лув ккаккан бувсса бут1ри:

- 1) диалограх вич1и дишаву ва га дурч1аву;
- 2)диалограл мисал дак1ний битаву, га зумух ласаву;
- 3)лавхъхъусса диалогирттал образецрайн чул бившуну, ихтилат баву;

Вай бут1райн бувну, диалограл формалий ихтилат бан лахъхин буллалийни:

- 1)дуклаки оърч1ан кут1асса диалограл образеццу учительнал хъирив зумух ласун лахъхъайссар;
- 2)лагма-ялттумунил х1акъираву учительнал буллусса суаллан жавабру дулун лахъхъайссар;
- 3)учительнал ккаккан бувсса образецрайн бувну, дуклаки оърч1ру куннахъхъун кув суаллу буллай, гайннун жавабру дуллан бик1айссар;
- 4)вич1и дирхъусса ягу доскалий чирчусса диалограха лархъхъусса диалог оърч1ал сакин дайссар;
- 5)диалогравусса предложенияртту лахъи-кут1а, даххана дуллали байссар;
- 6)диалогру дусса запись духъурча, ганих вич1и дишин байссар.

Конструктивныйсса давурттава цаппара жуарарду ккаккан бинну: образецрайн бувну, тагъарданух буровгун сакин дурсса лич1и-лич1исса темардайн дагълагъисса диалогру ва ихтилатру, масала, «Щаращуч1асса

хъунабакъаву», «К1ия дуснал дянив хъусса ихтилат» ва ц.; ци-дунугу даххана дурну, диалог сакин даву; учительнал дайдирхъусса диалог къуртал даву; лич1и-лич1исса темардая қуннал қуннашал ихтилат баву; ххал хъусса суратрая щищал-бунугу гъалгъа баву; дуркүсса ягу вич1и дирхъусса текстрайн бувну, диалог сакин даву.

Диалограл формалийсса гъалгъа бан лахъхын буллалийни, ганил гъануну диалограл образецру дик1ан бюхъайссар. Байбихъулул классирттаву укунсса диалограл образецруну дуклаки оърч1ал цач1у ишла дан айкинсса суал ва жаваб хъанахъискар. Оърч1ахъхъун х1адурнувасса диалограл образецругу дулун буч1искар. Дуклаки оърч1ру гай диалогирттал образецру дак1них лахъхын бан буч1искар, яла гай даххана дуллай, ихтилат бан лахъхын байссар. Х1адур къабувну, оърч1аша най дунура диалогру сакин дан къашайссар, мунияту дуклаки оърч1ахъхъун диалограл образец ва мукунма гиву ишла бансса махъру, яхши-хашрал махъру, междометиярту, гъалгъа бюч1ан бай махъру булун айкинссар. Хъуннасса къулагъас мукунна диалогирттал интонациялух дан айкинссар.

З-мур классравусса дуклаки оърч1ал диалогрансса тема лич1и дайссар ягу га учительнал дулайссар. Темарду программалий ккаккан дурну дуссар. Лич1и-лич1исса классирттаву цара-ца тема хъуна дакъингу бюхъайссар, гай ялу-ялун курт1ну лахъхын ккаккан дурну дуссар.

Диалограл формалий ихтилат бан лахъхын буллалийни, яла ч1яруну хъуна дакъайсса даврил журга суаллан жавабру дуллалисса давуртту хъанахъискар.

Методикалий диалограл формалий ихтилат бан лахъхын буллалисса давуртту лич1и-лич1исса жуардайх дарч1ун душиву ккаккан бувну бур: гъалгъа т1ун хъхьич1сса (лархъхъусса материал гъалгъалуву ишла дан лахъхын буллалисса) ва гъалгъа магъир буллалисса (дуклаки оърч1ру гъалгъа баврийн х1адур буллалисса). Дуклаки оърч1ру лакку мазрай гъалгъа т1унсса шарт1ру дарсирдай дузал дуллан айкинссар. Ца укунсса шарт1ну

дарсирай лич1и-лич1исса т1урк1урду, щала классрал арх1ал дуллалисса давурттугү хъанахъискар. Дарсирай мукунна дайссар лич1и-лич1исса давуртту: суваллан жавабру дулаву, предложенияртту сакин даву, даххана ва лахъи-кут1а даву ва м.ц.

Диалограл формалийсса гъалгъа магъир баврил къайдарду методикалуу лич1и дан ккаккан дурну дур тагъарданул журагалуу ва га ккаккан дайсса күнчүү бурувгун:

1.Гъалгъалул тагъар мукъурттийну ккаккан даву. Масала, к1ия дуклаки оърч1 доскалуч1ан буккан бувну, учительнал гайннахъын укунсса даву дуллай ур: «Зу к1ич1ираву хъуна бавкъунну. Цукунсса ихтилат бант1иссия зу?)

2.Ч1алач1и пособиялул кумаграйну тагъар ккаккан даву. Суратрай ккаккан бувну бур к1ия куннашал кув бяс буллалисса оърч1ру. «Гай оърч1ан к1анай зу цукунсса ихтилат бант1иссия?- т1ий ур учитель.

3.Дурккусса текстрал сюжетрайн бувну, тагъар ккаккан даву. Текстревусса к1ия геройнал ихтилат дуклаки оърч1ал баву.

4.Дарсирай хъусса иш гъануну лавсун, ккаккан баву. Масала, оърч1 дарсирайн ч1ал хъунни, учительнал ва ганал дянивсса ихтилат баву. Бувккусса луттирая ихтилат баву ва м.ц.

Саргъунсса гъалгъа магъир баву

Мукъурттищалсса даврил хъуннав, предложенияртту сакин даврил хъуннав мурад дуклаки оърч1ру махъру кунниц1ун кув бавх1усса гъалгъа баврийн х1адур баву хъанахъискар.

Махъру кунниц1ун кув бавх1усса гъалгъану хъанахъискар логикалул ва грамматикалул законнайн бувну сакин бувсса, цасса, цила тема дусса, къуртал хъусса пикри бувч1ин буллалисса ва кунниц1ун кув бавх1усса ч1иви-хъунсса бут1райх бач1ин буюхъайсса гъалгъа.

Байбихъулул классирттал методикалуу махъру куннициңүн кув бавх1усса гъалгъалулукунса жуарарду ккаккан бувну бур:
буллусса суаллан гъартасса жавабру дулаву;
текстрашал дуллалисса лич1и-лич1исса давуртту: бувккумунил анализраңүн, грамматикалуу материал лахъхъаврициңүн дарх1усса;
лич1и-лич1исса жуарадай бувккумунил мурад бусаву;
дуллусса темалийн ягу ахирданийн бувну бусласисса хаварду;
хаварду, назмурду ляхъан баву;
эбратрансса текстрал изложение чичаву;
учительнаал дуллусса текстру дақ1них бик1у, чичрулий бик1у даххана даву;
жура-журасса сочиненияртту чичаву;
бувккумуния, ххал хъумуния бусаву ягу чичаву ва м.ц.

Шикку к1иң1 лагарду аымну лавсун байбихъулул классирттал дуклаки оърч1ал махъру куннициңүн кув бавх1усса гъалгъа магъир баврил чулухуннай дайсса давуртту. Гай лич1и-лич1исса жуарардал дик1ан аыркинссар. Цаппара давуртту биттур дайссар дарсирай, учитель ялув авң1уну, цаппара – шарда. Дуссар давуртту дуклаки оърч1ал цайнура цала дайссагу, буллусса образецрайн бувну, дайссагу.

К1ай цинярдагу давурттал жуарарду дулейссар дуклаки оърч1ахъхъун иширайну, теория дақъанна дан.

Дуклаки оърч1ал цайнура цаласса даврих бурувгун, саргъунсса гъалгъа магъир буллалисса давурттаву укунсса жуарарду лич1и бан бюхъанссар:

- 1)образецрайн бувну, дан ккаккан дурсса давуртту;
- 2)конструктивныйсса давуртту;

3)творческий давуртту.

Вай жуардарду яла хъунмур к1ану творческий давурттал бугъайссар. Образецрайн бувну дайсса давурттуну хъанахъискар изложенияртту, мурад бусаву, дак1них лавхъхъумур буккаву.

Конструктивныйсса давурттуну хъанахъискар учительнал дуллусса текст даххана дуллалисса давуртту.

Махъру кунниц1ун кув бавх1усса гъалгъа магъир баву – му гайннаву цаппара балжисса бюхъурду хъун бавур. К1иц1 лаганну махъру кунниц1ун кув бавх1усса гъалгъалушал бавх1усса цаппара бюхъурду:

Цалчин, тема дурч1ин, лаласун бюхъаву; язи дургъусса темалун айкинсса материал дат1ин к1улшиву, гивусса материал куннил хъирив кув дишин бюхъаву, ккаккан дурсса темалия чичин бюхъаву, чичлачимунийсса цала пикри бусан бюхъаву.

К1илчин, му – материал дат1ин бюхъавур, яьни темалун айкинмур лич1и дан бюхъаву. Темалун айкинсса материал лич1и дайссар сочинение чичлачийни дакъассагу, изложение чичлачийнигу. Изложение чичлачийнигу т1айлану материал язи дугъан к1улну дик1ан айкинссар: агъанмур лич1и бан, лич1и дурсса материал т1айлану чичин бюхъан, предложенияртту т1айлану куннил хъирив кув чирчуну, текстрал мурад ккаккан бан бюхъан.

Шамилчин, материал куннил хъирив кув т1айлану дишин бюхъаву, пландалийн бувну, хавар бусан ягу изложение ва сочинение чичин бюхъаву.

Мукыилчин, ишла бан айкинсса махъру, бавх1умахъру, предложенияртту, текстрал бут1ри х1адур бан бюхъаву, зах1матсса махъру чичайсса куц ххал баву ва м.ц.

Ххойлчин, щала текст сакин дан бюхъаву. Махъва-махъгу, чивчумур бакъин, бюч1ан бан бюхъаву, гъалат1ру бакъин баву. Ва т1алавшинна так

чичрулийсса гъалгъалийн дагълай дур, дак1нихсса ихтилатраву гъалат1ру, т1айла бакъамур вич1и дирхуминнал, учительнал ягу дуклаки оърч1ал бакъин байссар.

Вай бюхъурду гъарца махъру кунниц1ун кув бавх1усса гъалгъа бан лахъхыин буллалисса давурттаву ишла бан аркинссар. Амма вай циняв бюхъурду арх1ал дузал бан къашайссар. Мунихлуну гъарца оърч1ан махъру кунниц1ун кув бавх1усса гъалгъа бан лахъхыин буллалисса дарсирай ганил мурад ккаккан бувну бик1ан аркинссар.

Дуклаки оърч1ру сочинение чичин, хавар бусан х1адур буллалийни, учительнан га даврил мурад, ганил оърч1ан лахъхыин буллалимур ва цайми давурттаву ганил бугълагъисса к1ану балжину к1улну бик1ан аркинссар.

Оърч1ал к1улшиву ва бюхъурду чан-чанну т1ий, ч1иrimunia хъунмунийн, бигъамуния зах1матмунийн най, миннул дянивсса дах1аву ккаккан дуллай, магъир шайссар.

Дак1нихми давуртту ч1яруну дуллан аркинссар. Дуклаки оърч1ал махъру кунниц1ун кув бавх1усса гъалгъа магъир бавриву хъуннасса агъамшиву дидактикалул принцип, лавхъхьумунил гъанулий ц1усса материал лахъхъаву, бигъамуния зах1матмунийн буч1аву дуруччаврил дуссар. Мукунна ва даву мудан, гъарца дарсирай т1иссакссагу дуллан аркинссар.

Махъру кунниц1ун кув бавх1усса гъалгъа магъир баврил даву дайдишин аркинссар дуклаки оърч1ан учительнал ккаккан дурсса темалия, затрая, суратрайн бувну, предложенияртту сакин дуллай, къуртал хъусса пикри бусан лахъхыин баврия. Хъиривмур ярглий оърч1ан мюрщисса хаварду сакин буллан, суратрайн бувну, хаварду сакин буллан, бувккумунил кут1асса мурад бусан, щия-бунугу, ссая-бунугу бусан ва м.ц. лахъхыин бан аркинссар. Махъва-махъгу, дуклаки оърч1ан ссал-бунугу ялув цала пикри бусан, бяс бан, бувч1ин бан, ссал-бунугу кымат бишун лахъхыин бан аркинссар. Ялу-ялун дуклаки оърч1ал бусласимунил лагругу хъунна хъанан дик1айссар.

Монолограл формалийсса саргъунсса гъалгъа бан лахъхыин буллалисса давурттал жуардуну хъанай дур:

учительнал бувсъесса текстрал щаллуну мурад бусаву;

хавар сакин баву;

дурккусса ягу вич1и дирхъусса текстрал мурад суратрал ягу опорный (кумаг бай) мукъуртил кумаграйну бусаву;

дурккусса ягу вич1и дирхъусса текстрал мурад бусаву;

дурккусса ягу вич1и дирхъусса текстрал мурад, ци-дунугу даххана дурну, бусаву;

суратрайн бувну, хавар сакин баву;

учительнал дуллусса темалийн бувну, хавар сакин баву ва м.ц.

Дуклаки оърч1ан, чан-чанну т1ий, ссая-бунугу буслан лахъхыин бан аркинссар. Масала, оърч1ру, суаллан жавабру дуллай, хавар сакин буллан бик1айссар. Яла гай жавабирттая хавар сакин байссар.

Дурккусса ягу вич1и дирхъусса текстрал мурад бусаву яла ч1яруну монолограл формалийсса гъалгъа магъир бавриву хъуна дакъайсса даврил журану хъанахъиссар. Мурад бусаву лич1и-лич1исса жуардал дик1айссар: текстрач1ан гъансса ва цала мукъуртийну мурад бусаву. Гъалгъа магъир баврин хъунмасса мюнпат цала мукъуртий мурад бусаврил буссар. Га цараца куццуй къадуллан, дуклаки оърч1ахъхъун лич1и-лич1исса давуртту дуллан буч1иссар:

зула ц1анияту текстрал мурад бусияра;

душнил ягу оърч1ал ц1анияту мурад бусияра;

ч1ун даххана дурну (ц1анасса, ларгсса ягу дуч1ант1исса), мурад бусияра ва м.ц.

Хаварду сакин баву

Дуклаки оърч1ан хаварду (ягу текстру) сакин дуллан гъавалул тагъардануя, классраву хъусса иширая, дурсса давриясса ва м.ц. буслай лахъхыин байссар. Дуклаки оърч1ан хавардануву агъанмур к1ану ккаккан бан, га бувч1ин бан к1улну бик1ан айкинссар.

Хаварду сакин бан лахъхыин буллалийни, цаппара т1алавшиннарду дуруччин айкинссар:

учительнан ц1усса материалданул ва тикрал хъанахъимунил ялув пикри бан айкинссар;

агар хавар, дурккусса текстрайн бувну, сакин буллай бухъурча, текст ккалаккийни оърч1ал гиву агъанмур лич1и бувну, жям бан айкинссар ва бувккумунийнса цала пикри бусан айкинссар;

хавар сакин бан хъхьич1 учительнал дуклаки оърч1ащал ихтилат байссар ва гиву ишла бансса махъру ккаккан байссар;

учительнал ихтилат бувну махъ, оърч1ал цанная- цаннал гъарца зат жям бувну, хавар сакин байссар;

дуклаки оърч1ан хаварду сакин буллан, ссая-бунугу буслан лахъхиншиврул, учительнал гъарца хавар сакин бан бюхъайсса, сант дагъесса ч1умал оърч1ру гай сакин буллали байссар.

Хъиривсса монолограл формалийсса гъалгъалул журда ссая-бунугу бусаву, ссал-дунугу сурат даву (описание) хъанахъиссар.

Бусаву ягу ссал-дунугу сурат даву ссая ягу щия-бунугу бусаву, ссая-бунугу биялну, щаллуну бусаву хъанахъиссар. Укунсса бусавуртту классравусса къайлую, жанавартрая, х1айвантрая, лелуххантрая; инсаннал ларххусса янналую, ганал сиппатрая; т1абиаътрая, гъавалул тагъардануя; суратрая ва м.ц. дан бюхъайсса.

Ссая ягу щия-бунугу бусланнин, дуклаки оърч1ал хъхьич1 к1ива масъала бавц1уну бик1айссар – буслант1исса зат ххал шаву ва га мукъуртийну ккаккан дан бюхъаву.

Ссая-бунугу буслан хъхьич1, дуклаки оърч1ру ганин х1адур бан аркинссар: бусаву дан қумаг буллалисса суаллу х1адур бан, гиву ишла бансса махъру, бавх1умахъру тикрал бан, агар аркинну бухъурча, ц1усса махъру лахъхыин. Ссая ягу щия-бунугу бусаву дуллалийни, цал аймну гания бусайссар, яла бусласимуния щаллуну, биялну бусан аркинссар.

Ххуйну буслан лахъхыиншиврул, ва даву цал щала классрал арх1ал дайссар, яла оърч1ру цайнува цивппа дуллан бик1айссар.

Учительнал яла ч1яруну бусаву дан суратру ишла дайссар. Дуклаки оърч1ан, суратрайн бувну, хавар сакин бан 1-мур классрава байбивхъуну, лахъхыин буллан аркинссар. Суратрайн бувну, хавар сакин буллалийни, оърч1ахъхъун схема дулунгу буч1иссер, гиву укунсса суаллу булун буч1иссер:

- 1) суратрал ц1а дизаву бувч1ин бан ягу ганин ц1а дизан;
- 2) суратрал композициялух къулагъас дан;
- 3) хавар сакин баврил план дан, гиву агъанмур лич1и бан; предложенияртту куннил хъирив кув дишаврил ялув пикри бан;
- 4) пландалийн бувну, хавар сакин бан.

З-мур классраву ниттил маз лахълахъийни, хавар бусаврил хъунмасса к1ану бугълагъиссер. Хавар–му сюжет дусса, ссая ягу щия-бунугу бусласисса монолограл формалийсса гъалгъалул журап. Дуклаки оърч1ру дуллусса темалийн бувну, суратрайн бувну, бувккумуния, ххал хъумуния бусласи бувну, ккаккан дурсса дайдихъулийн ягу ахирданийн бувну ва м.ц. хаварду сакин буллали байссар. Масала, гъинтихасса текст дурккуну махъ,

оърч1ахъхун дулайссар даву – гъинттул цивппа бигъалагаврия бусан. Гиву текстраву хъуна бавкъусса махъру ишла байссар. Ва даву дуллалийни, дуклаки оърч1ал мукъурттил луртан авадан хънай дур, махъру ишла баву гъарта хънай дур.

Хаварду сакин буллан лич1и-лич1исса, дуклаки оърч1ал оърмулуштал дарх1усса темарду дулаван буч1иссар. Вай циняв давуртту оърч1ан цала пикри лакку мазрай бусан лахъхын буллалисса, гайннал монолограл формалийсса гъалгъа магъир баву мурадрайссса дик1ан аркинссар.

Гъалгъа магъир бан ишла дайсса давурттаву яла агъанми жуардуну хъанахъиссар:

- 1)буккаву ва гъалгъа магъир баву;
- 2)гъалгъа магъир баврин хас дурсса давуртту ва грамматика лахъхаву;
- 3)дак1нихсса ва чичрулийсса гъалгъа магъир баврин хас дурсса дарсру.

Буккаврил хъуннасса агъамшиву оърч1ал гъалгъа магъир баврин дуссар. Ккалаккийни ц1усса махъру зумух ласун лахъхайссар, гайннул мяънарду к1ул шайссар, гай ишла бан лахъхайссар, мукъурттил луртан авадан шайссар.

Буккаву гъалгъа магъир баврил ца щаращину хъанахъиссар. Луттирду буккаврил оърч1ал айкълу-пикри камил байссар, ц1у-ц1усса затру к1ул шайссар. Ганил кумаграйну оърч1ал мукъурттил луртан авадан шайссар, мазрал грамматика лахъхайссар. Ч1явусса луттирду буллакийни, маз магъир шайссар, ци-бунугу бусаврил бюхъурду магъир байссар. Ч1явуну ккалаккисса дуклаки оърч1ан ххуйну букингу, чичингу лахъхайссар.

Буккаву дарх1уну дуссар лич1и-лич1исса гъалгъалул жуардащал: вич1и дирхъуну, маз лаласаврищал, гъалгъа баврищал ва чичрулущал.

Ккалаккимур бувч1аву ца агъамсса буккаврийнса т1алавшиннану хъанахъискар. Ккалаккисса ч1умал оърч1ан гъарца махъ, предложение, текстрал бут1рал мяъна ва щала текст ххуйну дурч1лай дик1ан айкинссар. Буккаврил мурад - щала текст ххуйну дурч1авур.

Т1айлану буккаву ца яла агъамсса, чара бакъа дуручин айкинсса т1алавшиннану хъанахъискар. Дуклаки оърч1ан буккин лахъхин буллалийни, хъуннасса къулагъас ч1урду зумух ласаврих, мукъурттиву ударение т1айлану даврих дан айкинссар. Текст ккалаккийни оърч1ру саргъунну, айкинсса к1анай бац1авурттугү дуллай, т1айлану ккалан айкинссар.

Дуклаки оърч1ан литературийсса маз лахъхин башиврул, лугъатирттайн бувну х1асул хъусса гъалат1ру бухлаган баврил ялувсса даву дачин дан айкинссар.

Оърч1ан чичруул лишанну дусса к1анай бац1ан, ц1уххай, оъвчай, бусай предложенияртту т1айлану зумух ласун лахъхин бан айкинссар. Учительнал буккаву оърч1ан эбратрансса дик1ан айкинссар. Гъарца дуккин ккаккан дурсса текстревусса дуклаки оърч1ан къак1улсса мукъурттил мяънарду дурч1ин дан айкинссар.

Буклакимур оърч1ан бувч1уну бурив ххал бан, учительнал суаллу булиссар. Гайннун жавабру дуллалийни, дуклаки оърч1ал ч1урду зумух ласаву ва гъалгъа магъир шайссар. Текстреву суаллан жавабру лякъин бангу буч1искар, жавабру ляркъуну, гай дуккайссар. Ккалаккисса текст оърч1ан дурч1иншиврул, зах1матсса махъру, предложенияртту дурч1ин дан айкинссар. Дуклаки оърч1ру куннащал кув диалогру, мюрщисса хаварду сакин буллали байссар.

Гъарца дарсирай гъалгъа баврил компетенция хъун бансса давуртту дик1ан айкинссар. Буккаврихъ оърч1ал гъалгъа баврил компетенция хъун бавриву хъуниssa каширду дуссар. Ккалаккийни дуклаки оърч1ал

мукъурттил луртан авадан шайссар: гайннан ц1усса махъру лахъхайссар, гай гъалгъалуву ишла бан лахъхайссар.

Буккаврищал дарх1усса гъалгъа баврил компетенция хүн баврин хас дурсса давуртту лич1и-лич1исса дуссар: суаллан жавабру дулаву, суаллу булаву, план даву, бувккумунил мурад бусаву, мукъурттищалсса давуртту, дак1них лахъхаву, бувккумунил изложение чичаву.

Суаллан жавабру дак1них ва чичрулийну дулун бюхъайссар. Суаллу учительнал булайссар. Гай оyrч1ан бувч1инсса бик1ан аркинссар, текстрал мурадрашал бавх1уну, гай куннил хъирив кув буллан аркинссар. Гай щаллуну жаваб дулун кунмасса бик1ан аркинссар.

Учительнал оyrч1ан цала буллусса суаллан диялсса жавабру дулун, гайннун аркинсса махъру лич1и бан лахъхынин бан аркинссар. Гай суаллан жавабру дуллай, оyrч1ан предложенияртту сакин дуллан лахъхайссар. З-мур классраву суаллаву бусса махъргу ишла бувну, суаллан жавабру простойсса предложениялийну дулайссар. Суаллан жавабру дуллалийни, дуклаки оyrч1ан т1айлану предложенияртту сакин дан лахъхынин баврих къулагъас дан аркинссар. Шикку оyrч1ан лич1и-лич1исса гъалгъалул бут1райн багъайсса махъру кунниц1ун кув бах1ин лахъхынин байссар.

Суаллан жавабру х1адур даврийну оyrч1ан ккалаккимунил мурад курт1ну бувч1айссар, гъарца мукъул мяньна ачь дан кумаг байссар.

Суаллу булун жавабру дулунният зах1матссар. Дуклаки оyrч1ан бувккумунийн бувну суаллу булун лахъхынинин бан аркинссар. Гай булун буч1исссар дуклаки оyrч1ал, яла учительнал къат1айламур бакынин байссар. Суаллу, ялу-ялун зах1мат буллай, булун лахъхынинин байссар. Шикку учительнал суаллу булаврил интонациялухгу къулагъас дан аркинссар.

Бувккумунийн план дуклаки оyrч1ал ва учительнал арх1ал дайссар. Чан-чанну т1ий, оyrч1ан цайнурат цала план сакин дан лахъхынинин байссар. Байбихъулул школалий ч1яруну план суаллайну сакин дайссар, лавайми

классирттаву - бусай предложениярттайну. План дак1них сакин дайссар, яла га, дакъингу дурну, чичайссар.

Бувккумунил мурад бусаврил дуклаки оърч1ал гъалгъа магъир бавриву хъуннасса агъамшиву дуссар.

Бувккумунил мурад бусаву ч1яруну ишла дуллан айкинссар. Мурад бусласийни оърч1ал махъру зумух ласаву магъир шайссар, мукъуртил луртан авадан шайссар, гай предложениярттаву ишла бан лахъхайссар. Дуклаки оърч1ан мурад бусан лавхъхъуну махъ, мурад бусаву лицо даххана дурну, дайссар, масала, 1-мур лицорал ц1анияту бусласисса текст 3-мур лицорал ц1анияту бусан байссар.

Мукъуртищалсса даву

Мукъуртищалсса давурттал хъуннасса агъамшиву гъалгъа магъир бавриву дуссар. Гъарца ц1уну лавхъхъусса махъ дуклаки оърч1ал ишла бай мукъуртил луртандалувун буххан айкинссар. Ц1усса махъру лавхъхъуну махъ, гай дак1нихсса ва чичрулийнусса гъалгъалуву ишла буллан лахъхъин айкинссар. Учительнал дуллалисса циняв давуртту, ккалаккийни лавхъхъусса махъру гъалгъалуву ишла буллай, дуклаки оърч1ру вардиш буллалисса дик1ан айкинссар. Укунсса давуртту дарсирайгу дайссар, мукунна шардайгу дулун буч1иссар. Гъалгъа баврил компетенция хъун баву мурадрай дуллалисса давурттаву ч1унил интонация магъир шаврих, ч1у лагъ-лахъ баврил чулухуннай, махъру т1айлану зумух ласаврих къулагъас дуллан айкинссар. Дуклаки оърч1ан предложениялул ахирданий ч1у лагъ бан ва аглан хъун айкиншиву бувч1ин бан айкинссар. Мура даву оърч1ру бувккумунил мурад бусласийни ва суаллан жавабру дуллалийни дуллали бан айкинссар.

Дак1нихсса гъалгъа баву магъир шавриву хъунмасса бияла буссар дарсирай физкультминуткарду ишла даврилгу, хаснува ч1урду т1айлану зумух ласун лахъхъин бавриву. Шамилчинмур классраву физкультминуткарду дан лагруул мюрщисса назмурду, лакрал халкъуннал

саннарду, юргъамахъру ишла байссар. Дарсирдай буч1иссар ишла дуллан шинал ч1уннан хас дурсса назмурду, масала:

*Пиягъру – ىلىяллай,
пиягъру – ххаллай.
Чабувкра, чабувкра,
арىул марххалай! (Х1.К1урухов)*

Жул Аъли ур

*Аькълу бусса
Жул Аъли ур
Лап зирангсса. (Н.Юсупов)*

*Аълил оълин х1урмат бувна
Оърчи арив оъл гъан бувна
Оълил Аълин х1урмат бувна
Бадра нак1ил буц1ин бувна.*

Оърчи оъл

*Жун ххирасса оърчи оъл
Хъиртту т1ивт1у бархху оъл
Ч1умун бадра бурайсса
Жун ххирасса оърчи оъл.*

*Оърчи лелуххантгу бур
Интнил макъанну дуц1лай,
Бяълилул мурхъругу бур,
К1яла янна лахлай. (М.Давыдов)*

*Ттул – ттукку,
Ттуккул – ттатта,
Була, ттаттай, ттухъхъун ттукку,
Бан гъаннача ттуккул үлу. (Р.Башаев)*

*Кли дуркIунни!
Кли дуркIунни!
Клия лахъсса ссавния,
Паммалул парчири кунма,
Пиягъру ичяв зивзунни.*

*Кли дуркIунни!
Кли дуркIунни!
Гъав лавгунни зунттурду
Кляла махмурданухъхъун
Лавгунни лагма къурду. (С.Увайсов)*

*Ва кIулулуй, кIулулуй
Щил бивкIура, кIулулуй?
Къурнил къарал бувайсса
Къурайзунал бивкIура.*

*КIулулу
Ца кIулулу бивкIун бур
КIункIурдувун буххан ччай,
КIункIурдуву диркIун дур,
Амудадан диртсса май. (Б.Рамазанов)*

Къюхъни суннил бакIрава

*Баллай бур ттун къакъаба
Къихъгу бивкIун ца къахъну
Буслай бур мусил махъру. (Р.Башаев)*

Къикъугу мусилсса,

къикъу айнакIи.

Мусил ккунук байхту,

къиркъи тIун бивкIри.

Гъинттул гъарал ларчIун

Гъели дагъайссар

Марири, къур, зунтту, хъачI

Шюлли лагайссар. (А.Омаршаев)

ХъункIултIумIи

Хъун тIумIи

Хъун илданун

КIул тIумIий.

ХъункIултIумIий

Хъин тIумIий

Хъин битан

Дулай тIумIий.(Р.Башаев)

Вяркъу

Вярхъ- вярхъгу тIий, ца вяркъу

Хъяй бур хъюртул мурхьирай,

Хъяхъаврил зяй бу хъюру

Чла дуллай жул мулкирайх

*Бачи, оърчIрув, гъаннуча
Хъюрурал жипру дуцIин,
АътIалахъайх дарчIуну,
Лякъри дугълай хъяхъи бан. (К.Мазаев)*

*Члавахъулттил чIаму
Челмултрапл дурцIун,
Члеv- члеv тIисса чIурдал
ЧIюлуну дия.
ЧИлагу дургъуну,
ЧИгу бувцуну,
ЧИви оърчI левчуна
ЧИлун чIанIив бан*

*ЧИла гъуз тIи дуллай,
ЧИмучIалт бугълай,
ЧИви оърчI ивуна
ЧИлущал арив.
ЧIун чIал хъусса чIумал
ЧИви оърчIачIан
ЧIаххуоърчI увкIуна,
ЧИвигу ивкIун.*

(M.МахIаммадов «ЧИви оърчI»)

*Члеv- члеv тIий дур кIюрх,
Члеv-члеv тIий дур кIюрх.
Цанни члеv- члеv тIисса,
Челму кунна кIюрх?
Члеv- члеv тIий буну тIий
Члавахъултих мурхъ.
Члеv- члеv тIий бур мурхъ,*

Ч1ев-ч1ев т1ий бур мурхъ.

Га мурхъ ч1ев-ч1ев т1есса

К1уллив циваннив?

Ч1ан1аяр ч1явесса

Ч1елмулт бур ганий!

(М.Аминов)

- Ч1елмуй, ч1елмуй,

Ч1ал ч1умал

Ч1авахъулттий циссара?

Ч1ев- ч1ев т1ий

Ч1ук1ри буллай,

Гъалак циван бувкссара?

(Б.Рамазанов «Ч1елму»)

Ч1ан1и, ч1ан1и

Шанч1ан1и,

Шанч1ан1уй- мукъва ч1ан1и.

Да, Шамуй, вилгу дурив,

«Мукъва» бивхъусса ч1ан1и? (М.-З.Аминов)

Читу бач1а душлай бур,

Бач1ух лажин дислай бур.

Жун ххирар жула ччиту,

К1улли къабитай ччиту.

Ва к1улулуй, к1улулуй

Щил бивк1ура, к1улулуй?

Къурнил къарал бувайсса

Къурайзунал бивк1ура.

Ажари

*Ва ажари, ажари,
т1интту мусил ажари.
Ттарал бак1райх ририцусса,
ч1у гюнгут1ул ажари.*

Цулк1лул балай

*Ва хъугу ттууллари, ппенпперит1,
Та хъугу ттууллари, ппенпперит1,
Хъунил марыца ттууллари, ппенпперит1,
Марыцайсса мурхъ ттууллари, ппенпперит1.*

Юргъамахъру (скороговорки)

- 1.Шириши шашай Шамалай, шушири шюшай Шагъалай
- 2.Къужса къувай къав бихълай, къари къувал къар дах1лай.
- 3.Ссурссу, ссурссу, ссурух1и
ссувал ссурух1и ссихъу.
- 4.Ч1алсса ч1умал ч1авахъулттий ч1иви оърч1 ур ч1иллух луглай.
- 5.Гъанний гъайт1и гъайт1ала
Гъалгъат1и бай къавт1ала
- 6.Шанбач1улий шанч1ан1ий
Ца ч1ан1и ттуийгу лач1и
- 7.Вин т1ум1ала т1ум1ивуй
Т1имур бай Ам1ал т1ум1ий!
- 8.Кумаг барала Бат1ин
Х1инча хъусса маз бат1ин
- 9.Жул ахъуву ахъвазан
Ачу инагу букан!
- 10.Буккукъай мусил балугъ-

Шанма мурад ттулгу бур!

11. Гюнгүти бур гюргү тий,

Оърчайн дарсирайн овтый.

12. Агъ, исвагый пагъламан

Гъинтарав ххалуйх лечлан!

13. Дякъил ттаттал дарваграв

Цикссагу ссайгъатру бур.

14. Ч1алач1и ба му ч1али,

Буч1аннин ч1имуч1али.

15. Жанграл жазираи –

Жагъил жамичи.

16. Ч1елму бур ч1ан1аву

Ч1ев- ч1ев тий ч1алаи,

Ч1юлу ч1имуч1али-

Ч1араф, ч1авч1ими.

Шамилчинмур классраву дидактийсса т1урк1урду ишла баву

Ц1усса педагогикалул технологиярту махъесса ч1умал дарсирдай хъинну ишлану дур. Вай къядарду ишла дуллалийни дуклаки оърч1ал дарсирахсса, маз лахъхаврихсса гъира лавай шайссар, дарсргуту оърч1ан х1аз дизанну, дак1ний лич1анну лагайссар. Укунсса журалул дарсру ишла дуллалийни, дуклаки оърч1ал аъкълу-к1улши ларай дайссар, дуккаврихсса гъира багъайссар. Ва журалул дарсру ишла давриву дуруччин аъркинсса т1алавшиннардугу дуссар. Ми хъанахъиссар:

1. Щала материал ва журалий дуклаки оърч1ан дурч1ин дан къабюхъайссар, яъни циняр дарсру укунсса дишин къабюхъайссар.

2. Укунсса журалул дарсирдайн х1адур хъунсса ч1ун учительнангу, мукунна дуклаки оърч1ангуту дик1ан аъркинссар.

3. Ва журалул дарсру хъхьич1ра х1адур дурсса дарсру хъанахъиссар

Т1урк1улул технология байбихъулул классиртаву хъинну ишлану дур.

Га къядалул яла ч1яруну хъуна дақайссса форма дидактикийсса т1урк1урду хъанай бур. Гай ишла баврия махъесса ч1умал ч1яруssa давуртту чирчуну дур, байбихъулул ва лавайми классиртаву ишла бан қкаккан бувну бур. Хаснурат хъуннасса агъамшиву т1урк1урду байбихъулул классиртаву ишла бавриву душиву қкаккан дурну дур.

А.С.Макаренко т1урк1у ишла баврил хъуннасса агъамшиву душиву қкаккан дуллай ур. «Ххуйссса т1урк1у – ххуйссса давриха, оъккисса т1урк1у – оъккисса давриха лавхъхъусса бик1айссар. Гъарца т1урк1улуву пикри бансса к1антту бик1айссар» [9, л.374].

Т1урк1у оърч1ал даврил ца журат хъанахъиссар. Ганил хъуннасса агъамшиву оърч1ру тарбия бавриву дуссар. Т1урк1урдал дарсирахсса гъира лавай байссар, дарс дуклаки оърч1ан х1аз дизанну лагайссар, лархъхъумур дақ1ний лич1ан кумаг байссар ва гъалгъа магъир баврин гайннуя хъунмасса мюнпат буссар .Лич1и-лич1исса т1урк1урду дарсирай буллалаврил оърч1ал дарсирахсса гъира лавай байссар.

Т1урк1улул формалий лархъхъусса материал оърч1ан ххуйну дурч1айссар ва дақ1ний лич1айссар. Т1урк1улуву дуклаки оърч1ал лахълахъисса материал лахъхъин бигъа шайссар. Жура-журасса т1урк1урдал кумаграйну лархъхъусса материал ц1акъ ва тикрал дан бюхъайссар.

Ниттил мазрал дарсирдай лич1и-лич1исса т1урк1урду ишла баврил оърч1ал гъалгъа магъир байссар, гайннал мукъурттил луртан авадан дайссар ва маз пасих1 байссар.

Мазращал бавх1усса т1урк1урдаву пикри буллансса к1анттурду бик1айссар. Гай дуклаки оърч1ан х1аз бизансса ва за лахъхъин буллалисса бик1ан айкинссар.

Түрк1урду жура-журасса бик1айссар: суратирттал кумаграйну байсса ва суратру дақъа байсса.

Түрк1улуву дуклаки оырч1ан, цайра цурдану гъалгъалун айкинсса материал, баллалимур тикрал буллай, дақ1ний лич1айссар. Агар түрк1урдал элементту т1айлану ишла дулларча, оырч1ал дарсирахсса гъира лавай байссар ва гайннал гъалгъа баврил даву чялиш дайссар.

Лич1и-лич1исса түрк1урдал жура-журасса темардайн багъайссар саргъунсса гъалгъа бан лахъхынин бан кумаг байссар.

Учительнан түрк1урду баврил методика к1улну дик1ан айкинссар. Дарсираш план дуллалийни, ганий лахълахьисса темалийн багълагъисса дидактикийисса түрк1у, ганин ккаккан дуллалисса ч1ун ва айкинсса ч1алаач1и пособиярту ккаккан бувну бик1ан айкинссар.

Түрк1урду лич1и-лич1исса журалул дарсирадай ишла буллан буч1иссер: ц1усса материал дурч1ин дуллалисса дарсирай, лавхъхъумур жям, ц1акъ, тикрал буллалисса дарсирадай. Гай мазрал лич1и-лич1исса бут1ри лахълахъийни ишла байссар, гайннуя хъунмасса мюнпат дуклаки оырч1ал гъалгъа магъир баврин буссар. Лув ккаккан банну цаппара түрк1урду.

Махъру дақ1нин бичаву. Учительнан ягу цума-унугу ца оырч1ал цумур-бунугу ца ч1у зумух ласайссар. Масала, к1, дуклаки оырч1ал ва ч1уния байбихълайсса ягу ва ч1у бусса махъру учин айкинссар: к1ула, к1улу, к1унк1ур, к1ану ва ц. Махъру тикрал буллан къабуч1иссер.

Түрк1у - ссиғъя. Учительнан ца оырч1 доскалуч1ан изан айссар ва лагъну, махъминнан къабаянну, дақ1ний бивтусса махъ бусайссар. Масала: дақ1ний бивтунни айнак1и т1исса махъ. Доскалуч1асса, түрк1у бачин бувсса оырч1 ц1ухлай ур: Ва цир? Дуклаки оырч1ал махъру буцайссар, масала, лу. Түрк1у бачин бувма т1ий ур: «Ва лу бакъар.» Ххув шайссар дақ1ний бивтусса махъ бувч1ума. Агар махъ бувч1ирча, га т1ий ур: «Т1айлассар. Ва айнак1и бур.» Шиккува буч1иссер существительнирац1ун ганил хасият ккаккан дуллалисса прилагательнигу буцин.

Түрк1у «Поле чудес (аъламатирттал хъу)».

Доскалий укунсса рамка бан:□□□□□□□

- Ва мукъуву цими х1арп дур?(8) «ахънилсса» т1исса темалува. Циняннал ца-ца х1арп буслай, т1айлану увкуманан карточка дулайссар ва щала махъ сакин байссар.Му мукъущал предложение сакин дурнангу «очко».Ва т1урк1улул кумаграйну чимур тема тикрал дан шайссар, оърч1ругу хъунмасса гъираращал гъуртту шайссар.

Т1урк1у «Звездный час».

Ккаккан бувсса мукъувусса х1арпру ишла дурну, ц1усса махъру сакин бан. Масала: ххалабак1у, ва мукъувусса х1арпру ишла дурну, ц1усса махъру сакин бан: ххулу, ххуллу, бак1, бак1у, ххал, к1ула, к1улу, бала, ула ва м.ц.Ч1явусса махъру сакин бан бюхъаншиврул, ца х1арп к1илла ишла дангу буч1иссар.Ххув шайссар ч1явусса махъру сакин бувма.Шиккува буч1иссар мукъуртищал предложенияртту, хаварду сакин буллан ва цаймигу давуртту дуллан.

Махъру сакин баврин хас бувсса т1урк1у.

Ккаккан дурсса х1арпирдал кумаграйну ц1усса махъру сакин бан. Масала: а,и, у, оь, р, т, т1, ч1, к1, л: оыл, оырту, ч1ила, ч1ира, ч1и, рат1 ва ц.Ххув шайссар ч1явусса махъру сакин бувма.

Т1урк1у «Лякъияра ва т1ут1ул куц1уву лабивк1сса махъру».

(т1ут1ул куц1ул сурат дан ва гиву х1арпру чичин). Гай х1арпирдал кумаграйну, т1ут1ул куц1уву лабивк1сса махъру лякъин, гайннущал предложенияртту, хавар сакин бан.

Кару, ламу, дару, ка, дукра, ччат1, кат1ри, т1ама, лу, чтар, мала, т1ул ва м.ц.

Вай т1урк1урдал кумаграйну лич1и-лич1исса темарду тикрал дан бюхъайссар. Вайннул дуклаки оърч1ал мукъуртил луртан авадан, гъарта шайссар, гайннал гъалгъа магъир байссар ва дарсирахсса гъира лавай байссар.

Т1урк1у «Махъру баххана баву».

Ккаккан бувсса мукъурттиву ца х1арп даххана дуллай, ц1усса махъру сакин байссар. Масала: «къаз» к1ура баен бан айкинни «пилланийн», къаз-къал- пал- пил ва м.ц.

Т1урк1у: «Кумаг банну жанавартран цаламур схема лякъин».

Жуч1анма зоопаркова бувк1ун бур цулч1а, барц1 ва ц1иникъ. Кумаг банну вайннун цаламур схема лякъин.

Ххачамахъру (кроссворды) ишла баву дарсирай ва классрал къат1увсса давриву.

лахъисса ч1ара (к1из)

лелуххи (хъхьи) ва м.ц.

Чархханахъру -

Хъхьич1есса ягу ахирданийсса ца х1арп ххи-chan дурну ягу даххана дурну, цамур мяньалийн буч1айсса мукъурттийн чархханахъру учайссар. Масала:

1. *Ттул бак1рай **Б** бухъурча,
бюхттулнийх леххаймурда.*

Б бувкъун, **Л** биширча,
къатри ч1юлу даймурда. *Барзу – ларзу*

2. *Д хъхьич1 буну учирча,
на неххайх мик1 бакъайссар.*

Д бувкъун, **В** биширча,
ттуя лелуххи шайссар. *Дяркъу – вяркъу*

Т1урк1у «Цуманан ч1явусса махъру к1улну бурив?»

Ца х1арп ххи-chan дуллай, ц1усса махъру сакин бан. Масала, *дарс-apc, къини-ини ва ц.*

Ца х1арп даххана дурну, ц1усса махъру сакин бан: *нагъ-нигъ, нагъ-нак1 ва ү.*

Т1урк1у «Бавх1умахъру ва предложенияртту сакин даву»

Учительнал цумур-бунугу ца махъ учайссар, дуклаки оырч1ал ганищал бавх1умахъ ягу предложение сакин дан айкинссар.

Т1урк1у «Лякъияра «ххишаласса» махъ»

Лух1усса, к1яласса, щюллисса, хъахъисса, няк1исса, ят1улесса, баnavишасса, щяик1ан.

Вай мукъурттиву «ххишаламур» махъ лякъин айкинссар ва га циван хъанахъиссарив «ххишаласса» махъ бувч1ин байссар.

2.3.2.Дуклаки оырч1ал чичрулийнусса гъалгъа баврил компетенция хъун баву

Чичрулийнусса гъалгъа баврил компетенция хъун бан лахъхин бан зах1матссар дак1нихмурнияр.

Дуклаки оырч1ал чичрулийнусса гъалгъа баврил компетенция хъун бан дуллалисса давуртту лич1и-лич1исса дуссар: урувгун чичаву, мукъурттил диктанtru, диктанtru, суаллан жавабру дулаву, предложенияртту ва хаварду сакин баву, изложенияртту, сочиненияртту ва м.ц. Байбихъул класирттал методикалуу махъру кунници1ун кув бавх1усса чичрулийнусса гъалгъалул укунсса жуарарду ккаккан бувну бур:

- буллусса суаллан гъартасса жавабру дулаву;
- текстращал дуллалисса лич1и-лич1исса давуртту: бувккумунил анализрац1ун, грамматикалул материал лахъхъавриц1ун дарх1усса;
- лич1и-лич1исса жуарадай бувккумунил мурад чичаву;
- дуллусса темалийн ягу ахирданийн бувну, хаварду сакин баву;
- хаварду, назмурду ляхъан бувну, чичаву;
- эбратрансса текstral изложение чичаву;
- учительнал дуллусса текстру чичрулий даххана даву;
- жура-журасса сочиненияртту чичаву;
- бувккумуния, ххал хъумуния чичаву ва м.ц.

Дуклаки оырч1ал цайнураталасса даврих бурувгун, саргъунсса гъалгъа магъир буллалисса давурттаву укунсса жуарарду лич1и бандюхъансар:

- 1)образецрайн бувну, дан ккаккан дурсса давуртту;
- 2)конструктивныйсса давуртту;
- 3)творческий давуртту.

Вай жуардардаву яла хъунмур к1ану творческий давурттал бутъайссар. Образецрайн бувну дайсса давурттуну хъанахъискар изложенияртту, жураржурасса текстру сакин даву.

Конструктивныйсса давурттуну хъанахъискар учительнал дуллусса текст даххана дуллалисса давуртту.

Махъру кунниц1ун кув бавх1усса гъалгъа магъир баву – му гайннаву цаппара балжисса бюхъурду хъун бавур. К1иц1 лаганну махъру кунниц1ун кув бавх1усса гъалгъалуштал бавх1усса цаппара бюхъурду:

Цалчин, тема дурчин, лаласун бюхъаву; язи дургъусса темалун айкинсса материал дат1ин к1улшиву, гивусса материал куннил хъирив кув дишин бюхъаву, ккаккан дурсса темалия чичин бюхъаву, чичлачимунийсса цала пикри бусан бюхъаву.

К1илчин, му – материал дат1ин бюхъавур, яни темалун айкинмур лич1и дан бюхъаву. Темалун айкинсса материал лич1и дайссар сочинение чичлачийни дакъассагу, изложение чичлачийнигу. Изложение чичлачийнигу т1айлану материал язи дугъан к1улну дик1ан айкинссар: агъанмур лич1и бан, лич1и дурсса материал т1айлану чичин бюхъян, предложенияртту т1айлану куннил хъирив кув чирчууну, текстрал мурад ккаккан бан бюхъян.

Шамилчин, материал куннил хъирив кув т1айлану дишин бюхъаву, пландалийн бувну, хавар бусан ягу изложение ва сочинение чичин бюхъаву.

Мукъилчин, ишла бан айкинсса махъру, бавх1умахъру, предложенияртту, текстрал бут1ри х1адур бан бюхъаву, зах1матсса махъру чичайсса куц ххал баву ва м.ц.

Ххюйлчин, щала текст сакин дан бюхъаву. Махъва-махъгу, чивчумур бакъин, бую1ан бан бюхъаву, гъалат1ру бакъин баву. Ва т1алавшинна так чичрулийсса гъалгъалийн дагълай дур, дак1нихсса ихтилатраву гъалат1ру, т1айла бакъамур вич1и дирхъуминнал, учительнал ягу дуклаки оърч1ал бакъин байссар.

Вай бюхъурду гъарца махъру кунниц1ун кув бавх1усса гъалгъа бан лахъхъин буллалисса давурттаву ишла бан айкинссар. Амма вай циняв

бюхъурду арх1ал дузал бан къашайссар. Мунихлуну гъарца оърч1ан махъру кунниц1ун кув бавх1усса гъалгъа бан лахъхин буллаисса дарсирай ганил мурад ккаккан бувну бик1ан айкинссар.

Дуклаки оърч1ру сочинение чичин, хавар сакин бан х1адур буллаийни, учительнан га даврил мурад, ганил оърч1ан лахъхин буллалимур ва цайми давурттаву ганил бугълагъисса к1ану балжину к1улну бик1ан айкинссар.

Оърч1ал к1улшиву ва бюхъурду чан-чанну т1ий, ч1иримуния хъунмунийн, бигъамуния зах1матмунийн най, миннул дянивсса дах1аву ккаккан дуллай, магъир шайссар. Вай давурттал дуклаки оърч1ал гъалгъа авадан ва магъир бан, мукъурттил луртан гъарта дан кумаг байссар, грамматикалут материал ишла дуллан лахъхин байссар.

Хъиривсса монолограл формалийсса гъалгъалул журга сая-бунугу бусаву, ссал-дунугу сурат даву (описание) хъанахъиссар.

Бусаву ягу бувсун сурат даву сая ягу щия-бунугу бусаву, сая-бунугу биялну, щаллуну бусаву хъанахъиссар. Укунсса бусавуртту классравусса къайлую, жанавартрая, х1айвантрая, лелуххантрая; инсаннал ларххусса янналуя, ганал сиппатрая; т1абиальтрая, гъавалул тагъардануя; суратрая ва м.ц. дан бюхъайссар.

Сая ягу щия-бунугу бусланнин, дуклаки оърч1ал хъхьич1 к1ива масъала бавц1уну бик1ай - буслант1исса зат ххал шаву ва га мукъурттийну ккаккан дан бюхъаву.

Сая-бунугу буслан хъхьич1, дуклаки оърч1ру ганин х1адур бан айкинссар: бусаву дан кумаг буллаисса суаллу х1адур бан, гиву ишла бансса махъру, бавх1умахъру тикрал бан, агар айкинну бухъурча, ц1усса махъру лахъхин. Сая ягу щия-бунугу бусаву дуллаийни, цал аймну гания бусайссар, яла бусласимуния щаллуну, биялну бусан айкинссар.

Ххуйну буслан лахъхиншиврул, ва даву цал щала классрал арх1ал дайссар, яла оърч1ру цайнува цивппа дуллан бик1айссар.

Шамилчинмур классраву дан бүч1иссар лув ккаккан дурсса дуклаки оърч1ал махъру кунниц1ун кув бавх1усса гъалгъа магъир буллалисса чичрулийнусса давуртту:

суаллан жавабру дулаву (суратрайн бувну, дурккусса текстрайн бувну, ххал хъумунийн, ккавккумунийн бувну ва м.ц.);

хаварду ягу текстру сакин даву (суратрайн бувну, ххал хъумунийн, ккавккумунийн бувну, дуллусса темалийн бувну ва м.ц.).

жура-журасса изложенияртту чичаву (щаллусса, кут1асса, сочинениялул элементру дусса);

сочиненияртту: суратрайн бувну, ссая-бунугу бусласисса; дуллусса темалийн бувну, дурккусса текstral, хаварданул чулухунмайсса цала пикри бусласисса. Сочинениярттал конкурсраву гъуртту хъанахъаву.

Предложенияртту сакин даву

Дуклаки оърч1ан предложенияртту сакин дуллан лахъхын дайссар. Хъхьич1 ппурттуву сакин дурсса предложенияртту бигъасса, кут1асса дик1айссар. Гай ялу-ялун зах1мат хъанан дик1айссар. Предложенияртту сакин дан лахъхын даву— му зах1матсса давур. Предложенияртту дак1них сакин дайссар, гай оърч1ашал ххал дайссар, яла доскалий ва тетрадирттай чичайссар. Предложенияртташалсса даврил агъамшиву ккаккан дуллай, профессор В.М.Чистяков чичлай ур: «Предложение лахъхъаву гъалгъа магъир баврил гъану бизаву ва щала гъалгъа магъир баврил гъануну хъанахъиссар. Агар мукъурттияту бигъану предложенияртту сакин дан хъанай духъурча, гайннул кумаграйну лагмасса оърму ва учин ччимур, цала пикри т1айлану, дурусну чичрулий ягу дак1них ккаккан бан бюхълай бухъурча, гукунсса инсаннан лахълахъиссса мазрал гъану, вирдак1 лархъхъуну, бак1равун лалавсун бик1айссар. Гайннул кумаграйну маз ишла буллан бюхъайссар.»[21, л.213]

Предложенияртту сакин дан бюхъаврил хъунмасса к1ану бугъайссар дуклаки оърч1ал дак1нихсса ва чичрулийнусса махъру кунниц1ун кув бавх1усса гъалгъа бан лахъхын бавтиву ва га магъир бавтиву. Так т1айлану

предложенияртту сакин дан лархъхувкунни, оърч1аща махъру кунниц1ун кув бавх1усса гъалгъа бан бюхъан т1исса.

Суаллан жавабру дулаву

Чичрулий суаллан жавабру дуллан хъхьич1, га даву дак1них дурну дик1ан аркинссар. Учительнал оърч1ал жавабирттаву гъалат1ру бухъурча, гай бакын, бувч1ин бувну, чичрулийн х1адур бан аркинссар. Агар суаллан жавабру дуллалисса даву дак1них цил багъайкун дурну духъурча, му ч1умалли дуклаки оърч1ал дак1нихсса бик1у, чичрулийнусса бик1у гъалгъа магъир шайсса ва грамотность ларай шайсса.

Дуклаки оърч1ал чичрулийнусса гъалгъа магъир бавриву хъунмасса к1ану изложениялул ва сочинениялул бугъайссар. Изложение ва сочинение дик1айссар лахъхыин байсса, учительнал кумаграйну дайсса, чичайсса күц ккаккан буллалисса, к1улшиврул ва бюхъурдал даража ххал буллалисса.

З-мур классраву лич1и-лич1исса изложенияртту дайссар: текстрач1ан гъансса, кут1асса, язи дургъусса, текстрал ялун ци-бунугу ххибувсса.

Изложение – му чичрулийнусса бусавур. Му зах1матсса давур, оърч1ру изложение чичлай вардиш бан аркинссар.

Программалул т1алав дуллай дур З-мур классравусса оърч1ащал 50-60 махъ бусса изложение дан. Изложение –му хъинну зах1матсса даврил журга хъанахъиссар, мунияту изложение учитель ялув авд1уну дуллан аркинссар. Текст бигъасса, оърч1ал оърмулуха лархъхъусса, х1азсса, дак1ний лич1ансса дик1ан аркинссар. Учительнал х1арачатрахъ хъунмасса бияла буссар дуклаки оърч1ал изложение ххуйну чичавриву. Оърч1ан ххуйну дурч1уну дик1ан аркинссар дант1исса даву, га биттур дансса күц ва ххуллурду, гай х1адур бувну бик1ан аркинссар чичрулул даву биттур дан.

Изложениялул план циняннал цач1у сакин дурну дик1ан аркинссар.

Изложение диктантрая сочинениялийн бук1лак1исса чурттуну хъанахъиссар. З-мур классраву дуклаки оърч1ан изложение чичин лахъхыин даву дайдишин аркинссар бувкүсса ч1ивиссса, бигъасса хавар дак1них бувсуну, яла га чичлачи байссар. Га чичин лахъхыиншиврул

предложенияртту сакин дуллан, текстрявусса махъру къабивхъуну къабивтсса к1анттурду буц1ин буллан лахъхайссар. Ц1убут1уй дурккусса текстрава дак1них ца-ца предложенияртту чичин маслих1ат байссар.

Яла бигъамур изложениялул жура – му диялсса, текстрач1ан гъанну чичайсса изложенияр. Диялну изложение дуллалийни, ганиву авторнал циняв гъануми пикрирду бусан айкинссар, гиву ккаккан буллалисса куццуй, цаниил хъирив ца хъусса ишру, ч1ун ва м.ц. чичин айкинссар. Ва журагул изложениялул дуклаки оърч1ал памятърал даражада лавай байссар, гъалгъа магъир байссар, мукъуртил луртан авадан шайссар.

Кут1а дур изложениялул мурад текstral мурад кут1ану бусаву хъанахъиссар. Оърч1ан текстраву гъанумур, агъанмур лич1и бан лахъхыин бан айкинссар. Гайннан авторнал гъарца мукъул мяъна, ганал пикри бувч1ин бан айкинссар. Учительнал дуклаки оърч1ашал щала текstral разбор дайссар, гай махъру баххана бан бюхъайссада ражалийн буцайссар, кув предложенияртту кут1а дуллай, мукъуртил низам даххана дуллай ва м.ц. Ва журагул изложение дан лахъхыиншиврул оърч1ан текstral кут1асса мурад бусан лахъхыин байссар. Ганил дуклаки оърч1ру кут1а дур изложение чичаврийн х1адур байссар.

Текstral ялун ци-бунугу ххибувсса изложенияртту шамилчинмур классраву дайссар. Ва журагул изложение лич1и-лич1ину дан бюхъайссар, масала, дуллусса дайдихъулийн бувну, текст къуртал дан, ягу текстраву бусласимунил чулухунмайссада пикри бусан ва м.ц.

Учительнан изложенияртту даврил методика к1улну дик1ан айкинссар, ккаккан банну цаппара учительнал къулагъас дан айкинссада к1антту:

- 1) Учительнал хъхьич1махъ. Учительнал, лахъи лаган къабувну, кут1ану бувч1ин бан айкинссар даврил мурад ва га дансса куц.
- 2) Текст дуккин хъхьич1, дуклаки оърч1ашал текstral ц1анил ялув, ганил мурад ххуйну бувч1иншиврул ихтилат бан айкинссар.
- 3) Учительнал дурч1инну, дюхханну текст дуккин айкинссар. Га дурккуну маҳъ, оърч1ан зах1матсса маҳъру ва калимарртту дурч1ин дайссар ва гай

доскалий чичайссар. Мукъуртищалса даврил хъуннасса агъамшиву дуссар. Учительнан буч1иссар яла агъанми, гъануми махъру, калимарту, предложенияртту дусса карточкарду х1адур дурну, хъхьарами оърч1ахъхъун дулун.

- 4) План учительнал ва дуклаки оърч1ал арх1ал дайссар. Мюрщисса текстирдал изложение план дақъанагу чичин буч1иссар.
- 5) Изложение чичланнин, дақ1них ганил мурад бусан буллай, текст диялну дурч1ин дан айкинссар, яъни дуклаки оърч1ру изложение чичин х1адур бан айкинссар.

Планну даврил лич1и-лич1исса журагарду дуссар: ц1уххаврил ва бусаврил предложениярттал журалий, заголовокрал журалий сакин дурсса. Чан-чанну т1ий, оърч1ру лич1и-лич1исса журалий планну даврищал дус бан айкинссар. Дуклаки оърч1ан яла бигъамур журану суаллал журалиймур план хънай дур. Ганияту изложениялунсса планну дан лахъхъин буллалаву дайдишингу багълай бур.

Учительнал оърч1ашал творческий изложениярттугу дан бюхъайссар. Укунсса изложенияртту бусласиманал лицо даҳхана дурну ягу цума-унугу ца геройнал ц1анияту дайссар. Вай давуртту дуклаки оърч1ал цал дақ1них, яла чичрулийну дайссар.

Оърч1ахъхъун мукунна гайннан к1улсса магълул дайдихъу дулун буч1иссар, ахир гайннال ляхъян дан айкинссар.

Ца къини цулч1а бивк1ун бур хъинну ккашилгу хъуну, дуканмунил хъирив бувккун. Авлахърай ххал хъуну бур ца уттуллул парча. Бурувгун бур лагмавагу, уттуллул лув ххал хъуну бур къат1а.

Чичрулийнусса гъалгъа дақ1нихмунияр зах1матссар, гиву ганин хасъсса нормарду дуруччин айкинссар. Циняв давуртту дуклаки оърч1ашал цал дақ1них дан айкинссар, так дақ1них гайннан ххуйну лархъхъуну махъ, дан айкинссар чичрулийну.

Сочиненияртту чичаву

Лакку маз пасих1ну лахъхин бавриву, чичрулийсса гъалгъа магъир бавриву хъунмасса мюнпат сочиненияртту чичаврилгу буссар. Миннул мурад махъру кунниц1ун кув бавх1усса гъалгъа магъир баву, оърч1ан цала пикри, асар хъумур бусан, яргну ккаккан бан бюхъаву хъанахъискар. Дуклаки оърч1ру сочинение чичаврийн х1адур башиврул, гай хъуни бакъасса хаварду, магъри бусласи байссар.

Сочинение – му оърч1ал бюхъу, пикри, маз магъир буллалисса давур. Га чичлачийни, махъру, калимарту ва предложенияртту язи дугъайссар, орфография ххал дигъайссар.

Сочиненияртту, материалданух, х1адуршиннарах, жанралух ва мазрах бурувгун, лич1и-лич1исса дик1айссар.

Материалданух бурувгун, гай дик1айссар: 1)цанма ккавкмуния, хъирив бавц1уну к1ул хъумуния чивчусса; 2)луттирдая ларсъесса материалдания чирчусса; 3) лич1и-лич1исса к1анттурдая ларсъесса материал дусса (луттирая ва цува хъирив авц1уну к1ул хъумургу айкин байссар).

Лич1ину к1иц1 лаган багълай бур: сюжет дусса суратрая, учительнал дайдихъу ягу ахир дуллуну чичайсса сочиненияртту.

Х1адуршинна даврил методирттах бурувгун, сочиненияртту дик1айссар щала класссал цач1у х1адургу дурну, аымсса темалия чичайсса ва цалалусса сочиненияртту.

Жанрдах бурувгун, махъру кунниц1ун кув бавх1усса текстру хавар бусласисса, ссал-дунугу сурат дуллалисса ва цаламур пикри бусласисса дик1айссар.

Темардах бурувгун, сочиненияртту лич1и-лич1исса дик1ан бюхъайссар. Дуклаки оърч1ахъхун лич1и-лич1исса темарду дулун буч1иссар: шинал ч1унну(гъи, инт, к1и, ссут), гъинттул оърч1ру бигъалагавриясса, ссуттилсса инсантураг оърмулия, х1айвантрая, буттал к1анттуясса ва ц.

Сочинениялул мурад пикри цаниил хъирив ца багъан бувну, махъру багъайкун, т1айлану ишла бувну, тема аьч даву хъанахъиссар. Учительнал сочиненияртту чичлан лахъхын бан айкинссар. Байбихъулул классирттаву яла ч1яруну хавар бусласисса, ссая-бунугу бусласисса сочинение чичайссар. Хавар бусласисса сочинение суратрайн ягу суратирттайн бувну, экскурсиялиссар дуклаки ойрч1ал хъиривбац1авурттайн бувну, чичин буч1иссар. Ойрч1ан сочинение чичин лахъхыншиврул, гай дак1них хаварду сакин буллали байссар. Сочинение литературийсса буккаврил дарсирдай раздел лархъхъуну махъгу чичайссар.

Ойрч1ан ца ккаккан дурсса темалия ихтилат буллан, т1айлану предложенияртту сакин дуллан, хаварду буслан, темарду язи дугълан лахъхын буллан айкинссар.

Сочинение чичлачийни укунсса к1анттурдах къулагъас дан айкинссар:

- 1) учительнал дуклаки ойрч1ашалсса ихтилат;
- 2) сурат ххал даву;
- 3) учительнал сакин дурсса пландалул ялув пикри баву;
- 4) суратрай ккаккан дурмунил ялув пикри баву;
- 5) доскалий чивчусса ишла бансса мукъурттил ва предложениярттал кумаграй хаварданул бут1ри сакин баву;
- 6) суратрайн бувну ягу пландалийн бувну, сакин бувсса хаварданул мурад бусаву;
- 7) сочинение чичаву.

Дуклаки ойрч1ан сочиненияртту чичлан лахъхыншиврул дулун буч1иссар даву: ккаккан дурсса темалийн бувну, хавар сакин бан, масала, «Ниттин кумаг баву». Шикку ишла бансса махъру ва предложенияртту дулун айкинссар. Гайннул кумаграйну ойрч1ал хавар сакин байссар.

Байбихъулул классирттаву мукунна ссал-дунугу сурат дуллалисса сочинениярттугү дайссар. Цалчинмур классрава байбивхъуну, мюрщисса ссал-дунугу ягу щил-дунугу сурат дуллалисса сочинениярттугү дайссар.

Учительнал ссал-дунугу сурат дуллалисса сочиненияртту чичлан лахъхыин буллан айкинссар. Ва журагул сочинение чичлачийни, учительнал план сакин дайссар, дак1нихсса гъалгъалунсса суаллу х1адур байссар, ишла бансса махъру ва предложенияртту лич1и дайссар, гайннущалсса даву дайссар. Укунсса журагул сочинение чичлачийни, ч1явуну прилагательнирду ишла байссар, гайннущалсса даву дайссар.

Ссал-бунугу ялув цала пикри бусласисса сочинение текст дурккуну махъ дайссар. Шикку дуклаки оърч1ан ссал-бунугу ялув цала пикри бусан лахъхыин бан айкинссар. Ссал-бунугу ялув цала пикри бусласисса сочинение чичин лахъхыиншиврул, З-мур классрансса учебный пособиялуву учаларттал мяъна дурч1ин дансса, учаларттайн бувну, сочиненияртту чичинсса давуртту дуллуну дуссар.

Ч1явусса махъру кунниц1ун кув бавх1усса гъалгъа магъир буллалисса давуртту дан хъунт1искар классраву дурккусса текстрац1ун дарх1усса, масала, урувгун чичаву, суаллан жавабру дулаву, дак1нихсса чичру, изложение, текстрал план даву, дурккусса текстрац1ун бакъайсса учалартту буцеву, текстрал ца бут1а оърус мазрайн таржума баву ва ц.

Байбихъулул классирттаву хавар бусан ва сочинение чичин х1адур хъанахъийни, чара бакъа план дан айкинссар. План- бусант1исса хаварданул «проектри», ганил хахри. Га дакъа махъру кунниц1ун кув бавх1усса гъалгъа бан зах1матссар. Мюрщисса сочиненияртту чичлачийни, т1абиаитрал сурат дуллалийни, план дан айкиншиву дакъассар.

З-мур классраву 4-5 пунктря сакин хъусса план дик1ан айкинссар.

Сочинениялуха зузисса давриву шанма бут1а лич1и бан айкинссар:

- 1) материал дат1аву (хъиривбац1авуртту, суратру ххал даву, магъир литератураул произведенияртту буккаву);
- 2) лич1и дурну, материал цаниил хъирив ца дишаву (ххал дигъаву, агъанмур лич1и баву, план даву);
- 3) текст сакин даву, га чичаву, дакъин даву, гъалат1ру бакъин баву.

Сочинение чичлачисса дарс хъхьич1ра дурssa даврил жям дуллалисса дарсну х1исав хъанахъиссар.

Гъарца чичруулул даву цал цил багъайкун дак1них дурну дик1ан айкинссар. Агар ч1урду зумух ласун лахъхын къабарча, зах1маттса махъру чичин, лич1и-лич1исса жуардал предложенияртту сакин дуллан лахъхын къадарча, дуллалисса чичруулул давурттая мюнпат бакъассар.

Ч1алач1и пособияртту ишла баврил дуклаки оърч1ал гъалгъа баврил компетенция хъун давриву хъуннасса агъамшиву дуссар. Ч1алач1и пособияртту ишла баврил агъамшиву ккаккан дуллай, К.Д.Ушинскийл чивчууну бур: «Мюрщи оърч1ал т1абиаьтралла ч1алач1аву, янин ххал шаву т1алав дуллай дур. Агар дуклаки оърч1ан цукунсса-бунугу 5 къак1улсса махъ лахъхын буллай, бан къахъанай, хъуннасса ч1ун харж хъанай духъурча, гай махъру лахъхын бара суратиртал кумаграйну; оърч1ан гай най буна лахъхын1иссар»[18, л. 646]. Сочинение-инсценировкардаву суратрал сюжет диалограл формалий ккаккан дурну дик1айссар. Укунсса сочиненияртту чичлачийни, диалог цал дак1них сакин дайссар, яла чичайссар.

Сочиненияртту, чан-чанну т1ий, жура-журасса лахъхын буллалисса давуртту дуллай, чичлан лахъхын дайссар. Сочинение чичин дурч1ин бигъасса сурат язи дугъайссар. Дуклаки оърч1ал га чичин бюхъансса мукъурттил луртан дик1ан айкинссар. Сочинение суратрай ккаккан дурмуния ягу цума-унугу ца суратрайсса геройнал ц1анияту ч1ивисса хаварданул формалий чичайссар.

Лахъхын буллалисса сочиненияртту учительнал кумаграйну ва ганал каялувшиврийну дуллан айкинссар. Щала классрал учительнащал арх1ал план сакин дайссар, яла, га пландалийн бувну, сочинение чичайссар. Дуклаки оърч1ал ишла бан айкинса махъру ва калимартту доскалий чичайссар. Оърч1ал дак1них хавар сакин буллалийни, га учительнал ва оърч1ал бакын, т1айла байссар. Яла гайннал сочинение чичайссар.

Контрольный сочиненияртту дуллалисса ч1умал, учительнал сочинение чичин х1адур хъанахъийни кумаг байссар: ц1усса махъру бувч1ин байссар; суратрайн бувну ихтилат байссар; план сакин дайссар. Сочинение дуклаки оърч1ал цайнура цала чичин айкинссар.

Оърч1ашал грамматикалул заданиялущалсса сочинение дангу буч1иссар. Грамматикалул заданиялущалсса сочинение дуллалийни, дуклаки оърч1ан грамматикалул материал гъалгъалуву ишла дуллан лахъхайссар. Укунса давурттал оърч1ан лич1и-лич1исса грамматикалул конструкциярдащалсса предложенияртту сакин дан ва гай ишла дуллан лахъхын байссар.

Грамматикалул заданиялущалсса сочинениярттал дуклаки оърч1ал гъалгъа магъир баврин кумаг байссар, мазрал пасих1шиврул ярагъ ишла буллан лахъхын байссар. Лахъхын буллалисса сочинениярттаву учительнал ишла дан айкинсса грамматикалул материал ккаккан дайссар.

Суратрайн бувну дуллалисса даву

Суратрайн бувну дуллалисса даву дик1ан бюхъайссар щаллусса дарсирай дан ккаккан дурссагу, масала, суратрайн бувну, сочинение чичин ккаккан дурсса ягу дарсидал ца бут1а харж буллалисса, масала, бувккусса хаварданун хас дурсса суратрайн бувну, ихтилат буллалисса.

Суратрай думур дуклаки оърч1ал лагма-ялттусса затиртташал, оърмулущал, т1абиаътрал тагъарданушал, шинал ч1уннашал дарх1усса духъурча къулайссар. Масала, «К1и» т1исса тема к1инттул лахълахъийни, к1интнил т1абиаътрал сурат ишла дурну хъинссар.

Сурат ишла дан бюхъайссар дарсидал лич1и-лич1исса бут1рай: ц1усса материал дурч1ин дуллалийни, лавхъхъумур жям, ц1акъ буллалийни, оърч1ал к1улшиву ххал дуллалийни ва м.ц. Учительнал дарсидал пландалий ккаккан дурну дик1ан айкинссар: та ишла дан айкинссарив сурат, га ишла даврил мурад, сурат ишла даву цукун дарх1уну дуссарив дарсидал темалущал.

Суратрашалсса давриву лув ккаккан бувсса бут1ри лич1и бан буюхълай бур:

- 1) дуклаки оърч1ал сурат ххал даву («дуккаву»);
- 2) учительнал хъхъич1махъ;
- 3) суратрай ккаккан дурмунил разбор даву;
- 4) махъру кунниц1ун кув бавх1уну мурад бусаву (пландалийн бувну ва план дақъа);
- 5) мукъуртищал ва фразеологизмардашалсса даву;
- 6) дақ1нихсса ва чичрулийнусса творческий давуртту.

Сурат ххал даврил дуклаки оърч1ру даврийн х1адур байссар. Учительнал оърч1ру яла агъанми, ганил идеинийсса содержание ккаккан дуллалисса к1анттурдах къулагъас дан байссар. Байбихъулул классирттал оърч1ан цайнура цала сурат дурч1ин зах1матссар, мунияту учительнал хъхъич1мукъуву суратрал агъанми к1анттурду бувч1ин байссар ва гайннащал арх1ал суратрай ккаккан дурмунил разбор дайссар. Учительнал хъхъич1мукъул дуклаки оърч1ан сурат дурч1авриву, ганищалсса давриву хъуннасса агъамшиву дуссар. Хъхъич1мукъул ягу вводнийсса ихтилатрал мурад оърч1ан суратрал мурад ва ганищалсса даву дан х1адур баву хъанахъиссар. Ва даву дуллалийни, агар суратран ц1а дақъахъурча, дуклаки оърч1ал ганин ц1а дизайссар. Учительнал букъавч1айсса (суратрайсса затирттан ц1арду дуклаки оърч1ан къак1улсса духъурча) махъру бувч1ин байссар. Суаллан жавабру дуллай, суратрал разбор дайссар. Дуклаки оърч1ан бувч1инсса куццуй суратрал мурад, агъанмур пикри аьч байссар. Гай мукунма суратрайнисса цала пикри бусан байссар. Ганийнисса суаллу учительнал хъхъич1ва х1адур бувну бик1ан айкинссар.

Ца-ца ч1умал суратран ц1а оърч1ахъ къабусайссар ва гайннал суратран ц1а дизан айкинссар. Дирзусса ц1ардава яла лайкъмур, суратрайн дақъаймур лич1и дайссар, укунсса давурттал дуклаки оърч1ал логикийсса пикри баву магъир дайссар.

Суратрашалсса даву дуллалийни, щала классрашал арх1ал ва лич1и-лич1ину циняв дуклаки оърч1ащалгу зун айкинссар. Гъарца оърч1ал цала пикри, асар бусайссар. Маз ххуйну к1улсса оърч1ахъхун зах1матми, хъхъарами оърч1ахъхун бигъами суаллу булиссар. Суратрашалсса даву ганил мурад бусаврийну агар га дак1нихсса даву духъурча ягу сочинение чичаврийну къуртал дайссар.

Суратрашалсса даву дуллалийни, дуклаки оърч1ал лавхъхъусса махъру ва грамматикалув материал ишла дан айкинссар, цанчирча суратрашалсса даврил мурад оърч1ал мукъурттил луртан авадан даву, гъалгъа магъир баву хъанахъиссар.

Суратрашалсса даврил махъру кунниц1ун кув бавх1усса, саргъунсса гъалгъа ва мукунма к1ия инсаннал буллалисса, диалограл формалийсса гъалгъа магъир байссар. Учительнал буллусса суаллан жавабру дулаву дакъассагу, дуклаки оърч1ру цивппа суаллугу буллай, гайннун жавабру дуллали бан буч1иссар. Оърч1ру суратрай ккаккан дурмунил инсценировка дуллали бангу буч1иссар, укунсса даврилгу гайннал гъалгъа магъир баврин хъунмасса хайр буссар. Ва даву дуллалийни, дуклаки оърч1айх рольллу дач1айссар, гайннал гъалгъа х1адур байссар, яла щала классрал хъхъич1 инсценировка ккаккан дайссар.

Суратру текстру ккалаккийни, грамматикалув материал дурч1ин дуллалийни ва чичрулув давуртту дуллалийни ишла дайссар.

Ккалаккисса текстрал мурад ккаккан буллалисса суратрашалсса даврия хъунмасса мюннат буссар ва даву оърч1ан х1азгу дизайссар. Сурат текст дуккин хъхъич1, ккалаккисса ч1умал (ц1усса махъру ва калимарту ххуйну дурч1ин дан) ва текст дурккуну махъ ишла дан буч1иссар.

Текст дуккин хъхъич1 сурат ишла дуллалисса ч1умал, учительнал оърч1ру текст лаласаврийн, дурч1аврийн х1адур байссар ва ганил тема бигъану айч дайссар. Суратрайн бувну, ц1усса, букъавч1айсса махъру бувч1ин бан ва текстрал тема айч дан бигъассар. Ганил кумаграйну текстрал материал дак1них ишла дуллан лахъхъин дан, яъни текст дуккаврийн х1адур

бан бюхъайссар. Суратращалсса даврил оърч1ал махъру кунниц1ун кув бавх1усса гъалгъа магъир баврин хъуннасса агъамшиву дуссар ва ганил гъалгъа магъир бавтиву хъунисса каширду дуссар.

Текстрал мурад бусласийни, дуклаки оърч1ал авторнал махъру ишла байссар. Суратращалсса даврил т1урча оърч1 хавар сакин буллали айссар, гиву цала пикри бусласи айссар. Укунсса даврил оърч1ан цала пикри т1айлану, куннил хъирив кув бусан лахъхын байссар.

Байбихъулул классирттаву ккалаккисса текстрал мурадрайн бувсса суратру ишла даврил хъунмасса мюнпат буссар. Цил багъайкун суратру ишла дулларча, дуклаки оърч1ал мукъурттил луртан авадан дайссар, лархъхъусса грамматикалул материал цала гъалгъалуву ишла дуллан лахъхъайссар, ч1урду т1айлану зумух ласун ва махъру чичин лахъхъайссар. Вай гъарзат лахъхъиншиврул, лич1и-лич1исса иширайнусса суратирттащалсса давуртту дуллан айкинссар. Гай давурттаву, гъалгъалул бут1ри лахълахъийни дуллалисса мукъурттищалсса давугу, лич1и-лич1исса журалул предложенияртту сакин дуллалисса давугу, махъру кунниц1ун кув бавх1усса гъалгъа бан лахъхъин давугу арх1ал дуллан айкинссар.

Суратрайн бувну, лич1и-лич1исса грамматикийсса давуртту дайссар: орфоэпикйсса давуртту (учительнал хъирив зумух ласлай, махъру т1айлану учин лахъхъаву; калимартту, бавх1умахъру ва предложенияртту т1айлану зумух ласун лахъхъаву; т1айласса интонация лахъхъаву); орфографиялущал дарх1усса давуртту (къариртсса x1арпру дирхъуну, чичлачисса давуртту, предложенияртту куннил хъирив кув т1айлану чирчууну, текст сакин дуллалисса давуртту; слуховой, зрительный, объяснительный (бувч1ин буллалисса) диктантру; мукъурттищал ва фразеологизмардащалсса давуртту (каккан бувсса гъалгъалул бут1ри ишла бувну, суаллан жавабру дулаву; лахълахъисса грамматикийсса конструкциярду, учалартту, калимартту ва м.ц. ишла дурну, суратрайн бувну ихтилат баву ва гания бусаву; опорныйсса (кумаграл) махъру, калимартту ва суратру ишла дурну, диалогру, махъру

кунниңүн кув бавхүсса калимартту, хаварду сакин баву; махъру тайланнасса ва дахханасса мяъналий ишла баву, синонимру, антонимру, омонимру ишла баву ва м.ц).

Суратрайн бувну, грамматика лахъхаврил методика ккаккан дан бигъану дикланшиврүл гъануну ласунну традиционныйсса гъалгъя магъир баврил классификация: мукъуртищалсса даву, бавхүумукъуртищалсса даву, предложенияртташалсса даву ва махъру кунниңүн кув бавхүсса гъалгъалушалсса даву.

Грамматикалүл мурадирттах бурувгун, мукъуртищалсса давриву лув ккаккан дурсса давурттал система личи дан бюхъайссар:

существительнирду ишла буллай, суратрай ккаккан дурсса затирттан царду учин (чиchin);

прилагательнирду ишла буллай, суратрай ккаккан дурсса затирттал лишаннал царду учин;

глаголлу ишла буллай, затирттал х1ал ва даву ккаккан дуллалисса махъру учин;

существительнирду ишла буллай, суратрайсса инсантурал яннарду ккаккан дуллалисса махъру учин (чиchin);

существительнирду ишла буллай, мурхырдан царду учин ва ц.

Вай давурту ч1ун, айдад ва ц. даххана дуллай, дан бюхъайссар, масала, суратрай ккаккан дурсса затру ца айдадрай ва ч1яру айдадрай учин (чиchin); ларгсса ч1умул глаголлу ишла буллай, суратрай ккаккан дурсса затирттал х1ал ва даву ккаккан дан.

Мукъуртищалсса даврийн личи-личисса лексикалущал дархүсса давурту дагъайссар: синонимру, антонимру буцеву, мукъул мяъналул жура к1ул даву (тайланнасса ва дахханасса мяъна), мяънардал ккал к1ул даву (ца мяъна дусса ва ч1яру мяънарду дусса) ва м.ц.

Бавхүумукъуртищалсса даву дуллалийни, личи-личисса гъалгъалул бутрайн багъайсса махъру куннищал кув тайлану бах1ин лахъхайссар.

Мукъурттищалсса ва бавх1умукъурттищалсса даву, чан-чанну т1ий, предложениялущалсса даврийн к1ура даяссар. Суратрай ккаккан дурсса затирттал ц1арду, гайннул лишаннал ц1арду увкуну махъ, гайннущал предложенияртту сакин дайссар. Дуклаки оърч1ан предложенияртту сакин дан лахъхин дуллалийни, лакку мазравусса предложениярттал лялич1ишиврух, гайннул жуардах къулагъас дан аркинссар. Оърч1ру лакку мазраву подлежащее ккаккан байсса падежирттах: гъаншиврул, дулаврил, шаврил, цач1ушиврул къулагъас дан бан аркинссар, оърус мазраву ва лакку мазравусса предложениярттал лялич1ишиву дурч1ин дайссар.

Суратрайн бувну, лич1и-лич1исса журагул предложенийяртту сакин дан бюхъайссар: бусай, ц1уххай, оъвчай предложенияртту; простойсса ва сложныйсса; ца журагул члентру бусса ва м.ц.

Суратрайн бувну, дуллалисса предложениялущалсса давурттаву укунсса жуардугу ккаккан дан буч1иссар:

1.суратирттайн ца мукъуя сакин хъусса, ганил ц1а, лишан, хасият, даву ккаккан дуллалисса ц1арду дизан. Суратран ц1а бавх1умукъуйну ягу предложениялийну ккаккан дурнугу дик1ан бюхъайссар. Сюжет дусса суратирттан ц1арду оъвчай ягу ц1уххай предложениярттайнугу ккаккан дурну дик1ан бюхъайссар.

2.Предложенийяртту диял даву, щаллу даву. Предложенийяртту суаллал кумаграйну ягу суаллу бакъа диял дайссар.

Дурк1унни (цукунсса?) к1и. Оърч1ру (цукунсса?) яннарду ларххуну бур. ва ц.

Учительнал буллусса суаллан жавабру дуллай, гайннужа хавар сакин байссар. Суаллу доскалий чивчуны хъинссар, гай хавар сакин бансса план хъанахъиссар. Гайннул кумаграйну хавар сакин бан бигъассар.

Суратрайн бувну, хаварду лич1и-лич1исса грамматикалул заданиялущалгу сакин буллали байссар, масала, ц1анасса ч1умул глаголлу

ишла буллай, хавар сакин бан; суратрайн бувну, дуркүсса текстрал мурад бусан ва м.ц.

Суратру чичрүлүл давуртту дангу ишла дайссар.

Суратрайн бувну, лич1и-лич1исса диктанtru дан бюхъайссар. Масала, мукъурттил диктанtru дан хъунт1исса лич1и-лич1исса жуардай:

а) дуклаки оырч1ал цайнура цала, ссиx1 къадурккуну, суратрай ккаккан дурсса затирттал ц1арду чичайссар;

б) учительнал ккаккан дурсса суратирттайсса затирттан ц1арду чичайссар. Ва даву цайми жуардайгу дан буч1исса, масала, дуклаки оырч1ал ккаккан дурсса затирттал ц1ардащал предложенияртту сакин дайссар.

Суратрайн бувну, грамматикалул заданиялущалсса выборочный самодиктанtrугу дан буч1исса: масала, так ч1яру айдадрал существительнирду чичин. Гайннуйн бувну, лич1и-лич1исса творческий давуртту дуллан бюхъайссар, масала, суратрайн бувну, хавар сакин бан. Га хавар, прилагательнирду ишла бувну, чичин. Оырч1ру прилагательнирдал гъалгъа авадан, магъир байшиврух къулагъас дан бан айкинссар.

Суратрайн бувну, суаллан жавабру дулаву.

Учительнал доскалий суаллу чичайссар, оырч1ал, суратрах буруглай, гайннун жавабру дуайссар.

Сочинение дуклаки оырч1ал цайнура цала чичин айкинссар.

2.4.«Лакку мазрал» дарсирдал маxъ дуллан ккаккан дурсса даву

Федерал паччаx1лугърал к1улшиву дулаврил стандартирттай ккаккан дурну дур байбихъулул классирттаву дарсирдал маxъ дуллансса дуклаки оырч1ру итххяххан баву мурадрай дан ккаккан дурсса давурттал жуардуду. Шикку ккаккан дурну дур ххюра оырч1ру итххяххан баврил журал давурттал: адаб-инсапрал ялувсса, жяматийсса, аймну дуклаки оырч1ру итххяххан буллалаврил ялувсса, аймну дуклаки оырч1ру маданиятрап чулуха итххяххан буллалаврил ялувсса, ц1уллу-сагъшиврущал ва спортращал дарх1усса давуртту. Дарсирдал маxъ дуллан ккаккан дурсса даврин ккаккан дурсса

ссятру нюжмардийсса дарсирдал нагрузкалувун къадуххайссар. Вай давурттан аьмну байбихъулул школалийсса мукърагу шинай 1350 ссят ккаккан дурну дур.

Дуккаврил идарапттал даражалух бурувгун, дарсирдаяр махъ дуллалисса даву дайссар актовый залдануву, библиотекалуву ва м.ц. идарапттай. Ва даву дан буч1иссар экспурсиялул, кружокрал, конференциярттал, олимпиадарттал ва м.ц. жуардай.

Школалул мурад хъанахъиссар дарсирдал махъ дуллалисса давурттал кумаграйну байбихъулул классирттал дуклаки оърч1ан дуккаврил шарт1ру дузал даву, дуккавриву хъхьич1уннайшивуртту ласунсса шарт1ру дузал даву. Ва даврил мукунма кумаг байссар дуклаки оърч1ан школалийсса дуккаврийн аьдат хъуншиврулсса шарт1ру дузал дан, гай итххяххан бансса, гайннал аькълу-к1улши ларай дансса, дуклаки оърч1ал гъирарах бурувгун, к1улшиву ласунсса циняв шарт1ру дузал дан.

Дарсирдал махъ дуллалисса даврил мурад махъун багълагысса ягу ххуйну дуклакисса оърч1ашал зузаву къахъанахъиссар. Га школалул к1улшиву дулаврил программалул ца бут1а хъанахъиссар.

Занятиярттал журалух дуклаки оърч1ал оърмулух ва даврил журалух бурувгун, язи дугъайссар. Шамилчинмур классраву дуклакисса оърч1ансса дарс ягу мероприятие 50 минутраяр хъуннасса ч1умуйсса къадик1ан аьркинссар.

Дарсирдал махъ дуллалисса даврин шамилчинмур классраву нюжмардий 5-10 дияннинсса ссятру ккаккан дурну дур.

Учительнаща дарсирдал махъ дуллан бюхъант1иссар журалух давуртту:

- 1) лакку мазрал кружок;
- 2) факультатив;

- 3) лич1и-лич1исса кынирдан хас дурсса утренникру: «Ниттихъал байран», «Ххувшаврил кыни»; лич1и-лич1исса темардайнисса утренникру: «Маз - му миллатрал ххазинар», «Лакку к1ану» ва ц.;
- 4) конкурсру, олимпиадартту, выставкартту;
- 5) ч1ирал кказит итабакъаву. Ч1ирал кказитру, лич1и-лич1исса темардайн бувну, итабакъин буч1иссар: «Лахъхи вила ниттил маз», «Т1абиасть ххирланан», «Агъ, ттул буттал к1ануй, Лакку билаят», «Жул шяраваллил лагмасса к1анттурдан ц1арду» ва м. ц.

Лув ккаккан данну цаппара темарду учительнал дарсирдал махъ дуллалисса давриву ишла дан бюхъайсса. Вай дақъассагу учительнаща бюхъант1иссар журга - журасса темарду ларсуну, гай ххал дигъин.

1. «Интту ардай т1ут1аяр, т1ут1айх бичу, ниттил маз!

Зунттай зяй щаращаяр, зяй-зяй т1ут1у, ниттил маз!» (А.Гъапуров)

2. «Агъ, ниттил маз, вил ц1анил марц1шиву, гъелишиву...»
(Х1.Муркъилинский)
3. «Маз – му миллатрал ххазинар»
4. Лакрал учалартту ва лувлякъурду.
5. Лакку мазравусса синонимру ва гай гъалгъалуву ишла баву.
6. Лакку мазравусса антонимру.
7. Бух хъусса мукъурттих лугланну.
8. Жула к1анттурдал ц1арду к1ул данну.
9. Жуч1ара ххяххайсса ххяххиярттан ц1арду к1ул данну.
- 10. Магъраву лабивк1исса прилагательнирду лякъинну.**

2.5.Мисалдарансса дарсирдал планну

Дарсирал тема: ПРЕДЛОЖЕНИЯЛУЛ ЦАЛЧИНМУР ДАРАЖАЛУЛ ЧЛЕНТРУ (*подлежащее ва сказуемое*)

Дарсирал мурад: дуклаки оърч1ан, ялавайми классиртаву лавхъхъумунийн чул бившуну, предложениялул цалчинмур даражалул члентиртаясса к1улшиву дулаву; предложениялуву цалчинмур даражалул ва к1илчинмур даражалул члентру лич1и буллан лахъхъин бан; предложениялуву сказуемое ва подлежащее лич1и буллан бюхъян; предложениялувусса мукъуртил куннил куннищалсса баҳ1аву ккаккан дуллан бюхъян.

Дарсиран аyrкинмур: учебник, таблицарду

Дарсирал журат: Ц1усса материал лахъхъин дуллалисса дарс

Дарс нанаву

1.Дуклаки оърч1ру дарсирайн х1адур баву.

2. Дуклаки оърч1ру ц1усса материал лахъхъаврийн х1адур баву.

67 даву. Дуккияра.

Гъай тIий ур (ци?) тракторист.

Тракторист (ци дуллай ур?) гъай тIий ур.

Дуклай бур (ца?) оърчиру.

Оърчиру (ци дуллай бур?) дуклай бур.

Ххявххун най бур (...)

Чу (...).

Чичара. Цу? ца? тIусса суаллахъхъун жаваб дулайми мукъуртил лултту – ца аыш, ци дуллай ур? ци дуллай бур? тIусса суаллахъхъун жаваб дулайми мукъуртил лултту кIи-кIира аыш дуккияра.

Цалчинмур предложениялуву иция гъалгъа тIий бур? КIилчинмур предложениялуву ссая гъалгъа тIий бур? Шамилчинмур предложениялуву ссая гъалгъа тIий бур?

Тракторист (ци?) – подлежащее, гъай тIий ур (ци дуллай ур?) – сказуемое.

Оърчиру (ца?) – подлежащее, дуклай бур (ци дуллай бур?) – сказуемое.

Чу (ци?) – подлежащее, ххявххун най бур (ци дуллай бур?) – сказуемое.

3.Учебникращалсса даву

Учебникрая правило дуккаву ва ганил ялув гъалгъа баву.

61 даву. *Дуккияра текст. Гиву цими предложение дур?*

Текст чичара. Гъарца предложениялул ахирданий кIунтI бишара. Цалчинмур даражсалул члентрап луртту аышру дуккияра – подлежащилул луртту ца аыш, сказуемилул луртту кIира аыш.

62 даву. *Дуккияра. Бусияра, шикку цими предложение дуссарив. Чичара. Багъайни кIунтI бишара.*

Цалчинмур даражсалул члентрап луртту аыш дуккияра.

67 даву. *Чичара. Гъарца предложениялуву ссая гъалгъа тIий буссарив бусласисса махъру лякъияра.*

68 даву. *Буккияра. Чичара. Скобкарттаву подлежащилул хъхъичI ىу? ягу ци? тIисса суаллу бишара.*

Текст зула мукъурттийну бусан шайрив ххал дара. Текстрен ىIа дулара.

4.Физкультминутка

Интту ардай т1ут1аяр,
Т1ут1айх бичу, ниттил маз,
Зунттай зяй щаращаляр,
Зяй-зяй т1ут1у, ниттил маз!

5.Рефлексия

- 1.Дарсирай лавхъхъумунил жямру даву:
 - Цуманал бусанну х1акыну жува ци лавхъхъуссарив?
 - Х1акыну жува лахъхъарду предложениялуву цалчинмур даражалул члентру: подлежащее ва сказуемое лич1и буллан.
2. – Дарсирай зура дурсса даврин кымат бишара.

6.Дарсиral жямру даву.

Шардайсса даву:69, 62(4) даву. Шардайнсса даву дурч1ин даву.

**Дарсиral тема: «Предложение» т1исса разделдануя лавхъхъумур жям
баву**

Дарсиral мурad: «Предложение» т1исса разделдануя лавхъхъумур тикрал ва жям баву.

Дарсиран аьркинмур: учебник, таблицарду

Дарсиral журa: Лавхъхъумур тикрал ва жям буллалисса дарс

Дарс нанаву

- 1.Дуклаки оьрч1ру дарсирайн х1адур баву.**
- 2. Дуклаки оьрч1ру ц1усса материал лахъхъаврийн х1адур баву.**
- 3. «Инава лавхъхъумур ххал ба!» т1исса рубрикалийн бувну, лавхъхъумур жям баву (Даву95.)**

4.Физкультминутка

Интту ардай т1ут1аяр,
Т1ут1айх бичу, ниттил маз,
Зунттай зяй щаращаир,
Зяй-зяй т1ут1у, ниттил маз!

5.«Мусил ссут» т1исса темалийн бувну, сочинение чичара

- 1)дуклаки оьрч1ашал арх1ал сочинениялул план даву;
- 2) дуклаки оьрч1ру сочинение чичлан х1адур баву.

6.Рефлексия

- 1.Дарсирай лавхъхъумунил жямру даву:
2. – Дарсирай зура дурсса даврин кымат бишара.

7.Дарсиral жямру даву.

Шардайсса даву: сочинение къуртал дан.

Дарсиral тема: Мархxa. Гъансса маxъру

Дарсиral мурad: дуклаки оьрч1ан мукъул бут1раясса к1улшиву дулаву, мукъурттиву мархири лич1и буллан, ца мархлуя хъусса маxъру ляхълан, гъансса мяньнарду дусса маxъру дакIнихсса ва чичрулийнусса гъалгъалуву кIул буллан, дуклаки оьрч1ал гъалгъа магъир баву.

Дарсиран аъркинмур: учебник, таблицарду

Дарсиral жура: Ц1усса материал лахъхыин дуллалисса дарс

Дарс нанаву

1.Дуклаки оърч1ру дарсирайн х1адур баву.

2. Дуклаки оърч1ру ц1усса материал лахъхъаврийн х1адур баву.

– **Даву 96.**Гай махъру буқкияра ва гиву аъмсса (цакуцсса) бутла лякъияра.

Ав-авчи, бакI-бакIчи, ахъ-ахъулсса, дукан-дукия, хъхъу-хъхъувайсса.

– *Мукъурттившусса аъмсса бутла му цир? Цава-ца мархха бусса махъру ми цукцинсса махърур?*

– *Х1акъинусса дарсиral тема ци дур?*

– Х1акъинусса жула дарсиral тема «Мархха. Гъансса махъру» т1исса дур..

3 Учебникращалсса даву.

Даву 98. Буқкияра.

Лекъан – лекъру, аърава – аъравачи, ссят – ссяткар, гуж – гужну, ц1акъсса – ц1акъну.

•*Махъру тетрадирттай чичара.*

•*Мукъурттил аъмсса бутла гукунсса (∩) лишан дирхъуну, личли бара.*

Даву 99. Буқкияра.

къур, къурайзу, къаралчи, къурувсса;

гъан, гъанавруту, гъантта, гъанавсса;

лахъсса, лахъру, лахъаву, лахъазан;

чани, чаннану, чансса, чаннасса;

щинтасса, щинатIали, щинав, щирипIай.

•Ца мархлую хъусса махъру чичара, мархха личIи бара.

•Ца мархлую хъусса махъру ссайн учайссар? Зула мисаллу буцара (дакIих).

4.Физкультминутка

Интту ардай т1ут1аяр,
Т1ут1айх бичу, ниттил маз,
Зунттай зяй щаращаир,
Зяй-зяй т1ут1у, ниттил маз!

5.Учебникрая правилартту дуккаву ва гайннул ялув гъалгъа баву.

Даву97. Буккияра.

ШанчIапIул мархха, ккарччул мархха, чIараарал мархха, мукъул мархха.

•Зул пикрилий, гай бавхIумукъурттил аымсса ци дур?

•Гай калимартал мяньна дурчIин дара дакIих.

Мархлуюссар ккиж дикIайсса. Мархха ччуччача цал!

100. Буккияра.

Урттил (аьнакIи), уртту, урттул къар, ххялчIи, ххяли, ххюл, щюллисса, щюллишиву, оьрчIний, оьрчI, оьрчIсса.

•Ца мархлую хъусса махъру ца ххуттай куннил хъирив кув чичара. Мархха личIи бара.

101. Буккияра.

ЗахIмат, захIматчи, захIматкаш, захIматсса; ттуп, ттупчи, ттупанг, ттупанча.

•К1ай махъру цукун хъуссарив бувчIин бара дакIих.

•Ктай мукъурттиву аымса бутIри личIи бара

5.Рефлексия

1.Дарсирай лавхъхьумунил жямру даву:

- Цуманал бусанну х1акыну жува ци лавхъхъуссарив?

– Х1акыну жува лахъхъарду мукъурттиву мархри лич1и буллан, ца мархлую хъусса махъру ляхълан, гъансса мяньнарду дусса махъру дакIихсса ва чичрулийнусса гъалгъалуву кIул буллан.

2. – Дарсирай зура дурсса даврин кымат бишара.

6.Дарсирай жямру даву.

Шардайссадаву: **102.** Шардайнссадавудурч1ин даву.

Суффикс

Дарсирай мурад: дуклаки оърч1ан суффиксиртаяssa к1улшиву дулаву, гъалгъа магъир баву

Дарсиран аркинмур: учебник, таблицарду

Дарсирай журал: Ц1усса материал лахъхыин дуллалисса дарс

Дарс нанаву

1.Дуклаки оърч1ру дарсирайн х1адур баву.

2. Дуклаки оърч1ру ц1усса материал лахъхъаврийн х1адур баву.

109. Дуккияра.

Авчи

Жул чIаххурай MaxIаммад тIисса авчи уссар. Га чIявуну авли уклан лагай. Цал га цала гъалмахтуращал зунттавун ав бутан лавгун ур.

Зунттаву чIявусса аврду бикIайссар. Тамансса аврдугу бивчуну, гай шаппай зана хъуну бур. Гайннавух MaxIаммадлулгу цанмасса ав бувтун бивкIун бур. Ганан авли ккачки ххирап. Ккачки бакъа авлигу къалагай.

- Текстраву ссая гъалгъа тIий бур? Текстрапл тема ва жура кIул дара.
- Текстрава **ав** тIисса мархха бусса махъру личIи бувну, чичара. Гайннул мархха ва дайлитIу ккаккан дара.
- Гай мукъурттиву мархлул ва дайлитIулул дянивмур бутIа га (ʌ) лишан дирхъуну, личIи бара. Хлакынусса дарсирал тема ци дур?

3. Учебникращалсса даву.

110. Дуккияра.

Чивима уссу Жамал
 Ур хъярчъчи, махсарачи,
 Цала классравусса
 Яла хъинма балайчи.

С. Увайсов

- Назмулува суффиксиртал кумаграйну сакин хъусса махъру личIи бара.
- чи суффиксрал кумаграйну цукунсса существительнироду сакин шайссар?
- Назму пасихIну дуккияра.

4. Учебникрая правило дуккаву ва ганил ялув гъалгъа баву

Мукъул мархлул хъиривсса бутIуйн суффикс учайссар.
Суффиксрал кумаграйну цIусса махъру ва мукъурттил формарду сакин дайссар: аьрава – аьрава-чи, аьрава-чи-на-л, кумаг –кумаг-чи, кумаг-чи-на-л, чичин – чич-у.

5. Учебникращалсса даву ва лавхъхъумур жям баву

111. Буккияра.

- Ав, инсан, чичин, ссяткар, цлакъ, гуж, багъ, къуллугъ, балай, дачIу, дус.
- Гай мукъурттия **-чи, -шиву, -у** суффиксиртащалсса махъру дузал бара. Суффиксрал ялув ва лишан (ʌ) дишара.

112. Буккияра.

Къуллугъчи, арду, зунтурду, лехху, ссяткар, чичулт, авчи, хIухIала, къавтIала, айтIала, зузала, канакала.

•Гай махъру, таблица дурну, гиву чичара.

махъ	гъану	мархха	махъру сакин бай суффикс	мукъурттил формарду сакин дай суффикс	дайлитIу
------	-------	--------	--------------------------------	--	----------

113. Предложениярту сакин дара.

1. Ссят дакъин дайссар ссяткарнал.
2. Къурув къаралданий ур ...
3. Багърах ургайссар ...
4. ДачIу рищайссар ...
5. Балай учайссар ...
6. КIункIурдуйх къалай дуккайссар ...
7. Хъув зий уссар ...

Ишла банssa махъру: багъманчи, къурайзу, дачIучи, балайчи, ссяткар, хъузала, къалайчи.

•Суффиксру личIи бара.

114. Дуккияра.

1. **Къаралчи** багърал къаралданий ия.
2. Аъли хъинssa **дачIучи** ур.
3. Жул отрядрал **бакIчи** Набири.
4. **Аъравачи** къурув лавгунни.

•ЛичIи бувсса махъру цукунсса суффиксрал кумаграйну сакин хъуну бурив бусияра. Ялув лишан (ʌ) дишара.

115. Буккияра.

Къуллугъчи, цАкьшиву, ахъулсса, кумагчи, гужсса, цАкъсса, къуллугърай, кумагран, ахъуву, гужну, кумагчишиву, цАкъну, къуллугъчишиву, гужлансса, ахънилсри.

•Гай мукъурттил мархри лякъияра.

•Ца мархлуя хъусса махъру личIину чичара. Мархха личIи бара.

Дансса куц: къуллугъчи, къуллугърай, къуллугъчишиву.

4.Физкультминутка

Интту ардай т1ут1аяр,
Т1ут1айх бичу, ниттил маз,
Зунттай зяй щаращаир,
Зяй-зяй т1ут1у, ниттил маз!

5.Рефлексия

- 1.Дарсирай лавхъхъумунил жямру даву:
 - Цуманал бусанну х1акыну жува ци лавхъхъуссарив?
 - Х1акыну жува лахъхъарду мукъурттиву суффиксру лич1и буллан ва гайннул жуарарду.

2. – Дарсирай зура дурсса даврин кымат бишара.

6.Дарсидал жямру даву.

Шардайсса даву:116. Шардайнсса даву дурч1ин даву.

Дарсидал тема: Существительное

Дарсидал мурад: дуклаки оърч1ан, ялавайми классирттаву лавхъхъумунийн чул бившуну, существительнираясса ва гайннул

журардаясса күлшиву дулаву, гай дақ1нихсса ва чичруурийнусса гъалгъалуву ишла буллан лахъхын баву.

Дарсиран аъркинмур: учебник, таблицарду

Дарсирал жура: Лавхъхъумур жям буллаисса дарс

Дарс нанаву

1.Дүклаки оырч1ру дарсирайн х1адур баву.

2. Дуклаки оьрч1ру ц1усса материал лахъхъаврийн х1адур баву.

141 даву. Дуккияра текст.

Текстраву ссая гъалгъа тIий бур? Текстран цIа дизара. Текст дуккияра существительнирду бакъа. Существительнирду бакъа текст дурчIинссарив? Текстрава существительнирду чичара.

3. Учебник рашалсса даву

142 даву. Учала буккияра, ганил мяъна бусияра.

Гъинттул ня щаращи къадарча, къинттул къункъур щаран къабикъайссар.

Учала дақІних чичара. Существительни дірдал луртты аыш дүккіяра.

143 даву. Мукъурттил гъарца группалувун кIи-кIива махъ ххибара.

145 даву. Существительнирду гүкүнсса низамрай чичара:

Инсантал: ...

ххххиярту: ...

Хайвант: ...

къай-къуй: ...

146 даву. Буккияра. Цу? ва ци? тIucca сувлахъун жаваб дулайсса маxъру
личIи бувну, чичара.

147 даву. Алфавиттал низамрай – цал вахиисса хәйвантран, яла ичаллил хәйвантран шарду чичара. Махъру луттирдая ласияра.

Дансса күң:

Вахшисса хайвант: аслан, барц...

Ичаллил хайвант: ниц...

148 даву. Махъру, ккаккан бүвсса куңгүй бавчIуну, чичара.

Д ансса куң:

Къатлул къай: ...

Тахини-кличу: ...

Янна: ... '

4.Лавхъхумур жям баву: учебникрая правило дуккаву ва ганил ялув гъалгъа баву.

149 даву. Бургияра суратрах. Цал – цу? тIесса суалданун жаваб дурайми, яла – ци? тIесса суалданун жаваб дурайми затирттан цIарду учара.

Хъун бакъасса хавар чичара.

150 даву. Буккияра. Ца ххуттай цу? тIесса суалданухъун жаваб дурайсса, гамур ххуттай ци? тIесса суалданухъун жаваб дурайсса махъру чичара.

4.Физкультминутка

Пиягьру – ц1ияллай,

Пиягьру – ххаллай,

Чабувкра, чабувкра,

Арцул марххалай!

Лехлай бур пиягьру –

К1яласса найрду,

Зев-зев бакъасса бур

Вайннул балайрду.

6.Рефлексия

1.Дарсирай лавхъхьумунил жямру даву:

- Цуманал бусанну х1акыну жува ци лавхъхъуссарив?
- Х1акыну жува тикрал ва жям барду существительнирдал ци ккаккан дуллай буссарив, ганил суаллу; дак1нихсса ва чичрулийнусса гъалгъалуву существительнирду ишла буллан.

2. – Дарсирай зура дурсса даврин кымат бишара.

7.Дарсиран жямру даву.

Шардайнсса даву: 153 даву

Дарсиран тема: « Ссүттилсса вац1а» (суратрайн бувну, сочинение чичаву).

Дарсиран мурад: дуклаки оърч1ал дак1нихсса ва чичрулийнусса гъалгъа магъир даву, суратрал тема айч дан лахъхъин даву.

Дарсиран аркинмур: «Ссүттилсса вац1а» т1исса темалийн дагъайсса сурат.

Дарсиран журал: Дуклаки оърч1ал дак1нихсса ва чичрулийнусса гъалгъа магъир буллалисса дарс.

Дарс нанаву

1.Дуклаки оърч1ру дарсирайн х1адур даву.

2. Дуклаки оърч1ру ц1усса материал лахъхъаврийн х1адур даву:

1)Дарсиран темалущал, мурадращал дуклаки оърч1ру к1ул даву.

2)Суратращал к1ул даву.

Учитель: Бургияра суратрах. Ци ч1алай дур зун суратрай? Суратран ци ц1а дизан хъунссар?

3.Сочинение чичин х1адур даву:

а) сочинениялуву ишла бансса махъру тикрал баву: вац1а, жанаварт, мурхъру, хъахъи лаглан, к1интнийн х1адур хъун, цуша, ццацк1улу, бюрхтукку, барц1, цулч1а, бюрх ва м.ц.

б) сочинениялул сакиншиннарал ялув пикри баву:

- 1) сочинениялул дайдихъу;
- 2) гъанумур пикри;
- 3) къуртал даву (хъиривмахъ).

4. Сочинениялул план даву.

- 1) Ци дахханашивуртту хъанай дур ссугтил т1абиальтраву?
- 2) Цукун х1адур хъанай бур жанаварт к1интнийн?
- 3) Ци дахханашивуртту хъанай дур гъавалул тагъардануву ссугтил?
- 4) Ци дахханашивуртту хъанай дур ссугтил вац1луву?

5. Сочинение чичаву.

6. Шардайнсса даву: «Ссут» т1исса темалийн багъайсса хавар сакин бан.

Дарсирал тема: Т1ут1ул дус ччиту (текстращалсса даву).

Дарсирал мурад: дуклаки оърч1ал гъалгъа магъир баву, буккаврил бюхъурду магъир баву.

Тарбиялул мурад: дуклаки оърч1ан т1абиальт дуруччаврил агъамшиву бувч1ин бан.

Дарсиран аркинмур: учебник, суратру.

Дарсирал журал: Гъалгъа магъир буллаисса дарс

Дарс нанаву

1. Дуклаки оърч1ру дарсирайн х1адур баву.

2. Дуклаки оърч1ру ц1усса материал лахъхъаврийн х1адур баву:

- 1) Дуклаки оърч1ал гъавалул тагъардания бусаву.
- 2) Текст дуккаврийн х1адур баву:

а) мукъуртищалсса даву:

3. Текстращалсса даву.

а) текст учительнал дуккаву;

б) суаллу ва давуртту.

1. Текстраву ссая гъалгъа т1ий бур?
2. Ччиту ци дуллай бур?
3. Циван ливхъун лавгун бур ччиту шяраваллил чулийнмай?
4. Оърч1ан цукунсса мак1 ккарккун дур?
5. Буккияра шанч1ап1ул т1ут1ул оърч1ахь миннат буллалисса махъру.
6. Цукун хъанай бур ччиту т1ут1ул дус?
7. Циван ппай увкуну бур т1ут1ул оърч1ая?
8. Циван дуруччин аъркинссар т1абиаыт?
9. Бусияра, зура цукунсса давуртту дайссарив т1абиаыт дуруччиншиврул?

в) лув ккаккан дурсса предложенияртту къуртал дувара.

Баргъ, цила чаннасса къяртри

.Х1аллих шаттирдугу ласлай, ...

.Ца валттулу щябивк1ун,...

.Ганил къац1лихъ...

.Мукун цинма ав...

.Оърч1ал бивщусса чару щуну, ...

.Га лах1лай, къус дик1лай,..

.Ина ттул дус - къаралчи ччитуйх...

.Му т1абиаытраву хъуна дакълакъисса...

4. Текст дурккуну махъсса, текстрашал дарх1усса даву.

- а) текст бут1райх дач1ин;
- б) бут1ран ц1арду дизан;
- в) текстрал гъанумур мурад ци бур?
- г) текстрал тема;
- д) текстран ц1а дизайншиврул ци дан аъркинссар? (Текст, къулагъас дурну, дуккин ва гиву ссая гъалгъа т1ий буссарив бусан).

5. Физкультминутка

Инту ардай т1ут1аяр,

Т1ут1айх бичу, ниттил маз,
Зунттай зяй щаращаар,
Зяй-зяй т1ут1у, ниттил маз!

6.Рефлексия

- 1.Дарсирай лавхъхьумунил жямру даву:
. – Дарсирай зура дурсса даврин къимат бишара.

7.Дарсидал жямру даву.

Шардайсса даву: 1) текстрал кут1асса мурад чичин.

Дарсидал тема: Прилагательное

Дарсидал мурад: Дуклаки оърч1ан прилагательнирая к1илчинмур классраву лавхъхьумур жям ва курт1 даву: мяъна, прилагательниран бишайсса суаллу; прилагательнирал существительниращалсса даҳ1аву. Прилагательнирду дақ1нихсса ва чичрулийнусса гъалгъалуву ишла даву магъир даву.

Дарсиран аъркинмур: учебник, таблица.

Дарсидал журо: Лавхъхьумур жям ва курт1 буллаисса дарс.

Дарс нанаву

- 1.Дуклаки оърч1ру дарсирайн х1адур даву.
2. Дуклаки оърч1ру ц1усса материал лахъхъаврийн х1адур даву.

191 даву. Буккияра.

Дяркъусса к1и дурк1унни.

Шяраваллил лагма бюхттулсса зунттурду бур.

Аслич1а ят1улсса ва хъахъисса т1ут1ал кац1 бур.

Цукунсса к1и дурк1ун дур? – Дяркъусса. Цукунсса зунттурду бур шяраваллил лагма? – Бюхттулсса. Цукунсса т1ут1ал кац1 бур Аслич1а? – Ят1улсса ва хъахъисса.

Ци ккаккан дуллай бур дяркъусса, бюхттулсса, ятIулсса, хъахъисса тIисса мукъурттил?

Миннул ккаккан дуллай бур затрал лишан, га цукунсса дуссарив, ганил цукунсса ранг, сипат дуссарив.

Существительнирдая прилагательнирдайн аыш дурккун, ккаккан бара существительнирдал ва прилагательнирдал дянивсса дахIаву.

Гъалгъалуву прилагательнирду ци мурадрай ишила байссар?

3. Учебникрашалсса даву.

192 даву. Дуккияра текст. Прилагательнирдал лултту щатIари аыш дуккияра. Миннул ци ккаккан буллаиссарив бусияра.

Утти текст прилагательнирду бакъа дуккияра. Муниву ци дахханашиву хъанай дур?

4. Учебникрая правило дуккаву, ганил ялув гъалгъа даву.

193 даву. Гай прилагательнирдашалсса мукъра предложение сакин дурну, чичара.

ПрилагательнирдацIун бакъайсса существительнирду лякъияра.

Физкультминутка

– Ч1елмуй, ч1елмуй,
Ч1ал ч1умал
Ч1авахъулттий циссара?
Ч1ев- ч1ев т1ий
Ч1ук1ри буллай,
Гъалак циван бувкссара?

6.Рефлексия

1.Дарсирай лавхъхъумунил жямру даву:

- Цуманал бусанну х1акыну жува ци лавхъхуссарив?
- Х1акыну жува тикрал ва жям барду прилагательнирдал ци ккаккан дуллай буссарив, ганил суаллу; дак1нихсса ва чичрулийнусса гъалгъалуву существительнирду ишла буллан. Жунма к1ул хъунни прилагательнирдал жула гъалгъа магъир ва пасих1 буллай бушиву.

2. – Дарсирай зура дурсса даврин кымат бишара.

7.Дарсиral жямру даву.

Дарсиral жямру даву, кыматру бишаву.

8.Шардайнсса даву: гъарца предложениялуву прилагательнирду бусса текст сакин дан.

Дарсиral тема: Глагол

Дарсиral мурад: Дуклаки оърч1ан глаголлания хъхьич1ми классиртаву лавхъхумур жям ва курт1 даву: мяъна, суаллу; глаголлал предложениялуву бугълагъисса к1ану. Глаголлу дак1нихсса ва чичрулийнусса гъалгъалуву ишла даву магъир даву.

Дарсиран аъркинмур: учебник, таблица.

Дарсиral журо: Лавхъхумур жям ва курт1 буллаисса дарс.

Дарс нанаву

1.Дуклаки оърч1ру дарсирайн х1адур даву.

2. Дуклаки оърч1ру ц1усса материал лахъхаврийн х1адур даву.

231 даву. *Физкультуралул дарсирай зува ци зий бикIайссарув бусан х1адур хъияра. Зура дайсса давурттан ц1арду учара. Зула жавабирттаву зу цумур гъалгъалул бутIа ишила бару? Багъайсса маxъругу ялун ххибувну, предложение чичара.*

Физкультуралул дарсирай жу лечару, ттуплий бүккару,...

Жула гъалгъалуву глаголданухь ци бияла буссар?

3. Учебниращалсса даву.

232 даву. *Предложенияртту дуккияра. Глаголлу лякъияра. Цукун лякъинтIиссар ми?*

(1. Мукъухъун суал булунтIиссар, 2. Мукъул ци ккаккан буллай буссарив кIул бантIиссар: зат, затрал лишан ягу затрал даву).

Предложенияртту чичара. Глаголлал луртту кIира аши дуккияра.

Цукунсса мукъурттийн учайсса бур глагол.

233 даву. Хъанахъимур, даву ккаккан дуллаисса махъру ххибувну, чичара:

Марххалтту буллан байбивхъунни.

Гъелишиву... .

Гъарал... .

Баргъ... .

Оъмардул лу... .

4. Учебнирая правилартту дуккаву, гайннул ялув гъалгъа баву.

234 даву. *Гай предложенияртту дурккуну, глаголлу ккаккан бара.*

Кай предложениярттаву глаголлу цими мукъуя сакин хъуну буссарив бусияра.

235 даву. *Текст дуккияра. Гиву хъунабавкъусса глаголлу личIи бара. Миннул ци ккаккан буллаиссарив бусияра.*

Текст дюхханну дуккин лахъхъяра. Диктант чичин хIадур хъияра. Текстрган цIа дизара.

237 даву. *Дуккияра. Суаллу буллуну, гивусса глаголлу личIи бара.*

238 даву. *Чичара, глаголлал лултту кIира аыш дуккияра. Миннул цукунсса суаллахъхъун жаваб дуллаиссарив бусияра.*

Цалчинмур предложениялул члентру ккаккан буллаисса разбор дара. Цуми гъалгъалул бутIри буссарив бусияра. Глагол предложениялул цумур членну бур?

242 даву. *Га назму дурккуну, ци дуллай бур? (дур)? ци хъанай бур? цивхъур? тIисса суаллахъхъун жаваб дуллаисса махъру ккаккан бара. Назму дюхханну дуккин лахъхъяра. Назмулува подлежащирду ва сказуемирду чичара.*

5.Физкультминутка

6.Рефлексия

1.Дарсирай лавхъхъумунил жямру даву:

- Цуманал бусанну х1акъину жува ци лавхъхъуссарив?

– Х1акъину жува тикрал ва жям барду глаголлал ци ккаккан буллай буссарив, гайннул суаллу; дак1нихсса ва чичрулийнусса гъалгъалуву гай ишла буллан. Жунма к1ул хъунни глаголлал предложениялуву хъинну агъамсса к1ану бугълай бушиву.

2. – Дарсирай зура дурсса даврин кымат бишара.

7.Дарсиral жямру даву.

8.Шардайнсса даву: 236 даву. *Га суратрах бурувгун, хавар чичара. Глаголлал лултту аыш дуккияра. Миннухъхъун суаллу булара.*

Дарсиral тема: Глаголлу группарттайх баҳхана шаву

Дарсирал мурад: Дуклаки оърч1ан глаголлу группарттайх баххана буллан лахъхъаву. Глаголлал группартту дак1нихсса ва чичрулийнусса гъалгъалуву т1айлану ишла баву.

Дарсиран аъркинмур: учебник, таблица.

Дарсирал журо: Лавхъхъумур жям ва курт1 буллалисса дарс.

Дарс нанаву

1. Дуклаки оърч1ру дарсирайн х1адур баву.

2. Дуклаки оърч1ру ц1усса материал лахъхъаврийн х1адур баву.

Даву 243 дуккин, гивусса глаголлаву группарттайх баххана хъанахъийни хъусса хасшиннардал ялув гъалгъа бан.

243. Дуккияра.

ОърчI шавай увкIунни.

ОърчI лу ккалай ур.

Нину шардай дуркIунни

Нину лу ккалай дур

Душ шаппай бувкIунни.

Душ лу ккалай бур...

•Личи бувсса глаголлу цивппа бавхIусса мукъурттих бурувгун, цукун баххана хъанай бур? Мукунмасса мисаллу цаймигу буцара.

—Х1акъинусса дарсирал тема ци дур?

— Глаголлу группарттайх баххана шаву.

3. Учебникращалсса даву: даву 244, 246

244. Буккияра.

Учитель, аму, чИира, адимина, летчик, мурхъ, школа, хIаят, магъи, дакI, хъазам, ххуллу, дарваза, нех, къур, хъу, ччатI, нис.

- Гай существительнирацIун **ур, бур, дур** тIисса глаголлу чичара.
- 4 предложение сакин дара.

.246. Дуккияра.

1.Шанна къини атилсса марч бишлай бия. 2.Хъхурай гъарал лачIлан диркIуна. 3.Му чавхъуйн кIура даруна. 4.КIюрхилнин гъарал къадагъуна. 5.Марххалтания цичIав къалирчIуна. 6.Марххалтанил щинал къурукъру къакъардавун бавчуна. 7.Къакъарду дуцIин дурсса интту щинну неххавун най дия. 8.МикI гъагъари буллай, нех гъузи лахълай, зумардава дуклай дия.

- КIа текст цумур журалул дур? Текстран цIа дизара.
- Цивппа бавхIусса существительнирдал группарттацIун бавкъуну баххана хъанахъими ва къахъанахъими глаголлу ккаккан бара.

4. Учебникрая правилартту дуккаву, гайннул ялув гъалгъа баву.

5.Физкультминутка

6. Карточкартташалсса даву

Даву 247. Дуккияра.

Шяравун автобус бувкIунни. КIичIиравух щинал альтартту бавчунни. Хъуруннайн чIявусса ххюнкIри багъну бур.

- Глаголлаву группартту ккакканбуулт ккаккан бара.

7.Рефлексия

1.Дарсирай лавхъхъумунил жямру даву:

- Цуманал бусанну хIакъину жува ци лавхъхъуссарив?

– Х1акъину жува глаголлу группарттайх баххана буллан лахъхъарду, дак1нихсса ва чичрулийнусса гъалгъалуву гай ишла буллан. Жунма к1ул хъунни глаголлал группарттавусса лялич1ишивуртту.

2. – Дарсирай зура дурсса даврин кымат бишара.

8.Дарсиral жямру даву.

9.Шардайнсса даву:245 даву. Шардайнсса даву дурч1ин даву.

•Гай предложенияртту чирчуну, группарттайх баххана хъанахъими глаголлал луртту кIира аши дуккияра.

Дарсиral тема: Числительное

Дарсиral мурад: Дуклаки оърч1ан числительнирая хъхьич1ми классирттаву лавхъхъумур жям ва курт1 даву: мяньна, суаллу; предложениялуву бугълагъисса к1ану. Числительнирду дак1нихсса ва чичрулийнусса гъалгъалуву ишла даву магъир даву.

Дарсиран аъркинмур: учебник, таблица.

Дарсиral журо: Ц1усса материал лахълахъисса дарс.

Дарс нанаву

1.Дуклаки оърч1ру дарсирайн х1адур даву.

2. Дуклаки оърч1ру ц1усса материал лахъхъаврийн х1адур даву.

216 даву. Дуккияра.

Оъмардул кIия уссу ур. Столданий шанма лу бур. Классраву зувиллий мукъа оърч1 ур. Цими уссу ур Оъмардул? – КIия. Цими лу бур столданий? – Шанма. Цими оърч1 ур классраву? – Зувиллий мукъа.

Ци ккаккан буллай бур кIия, шанма, зувиллий мукъа тIисса мукъурттил? Миннул ккаккан буллай бур инсантураг, затирттал аьдад, ми цими уссарив (дуссарив).

Асват шамилчинмур классраву дуклай бур. Дунияллий цалчинма космонавт Юрий Гагаринни. Цимилчинмур классраву? – Шамилчинмур. Цимилчинма космонавтри? – Цалчинма.

Ци ккаккан буллай бур шамилчинмур, цалчинма тIисса мукъурттил? Миннул ккаккан буллай бур инсантураг, затирттал яржа, миннал ярглийх цимилчинмур кIантту бувгъуну буссарив (уссарив, дуссарив).

3. Учебникрая правилартту дуккаву, гайннул ялув гъалгъа даву.

4. Учебникрашалсса даву.

217 даву. Гай предложенияртту дуккияра. Числительнирдал лултту аьшуру дуккияра. Миннул цукунсса суаллахъюн жаваб дуллай буссарив бусияра.

219 даву. Гай аьдадрал числительнирдая яргул числительнирду бара.

Бансса куц: мукъва – мукъилчинма, мукъилчинмур, мукъилчинсса

220 даву. Гай предложенияртту дурккуну, гиву числительнирду ва миннуцIун бавхIисса существительнирду ххал бара. Цивппа бавхIисса существительнирдацал числительнирду чичара.

5. Физкультминутка

6. Рефлексия

1. Дарсирай лавхъхъумунил жямру даву:

– Цуманал бусанну хакыину жува ци лавхъхъуссарив?

– Х1акыну жува лахъхарду числительнирдал ци ккаккан буллай буссарив, гайннул журагарду, суаллу; дак1нихсса ва чичрулийнусса гъалгъалуву гай ишла буллан.

2. – *Дарсирай зура дурсса даврин кымат бишара.*

7.Дарсирал жямру даву.

8.Шардайнсса даву: 221 даву. Гай аьдадрал числительнирдая яргулми бувну, миннуцIун бавхIусса существительнирду лякъияра. Вай бавхIумукъурттия предложенияртту сакин дара.

Лакку мазрал ва литературийсса буккаврил интегрированныйсса дарс

Лакку мазрал дарсирал тема: Существительнирая лавхъхъумур жям баву.

Литературийсса буккаврил тема: Лакрал халкъуннал магъа «Цулк1лул дару»

Дарсирал мурад: существительнирая лавхъхъумур жям баву, дуклаки оърч1ал чичрулийнусса ва дак1нихсса гъалгъа магъир бан, магълуву хъуна-бавкъусса жанавартрал сурат дан, текстравусса материал лякъин, цач1у дирхъуну ххал дан лахъхъаву.

Дарсиран аркинмур: суратру, карточкартту.

Дарс нанаву

1.Дуклаки оърч1ру дарсирайн х1адур баву.

2. Дуклаки оърч1ру ц1усса материал лахъхъаврийн х1адур баву.

–Бургияра магълул темалух. Цуми гъалгъалул бут1ри бур ганил ц1аниву.

– Существительнирду.

– Х1акынусса жула дарсирал тема цукусса дур?

– Х1акыну жува существительнирая лавхъхъумур жям банну, лякъинну гай жула магълуву.

3.Магъа буклай бунува гиву существительнирду лякъин.(презентация х1адур дан)

4.Гъарца дуклаки оърч1ан цанна- цаннасса даву дулун.

1)существительнирдал жуарарду: хасъssa ва аымssa;

2)существительнирдал жуарарду: к1улши дусса ва к1улши дақъасса;

(Учительнал дуклаки оърч1ру къулагъас дан бан айкинссар лакку мазрай цу? суал так инсантуран ц1ардайн бакъа къабишайшиву. Текстраву жанавартрал ц1арду лякъайссар ва гайннун суаллу буллали байссар.Шикку дуклаки оърч1ру дан бан айкинссар вывод: жанавартрал ц1ардайн жува лакку мазрай бихълай буру суал *ци?* , оърус мазрай *цу?*т1исса.

3) существительнирдал айдад;

4) существительнирдал группартту ва ц.

5)жула гъалгъалуву существительнирдал бугълагъисса к1ану.

ЦУЛК1ЛУЛ ДАРУ

(лакрал халкъуннал магъа)

Ца къини аслан-къаплан къашай хъуну багъну бур. Ца ч1аххусса цулч1а лич1анин циняв жанаварт муних бурган лавгун бур.

Асландалуха къуллугъ буллалисса бурц1ил увкуну бур ца къини:

– Аслан- агъа, вин х1исав хъурив? Вай циняв жанаварт вих бурган бувк1ун буна, ч1аххурайсса цулч1а ттигу къабувк1унни, – куну.

Цулч1а къабувк1есса бувсукун, асландалун хъинну ссибивзун бур. Мунил: «Валлагъ та цулч1а ккаккайхту, ппив-ххив къабувну къабитави», – куну бур.

Цулк1лун му циятувасса ихтилат бавну, ца кыни лавгун бур асландалух бурган.

– Ай, малъоын цулч1ай! Вайкесса жанаварт бувк1ун буна ттух бурган, ч1аххурайсса ина уттинин къабувк1унна. Бац1у на вин ци байрив! – куну, бувгъуну цулч1а ттуру- гъюру бувну бур.

– Агъ, ина т1имур цира, аслан? На вин дару ххал буллай бикъавесса к1ану къабитав! Ттун къаккавкесса къаливч1унни. Тти даругу лявкъуну нанисса ч1умал, ина дуллалимур цира? – куну бур цулк1лул.

– Ци дарув лякъав? Буси! – куну бур асландалул, ххаригу хъуну.

– Бурц1ил ликкурал майният вин хъинсса цич1ав дакъасса дурр. Ттухъ х1акинтурал муният хъинсса дару бакъассар увкунни, – куну бур цулк1лул.

Муссят асландалул, ххявххун ч1арав бавц1усса бурц1ийн, дурцун мунил личча, дуркуну дурр ликкурал май. Муният махъ цаппара х1ал лавгун бур. Цулк1лун ойттул гъулуртусса ликкуращал га барц1 авлахърай ккавккун бур. Цулк1лул учайват1ар ганихъ:

– Цума урив цанма айкин бакъамур буслай, цаманая маз буллай, мунал мукунсса ят1ул мах1сив лаххант1иссар, – куну.

6.Физкультминутка

«Цулк1лул балай»

На дукара, дукара

Бак1райн дагъесса ххячара.

Бириярча бацара

Цулуцалал къуцуру.

6.Суаллан жавабру дулаву:

- 1.Цивхъуну бивк1ун бур асландалун?
- 2.Цукунсса дару лявкъуну бур цулк1лул асландалун?
- 3.Магълул махъва-махъмур абзац бувч1ин бара.
- 4.Маз бак1ран балари т1исса учалалул мяньна дурч1ин дара.
- 5.Магъа, рольлайх бавч1уну, буккияра, ганил кут1асса мурад бусияра.

7.Рефлексия

1.Дарсирай лавхъхъумунил жямру даву:

- Цуманал бусанну х1акыну жува ци лавхъхъуссарив?
- Х1акыну жува тикрал бардусуществительнирду, гайннул журагарду, суаллу; дак1нихсса ва чичрулийнусса гъалгъалуву гай ишла буллан; лакрал халкъуннал магъа.

2. – Дарсирай зура дурсса даврин кымат бищара.

7.Дарсирал жямру даву: дарсирал жямру дан,къиматру бишин.

8.Шардайнсса даву: магълул кут1асса мурад бусан, существительное тикрал
бан

Хъиривмахъ

Байбихъулул классирттаву лахъхъайсса лакку мазрал курсирал щаллу бан айкинссар ойрч1ан к1улшиву дулаврил, гай тарбия баврил ва итххяххан баврил цасса масъала.

З-мур классраву гъалгъалул бут1ри лахъхъин ккаккан бувну бур. Дуклаки ойрч1ан гъалгъалул бут1раясса аймсса к1улшиву дулун, существительнирду, прилагательнирду, ц1анинк1анаймур ва глагол лахъхъин ккаккан бувну бур. Хъуннасса къулагъас гъалгъалул компетенция хъун баврих, яни дуклаки ойрч1ан пасих1ну, ххуйну гъалгъа буллан лахъхъин баврих дан ккаккан дурну дуссар. Федерал паччах1лугърал дуккаврил стандартирттай хъуннасса къулагъас дуклаки ойрч1ан ц1усса материал лахъхъин, къак1улмур к1ул буллан, цайнура цайра к1улшиву ласун лахъхъин баврин дурну дур. Байбихъулул классирттаву зузисса учительтуран хъуннасса къулагъас дуклаки ойрч1ал дак1нихсса ва чичрулийнусса гъалгъа магъир баврих дан айкинссар. Дуклаки ойрч1ан литературийсса мазрал къараплу дуурччууну гъалгъа буллан лахъхъин бан айкинссар. Гъалгъа байбишин, къуртал бан, гиву гъалгъалул этикетравун багълагъисса махъру ишла буллан лахъхъин айкинссар. Гъалгъа, ч1умух, к1анттух бурувгун, бан айкинссар.

Ниттил мазрал дарсирил хъуннасса агъамшиву дуссар дуклаки ойрч1ру тарбия бавриву: ойрч1ан адаб-инсапрал чулуха тарбия дулаву, Буттал к1ану ххира шаврил чулухунмайсса асарду хъун бавриву. Хъуннасса агъамшиву дуссар ниттил мазрал дарсирил Буттал к1анттухсса, ниттил мазрахсса чаву хъун давриву. Учительнал биялсса х1араачат ниттил маз дуклаки ойрч1ан ххира хъун бан, ганил ххуйшиву, пасих1шиву ккаккан бан айкинссар. Мукунна хъуннасса къулагъас дуккавриву ц1усса педагогикалул технологияртту, ИКТ- технологияртту ишла даврих дан айкинссар. Учительнал биялалуву дуклаки ойрч1ан лакку маз лахъхъаврихсса гъира багъаву буссар.

Ишла дурсса литература:

- 1.Арефьева О.М. К проблеме формирования коммуникативных умений детей младшего школьного возраста// Начальное образование –2010, № 3 С.52.
- 2.Бернштейн С. Вопросы обучения произношению. М., 1937.
- 3.Винокур Т.Г. О некоторых синтаксических особенностях диалогической речи. // Сборник «Исследования по грамматике русского литературного языка» М., 1955.
- 4.Гальперин И.Р. Грамматические категории текста (Опыт обобщения) // Известия АН СССР, - Серия лит. и яз.- Т.36, 1977, № 6
5. .Гальперин. И Р. Текст как объект лингвистического исследования. М., 2006
- 6.Капинос В.И., Сергеева Н.Н., Соловейчук М.С. Развитие речи: теория и практика обучения. 5-7 классы. М., 1994.
- 7.Львов М.Р. Методика развития речи младших школьников. М., 1985.
- 8.Львов М.Р., Рамзаева Т.Г., Светловская Н.Н. Методика обучения русскому языку в начальных классах. М., 1987.
- 9.Макаренко А.С. Избранные сочинения, л.374
- 10.Методика начального обучения русскому языку. Под ред. И.В.Баранникова, А.И. Грекул. Л., 1984.
- 11.Методика развития речи на уроках русского языка. Под ред. Проф.Т.А. Ладыженской. М., 1991.
- 12.Методика обучения иностранным языкам в начальной школе. Под ред. И.В.Карпова, И.В.Рахманова. М., Издательство АПН РСФСР, 1949.
- 13.Мутаева С.Р.Байбихъулул классирттаву гъалгъа магъир баву. Мах1ачкъала, 2012
- 14.Политова Н.И. Развитие речи учащихся начальных классов. М., 1984.

- 15.Сафонова В.В. Коммуникативная компетенция: современные подходы к многоуровневому описанию в методических целях. М., 2004.
- 16.Саяхова Л.Г.Концент как единица лингвокультурологии, когнитивной лингвистики и лингводидактики. М., 1998
- 17.Седов К.Ф. Дискурс и личность: эволюция коммуникативной компетенции. М., 2004
- 18.Ситникова Т.Н. и др. Поурочные разработки по русскому языку (*к УМК В.П.Канакиной, В.Г.Горецкого*)
- 19.Сулейманова П.А. Словосочетания в лакском языке и их изучение в школе. Махачкала, 1989.
- 20.Ушинский К.Д. Собрание сочинений, т.2, М., 1968.
- 21.Цукерман Г.А. Как младшие школьники учатся учиться? - Рига: Эксперимент, 2000
- 22.Чистяков В.М. Основы методики русского языка. М., 1947.
- 23.Эльдарова Р.Г. Лакку маз. Фонетика ва фонология. Орфоэпия. Орфография. Махачкала, 2006.

**3- мур классрал учебный пособиялудынса
методикийсса маслихатту (учебный пособие
«Лакку маз» 3 класс, автор – И.Х.Абдуллаев,
К.Р.Рахимов, С.Р.Мутаева, М.«Просвещение»,
2018)**